

Ammasumik ataatsimiinnermi oqaluuserisassat:

- Imm. 01** Oqaluuserisassat akuersissutigineri
- Imm. 02** Borgmesterip nalunaarutaa.
- Imm. 03** Ataatsimiititaliani siulittaasut nalunaarutaat.

Paasissutissiissutit

- Imm. 04** Qeqqani Inuutissarsiornermut Siunnersuisoqatigiit 2011-mi qaammatit pingasukkaat pingajuanni suliaminnik paasissutissiissutaat.
- Imm. 05** Qeqqata Inuutissarsiornermut Siunnersuisoqatigiivisa qaammatit pingasukkaat sisamaanni 2011-mi iliuuserisimasaminnik paasissutissiissutaat.
- Imm. 06** Suliffissaqartitsinissamut aningaasaliinissaq pillugu Itillimit saaffiginnissutip paasissutissiineq
- Imm. 07** Sisimiut Umiarsualiviannik tallilineq pillugu paasissutissiissut.
- Imm. 08** Kangerlussuup nunataata aqutsivigineqarnissanut pilersaarut pillugu paasissutissiissut
- Imm. 09** Kangerlussuarmi nunataq piniarfgeqqusaanngitsoq pillugu paasissutissiissut.
- Imm. 10** Qeqqata Kommuniata avataani uuliasiorsinnaanermut akuersissutit pillugit paasissutissiissut
- Imm. 11** Majuartaateqarfimmu immikkut aningaasaliissut pillugit paasissutissiissut.
- Imm. 12** Sisimiuni Utoqqaat Angerlarsimaffianni ikuallattoorsinnaanermut illersuusiinnermi immikkut aningaasaliinissamik akuersissut pillugu paasissutissiissut.
- Imm. 13** Paasissutissiissut nr. 4. Meeqqat Atuarfiinik ineriartortitsinissamut Suliniut.
- Imm. 14** Atuartut angerlarsimaffii pillugit nalunaarusiaq – nunaqarfiit atuarfiiniit illoqarfinni atuarfnumut ikaarsaariartarneq pillugu eqqarsaatersuutit inassuteqaatillu.
- Imm. 15** 2011-mi Qeqqata kommunianut qipoqqartassissutinit sinneruttup agguaaateqqinneqarnissaa pillugu paasissutissiissut.
- Imm. 16** 2012-imi Kangerlussuup avannaani ukiuunerani umimmaat pisassiissutit agguanneqarnerat piniarneqarnerallu pillugit borgmesterip aalajangiinera pillugu paasissutissiissut.
- Imm. 17** Puigortunngorsimasut pillugit 2012-imi nalunaarusiassatut siunnersuutip tusarniutigineqarneranut Qeqqata Kommuniata akissuteqaataanut paasissutissiineq

Imm. 18 Qeqqata Kommunianut ulluni 25. - 28. oktober 2011 nakkutilliarturnermit nalunaarusiamut paasissutissiineq.

Aningaasaqarnermut tunngasut

Imm. 19 2013-imi aningaasanut inatsisissamut sanaartugassatut kissaatigisat qinnutiginnissaaat.

Imm. 20 Sisimiuni qatserutaasiviup garageaata allilerneqarnissaa - missingersuutigigut nuutsinerit.

Imm. 21 Illuaqqat pingasut illuaqqat piniariartafinniit takornarissanut illuaqqanut nuutitsineq.

Suliassat nalinginnaasut

Imm. 22 Illuaqqanik piniariartarfinnik aalisartut piniartullu peqatigiiffianut tunniussinissaq.

Imm. 23 Kommuninut, nunaqarfinni aqutsisunut il.il. qinersinissamut tusarniaaneq.

Imm. 24 Qeqqata Kommuniani politiit ileqqoreqqusaat.

Imm. 25 2012-imut qilalugartassat agguaannissaaat.

Imm. 26 Qeqqata Kommuniani kuuit eqaloqarfiit sorliit sukisaarsaatigalugu aalisartunik aalisartitsisalernissami atorneqassanersut pillugu innersuussut.

Imm. 27 Akiani aqquserngit taaguutaat.

Imm. 28 Kommunimi pilersaarutip nr. 42-p inaarutaasumik akuersissutiginnissaa – Ilinniartunut inissiat Sisimiuni Eqqaavimmut Aqqusernga sinerlugu.

Imm. 29 Kommunimi pilersaarummut tapiliussassatut siunnersuut nr. 46, Sisimiuni immikkoortup 800-A53-ip ilaani ilinniartunut inissialiorfissatut ilaqutariinnullu najugaqarfiliorfissatut immikkoortitaq.

Imm. 30 Qeqqata Kommuuniani siunissami atuarfeqarnerup aaqquissuussaanissaanik siunnersuut, atuartut angerlarsimaffii pillugit.

Imm. 31 Imigassamik sassaalliisinnaanermut akuersissummik qinnutaat type B - Tuttu Guest House v/Bauer Johansen, Kangerlussuaq.

Imm. 32 Oqaluuserisassatut siunnersuutit – Ukiuunerani piniarnermut qamuterallannik sisamanillu assakaasulinnik atuinerup inerteqqutaanissaa Kangerlussuullu nunataata aqutsivigineqarnissaanik pilersaarutip saqqummiunneqarnissaa.

Imm. 33 Oqaluuserisassatut siunnersuut – Kommuni ”qorsuk”.



- Imm. 34** Oqaluuserisassatut siunnersuut – Kommunimiit innuttaasunut paasissutissiineq.
- Imm. 35** Oqaluuserisassatut siunnersuut - Kommuunimi aalisarfiit ilaanni eqalussuit ikilisarnissaat.
- Imm. 36** Oqaluuserisassatut siunnersuut – Kuuffissuarnut ikkunnermut aningaasartuutit akilersorneqartarnerata allanngortinneqarnissaat.
- Imm. 37** Oqaluuserisassatut siunnersuut – Teknikkimut avatangiisinullu ataatsimiititaliap passisassarsiorluni angalanissaa.
- Imm. 38** Qeqqata Kommuniani avataaneersunik tikisitsinissanut akuersissutit pillugit apeqquteqaat.
- Imm. 39** Qeqqata Kommuniani pensionisialinnut ineqartitsineq pillugu apeqquteqaat.
- Imm. 40** Ilaqutariinnermut immikkoortortamit paasissutissat aamma Aningaaserivinnut paasiniaanermi inatsisitigut maleruagassat pillugit apeqquteqaat.
- Imm. 41** Tamalaat.



Ataatsimiinneq videokonferenci atorlugu ingerlanneqassaaq aallartissallunilu nal. 8:30

Peqataasut:

Atassut

Inuit Ataqtigiit

Siumut

Nalunaaruteqarlutik peqataannngitsut:

Nalunaaruteqaratik peqataannngitsut

Imm. 01 Oqaluuserisassat akuersissutigineri

Aalajangiineq

Imm. 02 Borgmesterip nalunaarutaa

Aalajangiineq

Imm. 03 Ataatsimiititaliani siulittaasut nalunaarutaat

Aalajangiineq



Imm. 04 Qeqqani Inuutissarsiornermut Siunnersuisoqatigiit 2011-mi qaammatit pingasukkaat pingajuanni suliaminnik paasissutissiissutaat

Journalnr. 01.07.10

Tunuliaqutaq

Qeqqata Kommuniata Qeqqani Inuussutissarsiornermut Siunnersuisoqatigiillu (QIS, Qeqqata Erhvervsråd) kiffartuussinissamik isumaqatigiissutaat naapertorlugu, QIS-i qaammatit pingasukkaat naaneranut suliaminnik paasissutissiissusaatitaapput.

Maleruagassatigut tunngavissaq

Qeqqata Kommuniata QIS-illu akornanni kiffartuussinissamik isumaqatigiissut kommunalbestyrelsimit februaarip 24-ni 2011-mi akuersissutigineqartoq.

Pissutsit atuuttut

Nalinginnaasut:

2011-mi qaammatit pingasukkaat pingajuat sulisut amerlanersaasa feriarnermut atorpaat, taamaatumillu suliat qaammatikkaanut pingasunut siuliinut sanilliullugit annikinnerullutik.

Maniitsumi siulersuisut ataatsimoorlutik septembarip 5-ini 2011-mi ataatsimiipput, tassa Alcoa pillugu Qeqqata Kommuniata Inuutissarsiornermut Takornariaqarnermullu Naalakkersuisoqarfik peqatigalugu isumasioqatigiinnerannut atatillugu. Siulersuisunut ilaasortat ataatsimiinnerminnut atasumik taamatut ingerlatsisoqarnera iluarisimaaqaat.

2012-imiit 2016-imut Inuutissarsiutitigut pilersaarusiassaq aallarnersarlugu siulersuisunut saqqumiunneqarpoq, sammisassanullu tunngasut akuerineqarlutik.

Naalakkersuisoq ataatsimeeqatigineqarpoq, suliffeqarfinnut alakkarterisoqarluni, minnerunngitsumillu Alcoa pillugu isumasioqatigiittoqarluni.

Sapaatip akunnerani ingerlanerani kingusinnerusukkut pisortaq København-imukarpoq, pilersaarsiornermik ingerlatsisoq Peter Evaldsen ornillugu, tassa aallartitsinianut ukiumoortumik København-imi saqqummersitsinermit peqataajartorlutik, tassa inuutissarsiutitigut siunnersuisoqatigiit ukiariartorneranut 2012-p naanissaata tungaanut sammisassarinnaasaatigut isumassarsiorlutik. Kalaallit Nunaanni kommunit allat sinniisoqarputtaaq. Sisimiuniit septembari pillugu nalunaarussiaq takuuk.

Septembarip 21-ni 22-ilu Nuummi Joining Forces pillugu isumasioqatigiittoqarpoq, tasanilu pisortaq peqataalluni. Isumasioqatigiinneq taanna Sisimiut avataanni uuliasiornissamut atatillugu piareersarnissamut isumassarsiffiuvoq. Attavissanik naapitsisoqarluni, "house og Petroleum" aallarnisaataasumik, tasanilu sillimaniarnissamut il.il. tunngasutigut ilinniartitsisinnaanissat inissinneqartinneqarsinnaassallutik.

Sisimiut:

JUULIMI

- Taseraliup siulersuisuini ataatsimiinneq
- SivdleK'-rup siulersuisuini ataatsimiinneq

Siunnersuinerit

Sisimiut 2

AGGUSTIMI

Svenskit niuernermit tunngasutigut sinniisaannik ataatsimeeqateqarneq, ilaatigut svensket niuernermit ministeriat Ewa Björling svenskillu Danmark-imi ambassadøriet Inga Eriksson Fogh. Sisimiuni ataatsimiinneq inuutissarsiutaatilinnit peqataaffigilluarneqarpoq.

Nunanit allaniit Arctic Circle Race marsimi 2012-mi pisussaq pillugu apeqqutinik ingerlaavartumik takkussuuttoqartarpoq, tamakkulu ullup ataatsip marlulluunniit iluini akiniarneqarsinnaasarlutik. ACR-ip nittartagaanik/qoppersagaanik ullormut alakkaasartut 1200-t 2800-llu akornanniipput. Ullup ataatsip ingerlanerani amerlanerpaagamik 3421-t alakkarterisimallutik. Qaammatit marluk sinnilaarlugit ingerlanerini 100.000-t alakkarterisimallutik, taamaattumik naliliisoqaannarsinnaalluni ACR nunatta avataani tusaamasaaqaaq. Assersuutigalugu European Union of Cross-country Skiing Maratons nittartagaat/qoppersagaat ullormut 1000-t missaannik allakkarterneqartarpoq. **ACR TORRAK!!**

Kommunip 2012-mut inuutissarsiutitigut pilersaarutissaatut siunnersuutissaq ingerlaavartumik sulisunit ataasiakkaanit ingerlanneqarpoq. Sulisut ataasiakkaarlutik isumassarsiaminnik pilersaarusissamik immiipput, tamakkulu iluarsaateriarlugit inuutissarsiutitigut siunnersuisoqatigiit siulersuisuut kommuni politikkerinut sulisunullu saqqummiunneqassallutik.

Siunnersuineq

Sisimiut 1

SEPTEMBARIMI

Iværk & Vækst i Forum Copenhagen-imi peqataaneq. Aqqissuussaq 2011-mi septembarip 9-aniit 10-ata tungaanut ingerlanneqarpoq, Kina-mi Eksportambassadørimit Ritt Bjerregaard ammarneqarluni. Ilaatigullu taassuma paasissutissiissutigivaa, Kina ilinniartitaanikkut inuutissarsiutitigullu tunngasutigut siuariartortorujussuummat. Kinamiut ilinniagallit isumaqarput, Europa kigaappallaamik siuariartortoq, aammalu ilinniakkanik qaffasinnerusunik USA-mi ingerlatsisarlutik. Kajumissuseqarpiannigitsuinnaat Europa-mi ilinniakkaminnik ingerlatsisarput.

Kina aningaasarsiornermigut annertoorujussuarmik qaffariaateqarsimavoq, tamatumalu malitsigisaanik aningaasarpassuarnik nalilimmik niueqatigiinnissamut suliffissanullu periarfissarissarlutik.

Eksportråde-p nunarsuarmi tamani niueqatigisinnaasanik attaveqalernissaq eqqarsaatigalugu ataatsimeeqatissanut attavileeqataasinnaavoq, tamatumani angalaneq kisiat nammineq akiligassaalluni.

Anders Hoffmann-ip Erhvervs- og Byggestyrelse-meersup “Sult efter vækst”-imik saqqummiussinermini oqaatigivaa, meeqqat meeraaneriniit sukumiisumik sungiusartinneri inuunerup sinneranut pitsaasumik sunniteqartartoq. Saqqummiussisorlu naapertorlugu sungiusarnermi 10.000 tiimit (ullormut 4 tiimit sungiusartaraanni = ukiumut 1.000 tiimit missarivaat) atoraanni tamanna pitsaaluinnartumik kinguneqartartoq.

Tuniniaavissanik nutaanik ujaasinermi tuniniaaviit pingaarnersaasa pissarsiarinissaat pingaaruteqavippoq, taamaalilluni tuniniaaviit patajaatsut aqutugalugit aningaasat annertusiartortissinnaanissaat aqutissiuullugu, tuniniaaviit tutsuiginarpallaanngitsut nikerarpallaallu pinnagit.

Ejerletherit pisortaata Hans Jørgen Dalum-ip maluginiaquaa, aallartitsiniat EU microlån-ikkut 25.000 €-nik attartornissaminnik qinnuteqarsinnaammata. Kalaallit Nunaannut atatillugu apeqqutaalluni, EU-mik isumaqatigiissummi, imaluunniit naalagaaffeqatigiinneq aqutugalugu ilaatitaanersugut.

Saqqummersitsinerup nalaani aamma Qaasuitsup Kommuniata Sermersuullu Kommuniata sinniisaanik ataatsimeeqatiginnippugut, kommunillu marluullutik ilaatigut oqaatigivaat, annertunerusumik suleqatigiissinnaaneq kissaatiginartillugu, taamaaliornikkut sanngiiffigisat nukittorsarsinnaanarlugit allatigullu suleqatigiinnikkut tamanut iluaqutaasinnaasut pitsanngorsaaffiginiarlugit. Ilaatigut inuutissarsiutitigut ineriartortitsinermi anguniakkani ataatsimoorussani ataatsimoortumik pisortanut saaffiginnissuteqartoqarsinnaavoq. Ilaasalu Ineriartortitsinikkut pikkorissaanerit ujtartorpaat, tassa malinnaaffigisassaraluit massakkumulli iliuuseqarfigineqarsimanngitsut.

Kiniserit aallartitaqarfianni ataatsimiinneq. Ataatsimiinneq pisortatigoortuunngilaq, aallartitallu kissateqarneratigut pulaarsimanerminnut qujaniutitullusooq pulaartitsinerulluni, tassa 2009-mi aallartitaqarfimmiut uagutsinnut pulaarnikuugamik. Tamannalu piviusunngorsinnaasimalluni aallartitsiniat pillugit Forum Copenhagen-imi aaqqissuussinermit peqataanitsinnut atatillugu. Pulaarnermi peqataapput Pollas Lyberth aamma Peter Evaldsen, inuutissarsiutitigut siunnersuisoqatigiit.

Mr. Han Xiaodong-ip China Fisheries and Seafood Expo Kinami 2011-mi novembarip 1-aniit 3-anut pisussaq maluginiaqquaa, aaqqissuussinissarluk soqutigigutsigu peqataanissatsinnik kajumissaarluta. Internetsi aqutugalugu Kinami suliffeqarfiit assigiinnngitsut paasiniarneqarsinnaapput, taamatullu aamma aalisartut peqatigiiffiisa kattuffiata nittartagaatigut/quppersagaatigut.

Kalaallit suliffeqarfiutaat namminneq nittartakkatik/quppersakkatik aallartitaqarfiup nittartagaanut/quppersagaanut akiliillutik ikkussinissaminnut periarfissaqarput. Taamaalillutik kikkulluunniit aallartitaqarfiup nittartagaanut/quppersagaanut isertut toortagannguaq tuunnarlugu kalaallit nunaanni suliffeqarfiit iserfigisinnaalissallugit.

Kinami tuniniaaviit ilaaffigerusukkaanni, annertoorujussuarnik eqqarsateqartoqartariaqarpoq. Suliffeqarfiit angisoorsuit tuniniaavinnut anngunnissaminnik periarfissarissaarnerupput, tassanilu tuniniaavissuit aningaasariisaartut nassaassaallutik.

Kinamiut aningaasaliisartut pilersaarutunik soqutiginartunik aningaasaliiffigisinnaasaminnik ujarlertuatuupput, soorlu i on – aamma offshore-mik pilersaarutit, nioqutissiat imaaneersut, allatigullumi aamma. Aalajangersimasumik pilersaaruteqaraanni, kinamiut aallartitaqarfianni niuernermit tunngasutigut ikiortissarsiorneq siunnersortissarsiornerlu ajornanngilaq.

Isumaqarporlu, takornariaqarnikkut Kalaallit Nunaata takorannertuuneratigut misigisassatigullu neqerooruteqarsinnaaneratigut Kinamiut soqutiginnilluarsinnaasutat.

Uagut tungitsinniit kommunip inuutissarsiutitigut periarfissarititai, aligoqqiiniik piiaviit kiisalu olivinimik piiavik matuneqarsimasoq, taamatullu amma Alcoap pilersaarutaa, kiisalu illoqarfiup erngup nukissiteqarnera il.il. paasissutissiisutigivavut.

Paasivarpullu Mr. Han Xiaodong-ip Kalaallit Nunaanni Tunu tikeraarsimagaa, misigisimasanilu assut alutorsaatigisimallugit, Kalaallillu Nunaannik annertunerusumik takunnikkusuttoq. Aasap tulliani Nuummukarniarunarpog. Taamalu pisoqassagaluarpat aamma Sisimiut tikeraarusuppai.

Tikeraassagaluarunilu attaveqarfiginarpaatigut, aammalumi pitsaasumik ingerlanneqarumaarneranik neriorsorparput.

Taamaattorli timmisartornermi Hotelinilu akit qaffasinaarpai. Takornarissanut quppersakkamik Qeqqata Kommunianeersumik DVD-talimmik tunivarput, takorusunermillu utaqqisinnaanngingajavilluni.



Husky Energy-mik ataatsimeeqateqarneq. Husky Energy-p 2013-mi Kalaallit Nunaata Kitaani misiliilluni qillerinissani naatsorsuutigivaa. Tamatumunngalu atatillugu Captain Scott Brown, Marine & Logistics Manager angalaarpoq, tamatumani umiarsualiviit pilersuiffiusinnaasut alakkarterlugit, aallaavigisinnaasassatik.

Nunaminertat 5000-iniit 8000 kvadratmeterit atortuutiminnik ilitsivissaqarsinnaasut pisariaqartip-paat. Atortuutaat oqimaatsut eqqarsaatigalugit, usingiaavimmut qanittumi ilitsivissaqartissinnaanis-saat pisariaqarpoq, tassa atortuutit taamatut oqimaatsigisut nuunniarnerini piffissarujussuaq ator-ne-qartarmat. Nikinneqarsinnaasumik kivitsiseqarnissaat sanioqqunneqarsinnaanngilaq, taassumalu atortuutit oqimaatsorujussuit kivissinnaassallugit – kivitsisinnaanissaat 15-iniit 20 tonsit angullugit? Tamatuma saniatigut containerit 40-niit 50-inut atorfissaqartissavaat.

Piffissami misiliillutik qilleriffigisinnaasaanni ulapiffiusorujussuussaaq. Scott-ip naatsorsuutigivaa, piffissaq taanna juunimiit septembarip tungaanut ingerlassasoq, piffissarli suli massakkut eqqortumik oqaatigisinnaanagu.

Naatsorsuutigivaat sulisussat 40-t sapaatip akuneranut pingasoriarlugit parlaatsinneqartarnissaat. Sulisut ingerlaannaq ingerlaqqissinnaassatinnagit, tamakku hotelimi il.il. najugassaqartinneqarsin-naanissaat pisariaqartassaaq. Aammalu Husky Energy-p Sisimiut aallaavissamittut aalajangiutissa-galuarpagit, inunnullu tallimanut illut ataaseq marlulluunniit atorfissaqartissallugit.

Umiarsuaat 85-iniit 90 meterinut takitigipput, talittarfimmilu salliutinneqarnissaat pingaaruteqarluni, tassa piffissaat sivikitsuugami akisuujullunilu. Umiarsuit 4-niit 5 meterinut itsineqartussaapput, taamaammat Sisimiut pilersuinikkut aallaavissatut toqqarneqassagaluarpat tamatumuuna ajornartorsiutitaqartussaanani, tassa ullumikkut umiarsualivik 7-iniit 8 meterit tikillugit itissuseqa-rami.

Aammattaaq Husky Energy-p umiarsuani uulialersortuarsinnaanissaat pisariaqartissavaa, Polar Oil-illu paasissutissiissutigivaa, ingerlatissanut/ikummatissanut annertoorujussuarmik peqqumaasive-qarlutik, taamalu Husky Energy-p tamatumuuna atorfissaqartitaa naammassisinnaallugu. Aammatta-q umiarsuarmiit umiarsuarmut orsersuisinnaallutik.

Aallartinnermi Husky Energy-p sulisussat kivittaaserisinnaasut, truckinik il.il. ingerlatsisinnaasut pisariaqartissavai. Suliffeqarfimmullu arlaatigut sullissisinnaasunut il.il. sillimaniarnermut tunnga-sutigut immikkut piumasagaateqarluni. Tamannalu sumiiffimmi suliffeqarfiit piareersarfigilereer-sinnaavaat, tassa Husky Energy-mik arlaatigut pilersuinikkut peqataarusussuseqarunik. Suliffeqarfiup naatsorsuutigivaa, piffissami suliffigisaminni sulisut 1000-niit 1200-ut tungaannut atorfissaqartissallugit.

Sisimiut Umiarsualiviata tulleriiaarilluni allilernerneqarnissaanik pilersaarut ataatsimeeqatigiinnermi takutinneqarpoq, tamatumani Scott soqutiginnilerluni, tasanilu aamma umiarsuit ataatsikkoorlutik qassit pituttoqqaffigisinnaasaat paasisitsissutaalluni. Kommunip tungaaniit oqaatigineqarpoq, assersuutigalugu tulleriaat siulliata aaqqinneratigut suliffeqarfeqarpat umiarsualivimmik attartorsin-naanermik siumoortumik oqaatiginnissinnaasumik, taava Sisimiut umiarsualivianik allilerinissaq salliutinniarneqarsinnaassasoq.

Tamatumani aalisakkeriviup talittarfia assersuutigineqarluni (umiarsualivimmik allileriniarnermi tulleriit siullersaat), tamatumani 10.000-iniit 12.000-t kvadratmeterit ilitsivissatut periarfissaalis-sasut, sillimaniarneq eqqarsaatigalugu ajornaatsumik ungaluneqarsinnaassalluni, pilersuivitsigut periarfissat ajornaatsut (uuliap aqquatai tamaaniipput, allannngortilaagassaallutik), itsernga 10-niit 11 mteriulluni.

Aammattaaq tulleriaat pingajuat qanoq isikkoqarumaarnersoq takutinneqarpoq, 200 meterit tungaanoortumik talittarfitaligassaq.

Taamatullu aamma matumani takutinneqarpoq, aqquserngup allatut ingerlavilerneratigut biillit uninngaartarfianni (ullumikkut) containerinik inissiivissat qanoq isikkoqalernissaat.

Ilanngullugulu aamma takutinneqarluni, imermik uuliamillu pilersuinerit ullumikkut umiarsualivimmi piffinniit assigiinngitsuniit qanoq ingerlanneqartarnersut. Peqatigitillugulu aamma paasissutissiissutaalluni, uulia 25.000 m³ tankiniissinnaasoq, uuliamik assartuutit, tassa uuliamik pilersuisut tassaammata umiarsuit angisuut taamatut atugassiat nalinginnaasut, assersuutigalugu soorlu Aasianni uuliamik pilersuineri atukkat mikisut assignagit. Imaannarmi pilersuisinnaaneq aamma periarfissaalluni.

Sammissat allat ilaatigut makkuupput:

- SivdleK'-rup siulersuisuini ataatsimiinneq
- Illoqarfimmi festernerup nalaani ACR-imut tunngasunik tuniniaaneq
- DanFish-imi peqataanissamat ataatsimiinnerit piareersaanerillu
- Inuutissarsiutitigut ineriartortitsinissamik ataatsimiinnerit
- ACR-imut tunngasut ingerlaavartumik sammineri
- ACR-ip siulersuisuiniq ataatsimeeqateqarneq

Siunnersuinerit

Sisimiut 3

2011-mi qaammatit pingasukkaat pingajuanni Inuutissarsiutitigut Siunnersuisoqatigiit Maniitsumi sammissaat pillugit nalunaarusiorneq

Juulimi

Inuutissarsiutitigut ineriartortitsineq, pingaarnertut sammissat

Aasaanerani sulinngiffeqarneq

Arctic Business Network-ip suleqatigiinnermik annertusisitsinera

Maniitsoq Greens pillugu pilersaarusiorluni ataatsimiinneq

Danmark, Nørrebro-mi arkitektit suliffeqarfiutaannik BIG-mik ataatsimeeqateqarneq

Danmark-imi MyAdvice-mik ataatsimeeqateqarneq

Danmark-imi ingeniøri Thomas Lassen-ip ataatsimeeqatiginera

Aallartitsiniat 0

Aggustimi

Inuutissarsiutitigut ineriartortitsineq, pingaarnertut sammissat

School entrepreneurship across borders

EUG-mi EP12-16 pillugu ataatsimiinneq

Takornarissat pillugit suleqatigiissitanik ataatsimeeqateqarneq

Pilersaarusianik qulaajaasussatut Maniitsoq Greens-imi suleqatigiissitat.

Siulersuisut Maniitsumi ataatsimiinnissaannut pilersaarusiorneq.

Maniitsumi inuutissarsiutitigut allaffeqarfimmi init pillugit ataatsimiinnerit.

Martin S. Christensen (Sermersooq Kommune) qeqqussat atorneqarsinnaanerit pisassiisutaasartullu pillugit.

Maniitsumi Alcoa pillugu ataatsimiinnissamat piareersarneq.

Aallartitsiniat 2



Septembarimi

Inuutissarsiutitigut ineriartortitsineq, pingaarnertut sammisat

- Siulersuisut Maniitsumi ataatsimiinnerat illoqarfimmillu alakkarterineq
- Illoqarfiup immikkoortuini suleqatigiissitami ataatsimiineq.
- Alcoa pillugu isumasioqatigiinneq
- Takornarialerisut ataatsimiinnerat
Pilersaarussianik qulaajaasussatut Maniitsoq Greens-imi suleqatigiissitat.
- EUG-mi EP12-16 pillugu ataatsimiinneq
- Sidsel Hjelmer Norske Fagblade-mi tusagassiortup tikeraarnera.
- Maniitsoq timmersartumik tikinneqartarnerata ajorseriarnera pillugu Michael Binzer-imi ataatsimeeqateqarneq.
- Atammimmi nioqutissianik ineriartortitsineq, aalisakkanik panertitsineq
- Nukissanik sipaarsinnaaneq pillugu Grønlandsbankip saqqummiinnera.
- Umimmaat qiviuisa atorluarneqarnerusinnaanerini ineriartortitsineq (Evald Thybo)
- Arctic Business Networks
- Alcoa pillugu pilersaarutit killiffiinnik Greenland Development-ip saqqummiinnera (Nivi Grønvold).
- Maniitsumi “Kalaalimineerniarfik pitsaasoq”-mik pilersaarut (namminersortunngorsaaneq il.il.).
- Efterskole Maniitsumilu innuttaasut suleqatigiissitat peqatigalugu pisuinnarnut “najoqqutasat” pillugit pilersaarut.
- Aalisartunik/piniartunik quini ataatsimeeqateqarneq
- Inuutissarsiutitigut EP 12-16 pillugu ataatsimiinneq.

Aallartitsiniat

3

2011-mi qaammatit pingasukkaat pingajuanni takornarialerinemik ineriartortsinnermi sammisat pillugit nalunaarusiorneq

Juulimi

- Nittarsaassinnermi ingerlatsineq, Rough. Real. Remote. filmserien

(Sulinngiffeqarneq)

Aggustimi

- ATWS piareersaavoq, piffissami saqqummiutassat ilanngullugit
- DanFish-imi ATWS-illu nittarsaassinissami atortussanik suliaqarneq
- Ornitassap nittartagaani/quppersagaani sammisatigut ineriartortitsineq
- Suliffeqarfinnik aallarnisaanianik marlunnik siunnersuineq
- GTE-mik TG4NP-illu EU-mut atatillugu pilersaarutini suleqatiginninneq



Septembarimi

- <http://blog.arcticcircle.gl> suliarinera Social Media in the Wild-imik pilersaarussiaq ilanngullugu
- Social Media projekti-miit paasissutissanik katersuineq siammarterinerlu
- Suliassanut tunngasutigut nutaarsiassat 03 – 2011
- 2012-imiit inuutissarsiutigut 2012-milu iliuusissatut pilersaarusiassamik suliaqarneq
- Kangerluarsuk Tullermi ukiuunerani aqutissamik pilersaarutip naammassinera
- Namminersorlutik Oqartussat peqatigalugit siunissami nunat tamat akornanni takornariaqarnermi iliuusissat pillugit isumasioqatigiinneq

Aningaasaqarnermut ataatsimiititaliami suliaq suliarinera

Aningaasaqarnermut ataatsimiititaliap decembarip 2-ani 2011-mi ataatsimiinnermini paasissutissiissut tusaatissatut tiguaa.

Innersuussut

Suliaq kommunalbestyrelsimut paasissutissatut saqqummiunneqarpoq.

Aalajangiineq

Ilanngussa

Ilanngussaqaanngilaq

Imm. 05 Qeqqata Inuutissarsiornermut Siunnersuisoqatigiivisa qaammatit pingasukkaat sisamaanni 2011-mi iliuuserisimasaminnik paasisutissiissutaat

Journalnr.01.07.10

Tunuliaqutaq

Qeqqata Kommuniata Qeqqani Inuutissarsiornermut Siunnersuisoqatigiillu kiffartuussinissamik isumaqatigiissutaat naapertorlugu, QIS qaammatit pingasukkaarlugit naanerini suliarisimasatik nalunaarusiortartussaavaat.

Maleruagassatigut tunngavissaq

Qeqqata Kommuniata QIS-illu akornanni kiffartuussinissamik isumaqatigiissut ulloq 24. februar 2011-mi kommunalbestyrelsimit akuersissutigineqartoq.

Pissutsit atuuttut

Qaammatit pingasukkaat siamaanni Inuutissarsiornermut Siunnersuisoqatigiit iliuuserisimasamik nalunaaruteqarnerat.

SISIMIUNI OKTOBARIMI

Oktobarimi Siunnersuisoqatigiit norsket Nunanut allanut naalackersuisoqarfianneersunik, København-imi norsket aallartitaqarfiat, Nutarterineranut, Allaffissornermut Ilageeqarnermullu naalackersuisoqarfik, Uuliamut Nukissiuteqarnermullu naalackersuisoqarfik, Samet Inatsisartuinik allatigullu immikkoortortanit ataatsimeeqateqarput. Inuutissarsiornermut Siunnersuisoqatigiit siulittaasuata Jørn Hansen-ip inuutissarsiornermut siunnersuisoqatigiit suliaat pillugit massakkullu ingerlataat pillugit oqaluttuarpoq. Aallartitallu aamma saqqummiillutik. Illuatungeriinniillu siunissami attaveqatigiinnerunissaq kissaatigineqarluni.

Oktobarip 3-aniit 6-ianut inuutissarsiornermut siunnersuisoqatigiit ulluinnarni aqutsisut pisortaq peqatigalugu Alcoa pillugu Island-imut paasisassarsiornermi peqataapput, GD-ip Qeqqata Kommunia peqatigalugu aaqqissuutaannik.

Peqataanermi siunertaavoq, Maniitsumi inuutissarsiutillit sinniisaasa Island-imi suliffeqarfiup qanittuiniittunik ataatsimeeqatiginninnissaat, tassa Island-ip Kangiani alumiiniumik aatsiteriffiliornerup malitsigisaanik misilittagarilersimasaat eqqarsaatigalugit.

Ulluinnarni aqutsisut saniatigut, paasisassarsiornermi suliffiutillit marluk namminneq akilikkaminnik peqataapput.

Aalborg-imi oktobarip 12-aniit 14-ianut 2011-mi nunat tamat akornanni aalisarnermut tunngasutigut saqqummersitsisoqarpoq. Inuutissarsiornermut siunnersuisoqatigiit siulittaasuata, inuutissarsiornermut siunnersuisoqatigiinni pisortaq pilersaarusiormilulu pisortaq, Qeqqata Kommuniata sulisui peqatigalugit saqqummersitsinermi peqataapput.

Saqqummersitsivimmu takkuttorpasuaranut quppersagaararpassuarnik agguaassisoqarpoq, raajanillu angisuunik, eqalunnik pujuukkanik umimmaallu panertuinik oqattaagassaqaqtitsisoqarluni. Filmit DVD-ngorlugit assigiinngitsut sarsuatinneqarlutik, takusaasorpasuaranit nuannarineqavissorlutik.

Aammattaq soqutiginarsaatitut takkuttunik unammisitsisoqarpoq, Qeqqata Kommunianut tunngasutigut pingasunik akissuteqarfiussanik. Qeqqata Kommunianut inunnut marlunnut angalanissaq pingaarnertut eqqugassaalluni. Apeqqutit Qeqqata Kommunianut Kalaallillu Nunatsinnut tunngasutigut apeqqutinik allanik pilersitsisuupput. Ullunilu taakkunani qularnaateqanngivissumik Sisimiunut Maniitsumullu tunngasut angerlarsimaffinni eqqartugaasimassaqaqalutik.

DanFish-eqarnermi saqqummersitsiviit tamangajavimmik alakkarneqarluavippit, 2012-milu Polar Fish-eqarnissap qanoq aaqqissuunnissaanut isumassarsiffiulluarlutik. DanFish pisortaanik pitsaasumik ataatsimiinnerit arlallit ingerlanneqarput, tassa Sisimiuni PolarFish-imik 2012-mi ingerlatsinissamut atatillugu.

Oktobarip 28-ni 2012-mi Sisimiuni Inuutissarsiornermut Siunnersuisoqatigiinni sulisut ullormi inuutissarsiuutitaarniat pillugit sammisaqarfiusumi peqataapput. Ataatsimiinneq inuutissarsiornermut naalakkersuisoqarfiup aaqqissuutaralugu.

Oktobarip naanerani Inuutissarsiornermut allatseqarfimmi sulisut nuna tamakkerlugu inuutissarsiornermut allatseqarfiup suliai massakkumullu ingerlatai sammillugit radiukkut toqqaannartumik allakaatitsinermi peqataapput.

MANIITSUMI OKTOBARIMI

Inuutissarsiuutitigut ineriartortitsineq, pingaarnertut sammisat

- Atammimmi tunisassiorneq, aalisakkanik panertitsineq.
- Aningaaserivik Grønlandsbanki nukiit atorluarnissaat pillugu.
- Umimmaat qiviuisa tunisassiornermi atorluarnissaannik ineriartortitsineq (Evald Thybo)
- Maniitsumi “Kalaalimineerniarfik” pillugu pilersaarut (namminersortunngorsaaneq il.il.)
- Alcoa siulersuisui peqatagalugit Island-imut angalaarneq.
- EUG-mik inuutissarsiuutitigut pilersaarut pillugu ataatsimeeqateqarneq.
- Maniitsumi BIG arkitektit suliffeqarfiutaanik ataatsimeeqateqarneq.
- Nuummi Maniitsumilu MyAdvice-mik ataatsimeeqateqarneq.
- Maniitsumi Ingeniør Thomas Lassen-imik ataatsimeeqateqarneq.
- Maniitsoq Greens pillugu Susanne Kristensen, Nuummi Brugsen-imeersumik ataatsimeeqateqarneq.
- Maniitsoq Greens pillugu Nuummi Pisiffik-mik oqaloqateqarneq.
- Maniitsoq Greens pillugu Permagreen, Preben Kold-imik ataatsimeeqateqarneq.
- Qeqqata Kommuniani, Laust Løgstrup-imik naluttarfissaq naatitsiveqarfissarlu pillugit ataatsimeeqateqarneq.
- Maniitsumi “Kalaalimineerniarfik” pillugu suleqatigiissitanik ataatsimeeqateqarneq.
- Kalaalimineerniarfik atuarfiullu fabrikkia pillugit efterskolemik ataatsimeeqateqarneq.
- Illuutiniq tigusinissaq pillugu Arctic Waves-ikkunit siunnersortinneq.
- Nukinnik Hotel Maniitsumi atuilluarnissaq pillugu unnukkut ataatsimiinneq.
- Tele-Greenland-ip paasissutissiinera.
- Maniitsumi ulluinnarni aqutsisut ataatsimiinnerat.

TAKORNARIAQARNEQ OKTOBARIMI

- Sammisat pillugit nutaarsiassat 04 – 2011.
- København-imi qallunaat angalatitsisartuinik suleqatigiinnissaq pillugu ataatsimeeqateqarneq.
 - o Tikeraarnerup malitsigisaanik suliffeqarfiit marluk sumiiffimmut angalanissanik nutaamik aaqqissuusippit (Sisimiunut ataasiarlutik Kangerlussuarmullu ataasiarlutik).
- Adventure Travel World Summit 2011.
- Anders Stenbakken-imik Business-2-Business pillugu sumiiffimmut atatillugu ataatsimeeqateqarneq.
- Inuutissarsiornermut naalakkersuisoqarfimmi GTE-millu nuna tamakkerlugu aaqqissuussinermit atatillugu pingaarnertut sammisassat pillugit oqaloqatiginninnerit.



Siunnersuinerit – oktobarimi, Oeqqata Kommunია ataatsimut isigalugu

Sisimiut 2

Maniitsoq 3

SISIMIUNI NOVEMBARIMI

Novembarimi suliffeqarfiit pillugit paasissutissat nutaat allattorlugit suliarineqarput, kingullermik suliarineri ukiorpaaluit qaangiummatali suliaasimmata. Allattuiffik malinnaatillugu ingerlanneqassaaq. Inuutissarsiornermut allatseqarfiup aamma Kangerlussuarmi suliffeqarfiit pillugit allattukkamik suliaqarpoq. Kangerlussuarmi kiffartuussivimmuut taanna nassiunneqarpoq, tassa allattukkat misissussammattigit amigaateqarpatalu ilanngullugit. Aammattaaq Maniitsoq taamatut suliaqarnissaanik piunnaaffineqarpoq.

Suliffeqarfiit allattorsimaffiat malinnaatitaq pingaarutilerujussuuvoq, tassa suliffeqarfiit piaartumik attaviginiassagaanni, pingaartumik nunanit allaniit il.il. paasissutissanik ujartuisoqartillugu.

Inuutissarsiornermut allatseqarfiup Arctic Business Network's Kalaallit Nunaani allatseqarfiani pisortartaaq Birgit Gedionsen ataatsimeeqatigivaa.

Inuutissarsiornermut Suliffeqarnermullu Naalakkersuisoqarfik novembarip naaneranut inuutissarsiutitigit ineriartortitsinissaq pillugu kommunalbestyrelsip ataatsimiittarfianut sammisaqartitsinissamut/pikkorissarnissamut aggersaavoq. Sammisassaallutillu inuutissarsiutitigit ineriartortitsinissami aqqissuussinissat nutaat, qinnuteqaatit Niuernermut atatillugit naliliiffigineri suliarinerilu. Namminersorlutik Oqartussaniit paasissutissiissutaavoq, aqqissuussineq nutaaq suliarineqassasoq, tamatumani suliat suliarineqartarfii allamit allamut nuunneqassallutik.

Oktobarip 5-niit 7-anut 2012-mi PolarFish-eqarnissaanut atatillugu aqqissuussinerit ingerlanneqarusaarput. Suliat kommuni, inuutissarsiornermut allatseqarfik kiisalu Aalborg-imi Kongres & Kultur Center (AKKC) qanimut suleqatigalugit ingerlanneqarput. Aammattaaq kingullermik saqqummersitsineq aallaavigalugit Sisimiut Timersortarfiannik ingerlatsisimaneq pillugu ataatsimeeqatiginnitoqarpoq. Kalaallit Nunaanniit saqqummersitsinissatut ilimagisat allattorneqarput, aammalu takkuttussatut ilimagisat allattorsimaffiat AKKC-mut nassiunneqarluni, pilersaarummik nassiussinnaaniassammata.

MANIITSUMI NOVEMBARIMI

Inuutissarsiutitigit ineriartortitsineq, pingaarnertut sammisat

- EUG-mik EP12-16 pillugit ataatsimeeqateqarneq.
- Takornariaqarneq pillugu suleqatigiissitanik ataatsimeeqateqarneq.
- Atammimmi tunisassiorneq, aalisakkanik panertitsineq.
- Maniitsoq Greens pillugu suleqatigiissitat.
- Maniitsumi "Kalaalimineerniarfik" pillugu pilersaarut (namminersortunngorsaaneq il.il.)
- Maniitsumi aallartitsinianut inissat assigiinngitsut pillugit ataatsimiinnerit (Permagreen).
- Aalisarneq/piniarneq pillugu ataatsimiineq
- Napparsimaveqarfimmik Pegat-nillu nerisassanik suleqatigiinnerat pillugu ataatsimeeqatiginninneq.
- Suleqatigiinneq pillugu Kukkunersiusisumik Knud Oxenvad-imik ataatsimeeqateqarneq.
- Avammut nioqquteqarnermi siunnersuisoqatigiinnik Inuutissarsiornermi ineriartortitsineq pillugu Nuummi ataatsimeeqateqarneq.
- Hotel Maniitsumi Alcoa pillugu inuutissarsiutilinnik paasissutissiinerusumik ataatsimeeqateqarneq.
- Maniitsumi naluttarfissaq pillugu unnukkut ataatsimiinneq.
- Maniitsumi suliffeqarfinnut pulaarneq.

- Namminersorlutik Oqartussat aallartitsiniat pillugit sulisuinik ataatsimeeqateqarneq (Sisimiut).
- Sisimiunut tikeraarneq.
- KNI-mi Kurt Lauritzen aamma Bent Møller-imik ataatsimeeqateqarneq.
- BJ Enterprise, John Eliassen-imik ataatsimeeqateqarneq.
- Pisiffik-mi, Johnny aamma Per Steen Larsen-imik ataatsimeeqateqarneq.
- Maniitsumi ulluinnarni aqutsisut ataatsimiinnerat.

TAKORNARIAQARNEQ NOVEMBARIMI

- A Taste of Greenland pillugu København-imi naapeqatigiinneq
- A Taste of Greenland pillugu Sisimiuni takutitseqqarneq
- 2012-mi Filmiliassatut pilersaarut Rough Real Remote pillugu pilersaarusionerq qinnuteqartitsinerlu.
- Sumiiffimmi Ornitassaq Arctic Circle pillugu greenland.com-imut immiussat.
- GTE peqatigalugu sumiiffiup ersarinnerulernissaanik ineriartortitsinissaq pillugu naapeqatigiinnissaq februaarimi 2012-mi.

Siunnersuinerit – novembarimi, Oeqqata Kommunია ataatsimut isigalugu

Sisimiut	5
Maniitsoq	2

SISIMIUNI DECEMBARIMI

Decemabrimi juulleriartornerani feriarnerit il.il. malunnarluinnarput.

Taamaattorli decembarip 28-ni 2011-mi siulersuisut ataatsimiipput, inuutissarsiutitigut ukiunut sisamanoortumik pilersaarutissatut siunnersuusiasaq inaarsagaq oqallisigalugu. Taanna massakkut kommunimut oqallisissiatut aalajangiiffissatullu ingerlateqqinneqareerpoq.

Kommunimik Namminersorlutik Oqartussanillu suleqatigiinnissamik isumaqatigiissutissatut siunnersuut oqallisigineqarpoq, suliffeqarfinnullu pineqartunut ingerlateqqinneqarluni.

Novembarip aallartinnerani Piareersarfiit, Artek il.il. inuutissarsiutitigut pilersaarut pillugu ataatsimeeqatigineqarput. Tamatumanilu ilinniartut aamma inuutissarsiutitigut pilersaarusiaq pillugu isummaminnik saqqumiussinissaat periarfissinneqarluni.

Maniitsumi Piareersarfimmit inuutissarsiutitigut pilersaarummut atatillugu akissutit misissuataarlugillu eqikkarneqarput.

MANIITSUMI DECEMBARIMI

Inuutissarsiutitigut ineriartortitsineq, pingaarnertut sammisat

- Maniitsumi ulluinnarni aqutsisut ataatsimiinnerat.
- Piginneqatigiilluni inissialiornissami piginneqatigiiffimmik pilersitsineq.
- Panbo-p Optimera-llu illuliassaataat pillugit ataatsimeeqateqarneq.
- Assassorlutik suliffeqarfinnik ataatsimeeqateqarneq.
- Kalaalimineerniarfimmik pilersaarusionermeri periarfissat pillugu suleqatigiissitat.
- EUG-mik EP12-16 pillugit ataatsimeeqateqarneq.
- Naluttarfiliornissamik pilersaarut pillugu kommunimik ataatsimeeqateqarneq.
- Kalaalimineerniarfiup iluarsartuunnissaanik suleqatigiissitanik ataatsimeeqateqarneq.
- Arctic Business Networks
- Greenland Development-ip Qeqqata Kommuniatalu Island-imut paasisassarsiorsimanermik misissuinerat.
- Naluttarfiliorniaqatigiinnik ataatsimeeqateqarneq.
- Inuutissarsiutilinnik EP12-16 pillugu ataatsimeeqateqarneq.

TAKORNARIAQARNEQ DECEMBARIMI

- Sammisat pillugit nutaarsiassat 05 – 2011.
- Kangerlussuup aqutsivigineqarnera pillugu ataatsimeeqatigiinneq.
- Kangerlussuaq nunaannarlu pillugu paasissutissiissutit ineriartortinneri aallarnisarnerilu.
- 2012-mi pilersaarutit pilersaaruseri.
- Allagartalersuinissaq, pisuinnaat aqputaat Kangerlussuarmilu angallavissiaq pillugit Sisimiuni tammajuitsussarsiniartitsisartunik ataatsimeeqateqarneq.

Siunnersuinerit – decembarimi, Oeqqata Kommunian ataatsimut isigalugu

Sisimiut 9

Maniitsoq 2

Qullersaqarfiup oqaaseqaataa

Qullersaqarfik isumaqarpoq, paasissutissiissutit imaqanerusariaqaraluit qulequtsiussatut isikkuliinnarnagit, taamaalilluni paasissutissiissutit isumaqarnerulissamata, naamassisaqartoqarsimatillugulu tamakku takussutissillugit.

Allaffeqarfiu innersuussutaa

Allaffeqarfiup aningaasaqarnermut ataatsimiititaliamut innersuussutigissavaa paasissutissiissutit tusaatissatut tiguneqassasut, imaalilluguli QIS piumaffigineqassasut, paasissutissiissutit imaqanerusariaqartut naamassisaqartoqarsimatillugulu takussutissiisariaqartut.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap februaarip 14-ani 2012-imi ataatsimiinnermini paasissutissiissut tusaatissatut tiguaa.

Innersuussut

Suliaq kommunalbestyrelsimut paasissutissatut saqqummiunneqarpoq.

Aalajangiineq

Ilanngussaq

Ilanngussaqanngilaq.

Imm. 06 Suliffissaqartitsinissamut aningaasaliinissaq pillugu Itillimit saaffiginnissutip paasissutissiineq

Journalnr.

Maleruagassatigut tunngavissaq

Inuussutissarsiutinut ilinniartitaanerit inuussutissarsiutinullu pikkorissartitsisarnerit pillugit Inatsisartut peqqussutaat nr. 2, 31. maj 1999-imeersoq. Piareersarfiup pilersinneqarnissaanut ingerlanneqarnissaanut Namminersornerullutik Oqartussat Sisimiut Kommuneatalu apriliip aallaqqaataani 2006-imi Kiffartuussinissamut isumaqatigiissutaa. Inatsisartut inatsisaat nr. 14, 5. december 2008-meersoq.

Tunuliaqut / Pissutsit piviusut

Sarfannuanut Itillimullut aningaasat konto 34-miittut atorneqanngitsut Itillimit saaffiginnissutigineqarput. Tassani apeqqutigineqarpoq, aningaasat konto 34-miittut juullimut atatillugu suliffissaqartitsinissamut atorneqarsinnaanersut. Suliffissarsiuussinermi allaffeqarfimmiit nassuiaatigineqarpoq, aningaasat konto 34-miittut tassaammata amminik tunisineramik atugassat, siunertamullu allamut atorneqarnissaannut qinnutigineqaqaaratik, juullilerneranut atatillugu aningaasat suliffissaqartitsinermut atorneqarsinnaanatik. Suliffissaqartitsiniarnermut siuarsaanissamut ingerlatsivimmut kontomi maannakkut 172.000,- kr.-nik katersorneqarsimapput, kukkuluttornikkut mersortarfik Natserup isertitassatut naatsorsuutit, aningaasanik suliffeqanngikkallarnermi ikiorsiissutinik nuussinnginnermi aningaasaliissutinit ilanngaatinngitsoorsimammata.

2011-mi sipaarutit annersaat nunaqarfimmi suliffissaqartitsiniarnermut siuarsaanissamut ingerlatsivimmit missingersuutinik aaneqarput, taamatuttaarlu Sisimiuni suliffissaqartitsiniarnermi suliniutinut aningaasat tamarmik suliffeqanngikkallarnermi ikiorsiissutinut nuunneqarnikuullutik.

Ukioq 2011-mi suliffeqanngikkallarnermi ikiorsiissutinut 2 mio. missiliorlugit aningaasaliissutigineqarput, Sisimiuni suliffissaqartitsiniarnermut siuarsaanissamut ingerlatsiviup matuneratigut aammalu Sisimiuni Maniitsumilu Piareersaqarfeqarnikkut sipaarniuteqarnermi.

Suliffissarsiuussinermi allaffeqarfimmi naluneqanngilaq, siullermi juullimi suliffissaqartitsiniarluni aningaasaliisoqartartoq, suliffissaaleqinerulli qaangernissaanut juullimi suliffissaqartitsiniartarneq iluaqutaanngilaq. Taamaattumik inuusuttut inersimasullu ilinniarnissaannut ataavartumik suliniuteqarpoq.

Allaffeqarfiup innersuussutaa

Inuussutissarsiutinut Suliffissaqartitsiniarnermullu ataatsimiititaliap paasissutissiineq isummerfigisagaa, aningaasaqarnermullu ataatsimiititaliamut, kommunalbestyrelsimullu nassuiaat ingerlateqqinneqassasoq, ima innersuussutigineqarluni:

- Paasissutissiineq akuersissutigineqassasoq.

Inuussutissarsiutinut Suliffissaqartitsiniarnermullu ataatsimiititaliami suliap sulirinera

Inuussutissarsiutinut Suliffissaqartitsiniarnermullu ataatsimiititaliap novembarip 30-ani 2011-mi ataatsimiinnermini suliaa suliarivaa

Aningaasaqarnermut ataatsimiititaliami suliap suliarinera

Aningaasaqarnermut ataatsimiititalia decembarip 2-ani 2011-mi ataatsimiinnermini nalunaarussiaq paasissutissatut tiguaa.

Innersuussut

Suliaq kommunalbestyrelsimut paasissutissatut saqqummiunneqarpoq.

Aalajangiineq

Ilanngussaq

Ilanngussaqaanngilaq

Imm. 07 Sisimiut Umiarsualiviannik talliliineq pillugu paasissutissiissut

Journalnr. 24.01.02

Tunuliaqutaq

Oktobarip 28-ni 2011-mi kommunalbestyrelsen ataatsimiinnermini aalajangiiffigivaa, Sisimiut Umiarsualiviata sanaartornissaani aningaasaqarnermut ataatsimiititaliaq sanaartortitsisuussasoq, Rambøll-ikkullu siunnersuisuussallutik.

Malitsigisaanik skonnertkaj-itoqaq (nuniugaq) Naalackersuisut kommunimut tunniunniukuvaat, nalunaarutigalugulu aalisartut talittarfiannik pioreersumik kommunillu talittarfissaanik nutaajusumik imminnut attuumasunngortitsinissaq akornutissaqassanngitsoq. Aammattaaq kommunip tanki nutaanngitsoq koruunilerlugu Royal Greenland-imiit pisiarinikuuvaa.

Inatsisitigut tunngavissaq

Aningaasaqarnermut ataatsimiititaliaq sanaartortitsisutut neqerooruteqarnissami atortussatigut aalajangiinissani pingaarutilinni akisussaasuvoq.

Pissutsit atuuttut

Malitsigisaanik Rambøll pissutsinik misissuinikuvoq, neqeroortitsinermilu atortunik nassiussilluni. Rambøll-ip allaffeqarfiullu innersuussutaa tunngavigalugu 2011-mi decembarip 21-ani borgmesteri aningaasaqarnermut ataatsimiititaliaq sinnerlugu aalajangiivoq, aalisartut talittarfiata timaani nunamik immersuisoqassanngitsoq aqquserngullu akornanni assiaqusersuisoqassanngitsoq.

Suliffeqarfiit/konsortiat pingasut piukkunnartussarsiornermi piukkunnikuupput, aammalu taakku pingasut suliassamut 2012-imi februarip 28-ani sulariumannittussarsiuussinermi neqerooruteqassasut naatsorsuutigineqarpoq. 2012-imi januarip 11-ani umiarsualivimmi siullermeertumik alakkarterititsinermi suliffeqarfiit/konsortiat pingasuusuniit marluk peqataapput. Alakkartitsinissap tullissaa 2012-imi februarip 8-ni pissaq.

Umiarsualiviup allineqarnissaa pillugu pitsaasumik Namminersorlutik Oqartussanik suleqatiginnittoqarpoq. Tamaalilluni Namminersorlutik Oqartussat Kommunillu akornanni suleqatigiinnissamik isumaqatigiisummik februarimi atsioqatigiittoqassasoq naatsorsuutigineqarpoq, talittarfiillu ataatsimoortunngortinneqarnissaanut periarfissat assigiinngitsut aammalu pissutsit tamanut pitsaanerulernissaat allaffeqarfiup tungaaniit qilanaarineqarpoq.

Neqeroortitsinermi atortussani immap itissusaa 10 meterimik itissusilinngorlugu suliassaavoq, taamaalilluni imarpikkoortaatit talittarfiattulli 8 meterisut itissuseqartumut umiarsuarut anginerusunut piareersimassalluni. Talittarfik beton-imik qalliutitalerlugu tunniunneqarsinnaanera aamma periarfissaqarpoq. Tunniussinissamut killiliussaq 2013-imi maajip 1-anut killeqarmat, qalliuserlugu suliaq naammassillugu tunniunnissaa ajornakusoorneruvoq, tassa ilaatigut ukiuunerani suliassatut sularineqartariaqassamat, ilaatigullu alliaqutaata tunnissaa periarfissaqartinneqartariaqarmat. Taamaattumik qalliaqusersuinermi akigitinneqartup qaffasissinnaanera naatsorsuutigisariaqassaaq, aammalu suliap ingerlanerani alliaqutip toreernerata kingorna, umiarsualiviup 2013-imi kingusinnerusukkut qalliusersornissaa utaqqitinneqarsinnaanersoq eqqarsaatigisariaqarpoq.

Umiarsualiviup kitaatungaani duc alber-inik pillersitsinissamut neqeroortitsinermi atortussat imaqaangillat. Taakku umiarsuit takornariartaatit angisoorsuit assigisaallu talittarfimmuut talinniartillugit pinngitsoorneqarsinnaannginnissaat ilimanaateqarpoq. Suliap ingerlanneqarnerani umiarsuit taamaattut Sisimiunut tikittarniarnersut qanorlu akuttutigisumik tikittassanersut misissuiffigisariaqarpoq. Umiarsuarnit angisuunit umiarsualivik atorneqartassappat kingusinnerusukkut duc alber-inik ataatsimik marlunnilluunniit pilersitsisinnaanissaq naleqquttuussaaq.

Aningaasaqarnikkut allaffissornikkullu kingunerisinnaasai

Suliassamut aningaasaliissutaasut iluanni februaarimi sulariumannittussarsiuussinissaq suli naatsorsuutigineqarpoq.

Allaffeqarfiup naliliinera

Allaffeqarfiup nalilerpaa, pilersaarusionerq piffissakippallaarluni ingerlanneqartoq, taamaakkaluartorli Rambøll-imit namminerlu suliffeqarfitsinnit ajunngitsorujussuarmik sularineqartoq.

Teknikkimut Avatangiisinullu ataatsimiititaliami suliap sularinera

Teknikkimut Avatangiisinullu ataatsimiititaliap ferbauaarip 7-ani 2012-imi ataatsimiinnermini paasissutissiissut tugaasisatut tiguaa. Suliap ingerlateqqinneqarnerani puttasumik mallinut assiaqummut periarfissat misissorneqassapput.

Teknikkimut Avatangiisinullu ataatsimiititaliap innersuussutaa

Teknikkimut Avatangiisinullu ataatsimiititaliap innersuussutigissavaa Aningaasaqarnermut ataatsimititalip paasissutissiissut tusaatissatut tigussagaa.

Aningaasaqarnermut ataatsimiititaliami suliap sularinera

Aningaasaqarnermut ataatsimiititaliap februaarip 14-ani 2012-imi ataatsimiinnermini paasissutissiissut tusaatissatut tiguaa.

Innersuussut

Suliaq kommunalbestyrelsimut paasissutissatut saqqummiunneqarpoq.

Aalajangiineq

Ilanngussaq

1. Sisimiut umiarsualiviata tallineqarnissaa pillugu Sulariumannittussarsiuussinermi atortussat pillugit 2011-mi decembarip 21-ani borgmesterip aalajangiinera.



Imm. 08 Kangerlussuup nunataata aqutsivigineqarnissaanut pilersaarut pillugu paasissutissiissut

Journalnr. 16.08

Tunuliaqutaq

Kangerlussuup nunataata aqutsivigineqarnissaanut pilersaarut 2011-mi juunimi Namminersorlutik Oqartussanit akuersissutigineqarpoq. Aqutsivigineqarnissamik pilersaarut Namminersorlutik oqartussanit kommunimillu piffissami sivisuumi 2003-miilli ingerlalersimasumi, suleqatigiinnikkut suliaasimavoq.

Kangerlussuup nunataata aqutsivigineqarnissaanut pilersaarut pillugu Namminersorlutik Oqartussat kommunilu allaffeqarfiata akornanni malinnaatitsilluni 2011-mi novembarip 29-ani 30-anilu ataatsimiittoqarpoq.

Inatsisitigut tunngavissaq

Forvaltningsplanen omhandler det åbne land omkring Kangerlussuaq i bred forstand, hvorfor det kommer i berøring med en række forskellige love, bekendtgørelser og forordninger.

Således er der kørselskorridor, natur og miljøforhold, fiskeri- og fangst, turisme, råstofområdet, erhvervsudvikling, m.m.

Ligeledes internt i kommunalt regi er der berøring med forskellige områder og fagudvalg.

Pissutsit atuuttut

Namminersorlutik Oqartussat naalakkersuisoqarfinnik sisamanik ilaatitaqarsimavoq: Nunamut namminermut, Pinngortitamut Avatangiisinullu Naalakkersuisoqarfik, aqutsinermi pilersaarutitut Namminersorlutik Oqartussani tamakkiisumik akisussaasuusoq. Aalisarnermut, Piniarnermut Nunalerinermullu Naalakkersuisoqarfik, immikkoortumi aalisarnermut, piniarnermut taakkunungalu ilanngullugu ilaannakortumik tammajuitsussarsiniartitsisarnermut akisussaasuusoq.

Inuutissarsiornermut Sulisoqarnermullu Naalakkersuisoqarfik, inuutissarsiutit ineriartortinneqarnerannut aammalu ingammik aluminiumik suliniummut takornariaqarnermullu, taakkununga ilanngullugu tammajuitsussarsiniartitsisarnermut akisussaasuusoq.

Ineqarnermut, Attaveqarnermut Angallanermullu Naalakkersuisoqarfik, nuna tamakkerlugu pilersaarusernermut akisussaasuusoq, 2011-milu januaarip aallaqqaataa tikillugu nunap timaani nunaminertanik atugassiisarnermut taamaalillunilu illuaqqanut akisussaasuusimasoq.

Taakku saniatigut Qeqqata Kommuniani UNESCO-p nunarsuarimi kingornussassanik suliniutai pillugit ataatsimiittoqarmat Ilinniartitaanermut Naalakkersuisoqarfik alaatsinaattut peqataavoq. Aammattaaq piniarnermik nakkutilliisut politiillu peqataapput.

Kommunimiit kommunimi pisortaneq, aningaasaqarnermut, teknikkimut avatangiisinullu pisortaneq, pilersaarusernermi pisortaq, nunaminertanik sanaartornermilu sullissinermut immikkoortortami pisortaq, aalisarnermut piniarnermullu siunnersortit aammalu Kangerlussuarimi sullissivik peqataapput.

Aqutsinissamik pilersaarut assut naammaginarpoq, aammalu oqartussaqaarfinniit Kangerlussuarmilu nunaannarmut tunngasunut soqutigisaqaqatigiippassuarnit tamanit pitsaasunik oqaaseqaarfigineqarpoq. Kisianni Namminersorlutik Oqartussat Kommunilu aqutsinissamat pilersaarummi ilanngussassat tamaasa suli ilanngutinngilaat, taamaattumik malitseqartitsilluni ataatsimiinnissaq pisariaqartinneqarsimavoq. Ilanngussassanik taakkuninnga malitseqartitsinissaq ataatsimiinermi qitiusimapput.

Soqutigisaqaqatigiinniit assigiinngitsuniit tusagaqarnissaq aamma periarfissaasimavoq, taakkununnga ilanngullu Kangerlussuarmi innuttaasunik ataatsimiititsineq. Ataatsimut uppersarneqarpoq, aqutsinissamat pilersaarutip imarisa ajunngitsorujussuusoq, kisianni oqartussat tungaaniit suliniutit naammassineqarnissaanut ajornartorsiortoqartoq. Soorluttaaq atuisunit ataasiakkaaniit inatsisip malitsinneqarnissaanik ajornartorsiortoqartoq.

Aningaasaqarnikkut allaffissornikkullu kingunerisinnaasai

Aqutsinissamik pilersaarutip naammassineqarnissaanut suliniuteqartoqassasoq kiisalu minnerunngitsumik aqutsinissamik pilersaarut pillugu paasissutissiisoqassasoq Namminersorlutik Oqartussat kommunillu allaffeqarfiini isumaqatigiittoqarpoq. Taamaalilluni aalajangiunneqarpoq:

1. Sumiffimmi innuttaasunut, piniartunut sinerissamilu tammajuitsussarsiniartitsisartunut, avataaniillu takornarissanut paasissutissatut atortussanik suliaqartoqassasoq
 - a. Quppersagaaraq siulleq suliarineqareerpoq Kangerlussuarmilu Kommunimilu kommunit allaffiini takuneqariaannaalluni.
 - b. Quppersagaqqap tullissaa aasaaneranut piariissasoq naatsorsuutigineqarpoq
 - c. Nunaannarmi allagartalersuineq paasissutissiinerlu pitsanngorsarneqassaaq, tamanna aasamat piariissasoq naatsorsuutigineqarpoq
2. Unioqqutitsisunik nakkutilliineq nukittorsarneqassasoq
 - a. Politiit, piniarnermik nakkutilliisut aammalu kommunip nunaminertanik sanaartornermullu immikkoortortaqaarfiata akornanni ataqatigiissaakkamik suleqatigiinermik aallartitsisoqareerpoq
 - b. Namminersorlutik oqartussani aalisarnermik piniarnermillu nakkutilliisoqarfimmi kommunimi piniarnermut nakkutilliinermut inatsisiliornermi tunngavigisaq misissorneqarpoq
 - c. Immikkoortoq tamanit piniarfusinnaasoq sunik tamanik piniarfusinnaanera naqissuserneqarpoq
3. Angallaffiit pillugit ersarissumik paasinnittoqassasoq
 - a. Kangerluup sikuani aammalu Qinguata Kuussuani kisianni Aasivissuarniunngitsoq motoorilinnut angallatilinnik ukiuunerani angallannissamat 2011-mi immikkut akuersissuteqartoqarnikuuvoq
 - b. 2012-ip ingerlanerani angallannissamat nutaamik nalunaarusiaqalernissaa naatsorsuutigineqarpoq, tamaalilluni 2013 nallertinnagu kommunip kommunip pilersaarusiorneqarnerani angallannissamat ingerlaarfissianik ilanngussisinnaassaaq.
 - c. Tatsip Ataa-niit Tasersuarmut angallaffissamik ilanngussisoqassasoq naatsorsuutigineqarpoq, kisianni Kellyville-miit Aasivissuarnut pinnani.
4. Tammajuitsussarsiniartitsisarnermi akuersissutinik suliaqarneq ingerlateqqinneqassaaq
 - a. 2011-meersoq sunngiffimmi aalisartarnermut inatsimmut assingusumik 2012-ip ingerlanerani taanna pillugu inatsiseqalernissaq naatsorsuutigineqarpoq
 - b. Tammajuitsussarsiniartitsisartut pillugit takussutissamik pilersitsisoqassaaq



Sermersuup tungaanut aqquserngup avannaatungaani tuttu piaqqiortarfiisa ukiup ilaani eqqissisimatinnegartalernissaata pisariaqarnera pillugu isumaqatigiittoqarpoq. Tamanna 2003-mi aqutsinissamik pilersaarummik pilersaarutunik aallartitsinermit tamanna tunngaviusimavoq, taannalu aqutsinissamut pilersaarummi ilanngunneqarnikuuvoq. Namminersorlutik Oqartussanit peqataasut isumaqanngillat tamanna pisariaqartoq, kisianni kommuni soqutigisaqatigiillu sulisumaqarput pisariaqartoq. Taanna pillugu tunngavilersuutaasoq pillugu Namminersorlutik Oqartussaniit allakkiamik kommuni utaqqivoq.

Aammattaaq paasinarsivoq, nunaannaap akisussaaffigineqarnerata Namminersorlutik Oqartussaniit Qeqqata Kommunianut tunniunneqanngilaattaa, Kangerlussuup nunataani illuaqqanut nunaminertanik atugassiissutunik arlalinnik tunniussisoqarsimasoq. Tamanna aqutsinissamik pilersaarummit tunngaveqarluni pisimavoq, taamaattumillu kommunip allaffeqarfia isumaqanngilaq, eqqortuusoq siunertamullu naapertuutinngitsoq. Nunaminertamik atugassiisimanerit tunniunneqareersut ajoraluartumik utertinneqarsinnaanngillat.

Qullersaqarfiup oqaaseqaataa

Annertunerusumik oqaaseqaatissaqanngilaq.

Allaffeqarfiup naliliinera

Allaffeqarfik naliliivoq, Kangerlussuup nunataata aqutsivigineqarneranut pilersaarummi naapertuuttumik suliniutissatut naatsorsuutigineqartut ingerlanneqassasut.

Teknikkimut Avatangiisinullu ataatsimiititaliami suliap suliarinera

Teknikkimut Avatangiisinullu ataatsimiititaliap ferbauaarip 7-ani 2012-imi ataatsimiinnermini paasissutissiissut tugaasisatut tiguaa.

Teknikkimut Avatangiisinullu ataatsimiititaliap innersuussutaa

Teknikkimut Avatangiisinullu ataatsimiititaliap innersuussutigissavaa aningaasaqarnermut ataatsimiititaliap kommunalbestyrelsillu paasissutissiissut tusaatissatut tigussagaat.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap februaarip 14-ani 2012-imi ataatsimiinnermini aalajangiuppaa, Aasaanerani Tatsip Ataa-niit Tasersuup tungaanut qamutit motorillit angallatarnarat pillugu Kangaamiuni atuisut Kangaamiunilu nunaqarfimmi aqutsisut tusarniarneqarsimanersut paasiniarneqassaaq.

Paasissutissiissut tusaatissatut tiguneqarpoq.

Innersuussut

Suliaq kommunalbestyrelsimut paasissutissatut saqqummiunneqarpoq.

Aalajangiineq

Ilanngussaq

1. Kangerlussuup nunataata aqutsivigineqarneranut pilersaarut.



Imm. 09 Kangerlussuarmi nunataq piniarfigeqqusaanngitsoq pillugu paasisutissiissut

Journalnr.

Tunuliaqutaq

Aalisarnermut, Piniarnermut Nunalerinermullu Naalakkersuisoqarfiup decembarip 28-ni 2011-mi Kangerlussuarmi nunatami piniarfigeqqusaanngitsumi malittarisassat aamma uumasunut minnernut, soorlu ukallinut aqissinullu atuutsinneqarnersoq pillugu apeqquteqaat nassiuppaa. Akissuteqarnissamut februaarip 10-at 2012-mi killiliunneqarluni.

Maleruagassatigut tunngavissaq

Juulip 20-ni 2006-imi Siulittaasup aalajangiiffigivaa, Kangerlussuarmi nunatap ilaa piniarfigeqqusaanngitsoq. Tamannalu taamanikkut pisorta qarfiusumiit siunnersuutigineqarluni, sumiiffiup sunngiffimmi sammisaqarfiusinnaasutut takornarissanullu soqutiginaatilitut isiginiarlugu. Ilanngussaq: Siulittaasup aalajangiinera 72/2006, qupperneq 6, titanertaaq 36.

Pissutsit atuuttut

Nunap aqutsivigineqarnissaanut atatillugu, piniarnermut aalisarnermullu siunnersortiniit apeqqutigineqarpoq, Kangerlussuarmi nunatami piniarfigeqqusaanngitsumi atuuttut aamma uumasunut mikisunut atuutsitaanersoq.

Kangerlussuarmi nunataq piniarfigeqqusaanngitsoq, ukiorpaalunni atuutsinneqarnikuuvoq. Nunatap aqutsivigineqarnissaanik suliaqarnermut atatillugu nunataq piniarfigeqqusaanngitsoq kujammut illuarneqarpoq. Tamanna marlunnik siunertaqartumik pivoq.

Ilaatigut Kangerlussuup avannaatungaani kangerlussuarmi innuttaasut piniarsinnaanissaat ammaanniarnaqarluni, tamatumanilu massakut uumasut annerusut (umimmaat tuttullu) piniarneqarsinnaalerlutik taamatullu aamma uumasut minnerusut (ukallit aqissillu).

Ilaatigullu aamma nunataq piniarfigeqqusaanngitsoq TACAN-ip eqqaaniittoq, takornarissanik angallassisartut umimmannik assiliisinnaaffittut ornittagaat nalinginnaasumik piniarfiusinnaanissaanut unioqqutitsillunilu piniartartunut illersorluarneruniarlugu.

TACAN-ip eqqaani unioqqutitsilluni piniartarneq ajornartorsiutaasarsimavoq, aammalumi piffissap ilarujussua umimmannik tikinneqartartuusimanani, naak Kangerlussuup eqqaa kingullermik kisitsinikkut umimmappassuaqartoq paasinaraluartoq.

Nunamik aqutsinissap suliarinera tamaat ataatsimut isigalugu, Sisimiut Kommuneata malitsigisaanillu Qeqqata Kommuniata Sermersuarmut qanittumi tutut erniorfiannut qanittup eqqissimatitaanissaanik ilungersuuteqarnerata kingoranik suliarineqarpoq. Sumiiffik tamanna ukiorpaalussuarni piniarfigeqqusaanikuunngilaq, Namminersorlutilli Oqartussat ukiup ilaanaatigut eqqissimatitaasarnerata ingerlatiinnarnissaa kissaatigisimanngilaat. Sumiiffik taanna nunatamut piniarfigeqqusaanngitsumut ilaavoq, aammalu kommunip qamutinik motorilinnik Sermersuup tungaanut angallannermi malittarisassiaata iluaniilluni.

Taamaattumik nunatap piniarfigeqqusaanngitsup ilangaatsiarsua aqqusineqarfimmut annertooujussuarmut attuumasuuvoq. Pingaartumik kujataatungaani, takornarialerisut umimmannik assiliiniartunut atugaringaatsiarpaat. Aappaatullu Sermersuullu tungaanut, takornarialerisut Sermersuarmut neqerooruteqarnermini atugaralugu, aammami tuttunik takunniffiusinnaanera iluaqutigisaramikku.

Aningaasaqarnikkut allaffissornikkullu kingunerisinnaasai

Nunatap piniarfigeqqusaanngitsup uumasunik minnerusunik piniarfiusinnaalersinnissaa, ilaatigut sumiiffimmiup angallaviunerulernissaanik pilersitsissaaq, tamatumalu kingunerissallugu, uumasut minnerusut aammalumi annerusut sumiiffimmiit tammakarnissaat. Tamannalu aamma kommunip Sermersuarmut qanittumi tutut erniorfiannut qanittup eqqissimatitaanissamut akerliussalluni.

Aammattaq nunatap piniarfigeqqusaanngitsup piniarfiulersinnaasitsinnerata kingunerissaanik malittarisassat suut atuunnerinik nalornilersitsisinaavoq, unioqqutitsillunilu piniartoqartarneranik minnerulersitsinaviarani. Piniarnermik- aalisarnermillu nakkutilliisut sumiiffimmiit piniartunik qimagutsitiniartarnissaat ajornakusoornerulissaaq, tassa piniarfigeqqusaalerpat. Ullumikkumut malittarisassat ersarissut atuutsitat, paatsungasitsilissapput atuutsikkuminaallillutillu.

Allaffeqarfik naliliivoq

Allaffeqarfik naliliivoq, Kangerlussuarmi nunatap piniarfigeqqusaanngitsup uumasunik minnerusunut piniarfiulersinnissaa, toqqaannartumik nunatamik aqutsinissamut suliarujussuarmut unioqqutitsisuulissaaq. Nunamik aqutsinissamik isumassarsiaq suliarlu tamakkerluni, sumiiffinnik siunertanut assigiinngitsunut agguataarinninniarnuvoq. Soqutigisallu tamakku assigiinngitsut imminnut assortuuttutut pilersarlutik.

Sumiiffimmi annertunngitsumi sumiiffiup kujataata tungaani kangiatungaani takornarissat sammisaqarfiusinnaasullu piniarnikkunngitsaq sallitinnearput, pinngortitamilli piniarnermillu soqutiginnittunut sumiiffiup sinnerani sallititaallutik. Sumiiffik tamarmi piniarfiusinnaanngortikkaanni, tamanna takornariaqarnikkut pitsaanngitsumik kinguneqarsinnaavoq, aammalumi nunamik aqutsinissamik suliamut tamarmut. Eqqumiiginngitsunaviannigilaq, kommuni sumiiffimmik ukiup ilaani eqqissimatitsivissamik suliniuteqarpat, peqatigitilluguli tamanna uumasunik minnerusunik piniarfiutinniassappagu. Taamatut aamma TACAN-ip imeqarfiullu eqqaa pillugu oqartoqarsinnaavoq, kommunip unioqqutitsisumik piniartarnerup inerteqqaaneramik suliniuteqarnerani.

Kangerlussuup nunataani aqutsinissamik suliap ingerlateqqinnissaa novembarip 29-ni 30-nilu 2011-mi allaffeqarfinnit isumaqatigiissutaavoq, tassa sumi piniartoqarsinnaaneramik piniartoqarsinnaannginneranillu ersarissumik killiliisoqarnissaa pitsaasuussamat. Pingaartumik piniarnermik- aalisarnermillu nakkutilliisut ajornartorsiuteqalersinnaaneq ernumanartippaat, ersarissumik killiliussisoqanngippat.

Tusarniaaneriit

Aalisarnermik- piniarnermillu siunnersortit siunnersuut pillugu tusarniaaneq ingerlassimavaat, soqutigisallit tulluuttut akornanni:

Kangerlussuarmi nunaqarfimmi aqutsisut aalajangiussimavaat, Kangerlussuarmi nunatami piniarfigeqqusaanngitsumik uumasunik minnerusunik piniarsinnaalernissap ammaanneqarnissaa tapersorsorlugu.

World of Greenland – Arctic Circle oqaatigivaat, Kangerlussuarmi nunataq piniarfigeqqusaanngitsaq piniarfigeqarsinnaasutut akuersaarsinnaanagu.



Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap februaarip 14-ani 2012-imi ataatsimiinnermini aalajangiuppaa, Kangerlussuarmi nuna piniarfigeqqusaanngitsoq, uumasunik minnerusunik piniarfiusinnaasussatut ammaanqarnissaa akuerineqarsinnaanngitsoq

Innersuussut

Suliaq kommunalbestyrelsimut paasissutissatut saqqummiunneqarpoq.

Aalajangiineq

Ilanngussaq

1. Kangerlussuarmi nuna piniarfigeqqusaanngitsoq, siusinnerusukkut ullumikkullu

Imm. 10 Qeqqata Kommuniata avataani uuliasiorsinnaanermut akuersissutit pillugit paasissutissiissut

Journalnr. 74.00.15

Tunuliaqutaq

Aatsitassanut Ikummatissanullu Pisortaqarfik Nunatsinnut akuersissutinut nunap assinganik nutaamik 2012-mi januaarip 16-iani nassiussivoq.

Husky Energy 2012-imi aasaaneranut pilersaarutitik pillugit paasissutissatut atortunik nassiussaqaarnikuvoq.

Inatsisitigut tunngavissaq

Aatsitassanut tunngasut Aatsitassarsiornermut pisortaqarfiup susassarivai, kisianni qillerisoqannginnerani illuatungeriinnit pingasuusunit Namminersorlutik Oqartussanit, Kommuninit akuersissutaateqartunillu isumaqatigiissusiortoqassaaq.

Pissutsit atuuttut

Qeqqata Kommuniata avatanni immikkoortunut akuersissutinik nutaanik qinnuteqartoqarsimasoq akuersissutinut nunap assingani malugineqarpoq. Immikkoortut akuersissuteqarfiusut nutaat appalaartumik ilisarnaasikkat Cairn-ip maanna atugarisaasa ilassutaatut eqqannguani inissisimapput, Lady Franklin aamma Atammik qorsummik ilisarnaaseqqapput.

Immikkoortut marluk avannarlerpaajusut Nuumminngaanniit Maniitsumut qaninnermi inissisimapput, avannarlerpaanullu aamma Nuumminngaanniit Sisimiut qaninnerulluni.

Husky-p paasissutissiineranut atortuani maluginiarneqarpoq, 2013-p aasaani qilleriffiusinnaasut arfineq-marluk misissorniarat. Qilleriffiusinnaasunit taakkunannga tallimat akuersissuteqarfiusup kujataatungaani inissisimapput, tamatumani illoqarfinni Sisimiut qaninnerpaalluni.

Aningaasaqarnikkut allaffissornikkullu kingunerisinnaasai

Qeqqata Kommuniata avataani uuliamik misissuilluni qillerisoqarnerani pingaarnertut pingaarnerrunngitsumilluunniit pilersuineranut Sisimiut Maniitsorluunniit aallaaviussappata, aningaasaqarnikkut allaffissornikkullu malunnaatilimmik kinguneqassaaq.

2012-p aasaani Husky-p sajutsitsilluni misissuinissai 2012-imut annertunerusumik sunniuteqarnissaat naatsorsuutigineqanngilaq, kisianni soorunami 2013-imi uuliasiorluni qillerinissanut pilersaarutaasunut sunniuteqarsinnaallutik.

Qullersaqarfiup oqaaseqaataa

Annertunerusumik oqaaseqaatissaqanngilaq.

Allaffeqarfiup naliliinera

Allaffeqarfiup nalilerpaa, Qeqqata Kommuniata avataani akuerineqarnissamik qinnuteqaatit nutaat akuerineqassagaluarpata, Qeqqata Kommuniata avataani akuersissutinik amerlanerusunik qinnuteqartoqarsinnaanerani sunniuteqarsinnaasoq. Aammattaaq ingammik immikkoortuni misissuiffissani marlunni avannarlerniittunut Maniitsoq Sisimiullu pingaarnertut pingaannginnerusumilluunniit umiarsualiviusinnaanersut kommuni misissunernik aallartittariaqaralarpoq.

Aatsitassanut Attaveqaqatigiinnermullu ataatsimiititaliami suliap sularinera

Aatsitassanut Attaveqaqatigiinnermullu ataatsimiititaliap februaarip 7-ani 2012-imi ataatsimiinnermini paasissutissiissut tusaatissatut tiguaa.

Aatsitassanut Attaveqaqatigiinnermullu ataatsimiititaliap innersuussutaa

Aatsitassanut Attaveqaqatigiinnermullu ataatsimiititaliap innersuussutigissavaa Aningaasaqarnermut ataatsimiititaliap Kommunalbestyrelsillu paasissutissiissut tusaatissatut tigussagaat.

Aningaasaqarnermut ataatsimiititaliami suliap sularinera

Aningaasaqarnermut ataatsimiititaliap februaarip 14-ani 2012-imi ataatsimiinnermini paasissutissiissut tusaatissatut tiguaa.

Innersuussut

Suliaq kommunalbestyrelsimut paasissutissatut saqqummiunneqarpoq.

Aalajangiineq

Ilanngussat

1. Aatsitassanut pisortaqaqarfiup akuersissutitut nunap assiutaa 2012-imi januaarip 16-ianeersoq.
2. Husky Energy-p 2012-imut paasissutissiissutitut atortuutai.

Imm. 11 Majuartaateqarfimmut immikkut aningaasaliissut pillugit paasissutissiissut

Journalnr. 22.02.05

Tunuliaqutaq

Majuartaateqarfiup 2009-mi allanut suliariumannittussarsiuunneqarnerani, isumaqatigiissut malillugu Igloo Mountain decembarip aallaqqaataani naafferartumik siullermik akilerneqassaaq. Ukioq 2010/2011 tassaavoq ukioq tamaat isumaqatigiissutaasumik akiliutissaq, ukiorlu 2011-mut naatsorsuusiornermut ilanngussaalluni.

Isumaqatigiissut malillugu sisoraatinik sammisaqartitsinerit 1/12 aallartinneqassapput.

Maleruagassatigut tunngavissat

Sisimiuni majuartaateqarfiup ingerlanneqarnissaanut suliarinninnissamut isumaqatigiissut

Pissutsit atuuttut

Qulaani taaneqartumi naatsorsuutini allattuinermi ukiumut missingersuutit tamakkiisumik atorneqarsimapput, taamaattumik ukioq 2010/2011-mi isumaqatigiissutaasumik akiliutissap akilerneqarnissaanut, immikkut aningaasaliissutini pisariaqartitsineqarpoq, decemberip 2011-mi aallartinnerani akilerneqartussa.

Aningaasaqarnikkut allaffissornikkullu kingunerisinnaasai

Naafferartumik siullermik akilerneqartartussa, nalinginnaasumillu 1/12 akilerneqartassalluni, ukioq kingulleq 616.463,00 koruunit akiliutigenqarput. Isumaqatigiissut malillugu nalinut malinnaatinneqassaaq, taamaalilluni 620.000,00 koruunit missaaniissalluni. Aningaasat taakku immikkut kontomut 27-30-10-12-00-imut aningaasaliissutigineqassapput, taamaalilluni siunissami missingersuutit aningaasanut ingerlaartunut naapertuutilissapput.

Qullersaqarfimmit oqaaseqaatit

(suliat aningaasaqarnermut ataatsimiititalianut aammalu kommunalbestyrelsimut ingerlaqqittussanut, qullersaqarfiup oqaatigiumasaanik pissarsinartoqartassaaq – sulianut allanut atatillugu qulequtaq peerneqassaaq)

Allaffeqarfiup nailiinera

Qulaani taaneqartut malillugit, siunissami missingersuutit aningaasanut ingerlaartunut naapertuutilersinniarlugit, 620.000,00-it aningaasaliissutigineqarnissaat pisariaqarpoq.

Teknikkikkut Avatangiisinullu ataatsimiititaliami suliap suliarinera

Teknikkikkut Avatangiisinullu ataatsimiititaliap decembarip 6-ani 2011-mi ataatsimiinnermini akuersissutigivai

Konto 25-01-00-12-99 nuunneqassasut 500.000,00 koruuninik akiligassat tamalaat qatserisarfeqarfimmiik konto 27-30-10-12-00.

Konto 27-30-10-12-00 aningaasaliissuteqarfigineqassasoq immikkut 120.000 koruuninik

Borgmesterip suliamik suliaqarnera

Konto 25-01-00-12-99 nuunneqassasut 500.000,00 koruuninik akiligassat tamalaat qatserisarfeqarfimmiik konto 27-30-10-12-00.

Konto 27-30-10-12-00 aningaasaliissuteqarfigineqassasoq immikkut 120.000 koruninik

akuersissutigineqassasut, aningaasaqarnermut ataatsimiititaliaq kommunalbestyrelsilu sinnerlugit decembarip 8-ni 2011-mi borgmesteri aalajangiivoq.

Aalajangiineq pillugu aningaasaqarnermut ataatsimiititaliaq kommunalbestyrelsilu tullissaanik ataatsimiileruni ilisimatinneqassaaq.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap februaarip 14-ani 2012-imi ataatsimiinnermini paasissutissiissut tusaatissatut tiguaa.

Innersuussut

Suliaq kommunalbestyrelsimut paasissutissatut saqqummiunneqarpoq.

Aalajangiineq

Ilanngussaq

Ilanngussaqanngilaq

Imm. 12 Sisimiuni Utoqqaat Angerlarsimaffianni ikuallattoorsinnaanermut illersuusiinermi immikkut aningaasaliinissamik akuersissut pillugu paasissutissiissut

Journalnr. 06.02.01

Tunuliaqutaq

Willis-imut illuut qularnaatsuutinniarlugit Utoqqaat Angerlarsimaffianni ikuallattoortoqarsinnaanermut illersuusiinissami Sisimiuni TAI suliariumannittussaarsuisimavoq. Aningaasartuutissat aningaasaliissutit akuersissutaasut iluanni pisinnaangimmat, immikkut aningaasaliisoqarnissaa qinnutigineqarpoq.

Maleruagassatigut tunngavissaq

Karseqarnermut naatsorsuuserinermullu malittarisassat immikkut aningaasaliissuteqartarnermut immikkoortuat naaportorlugu, iliuutsit isertitaqarfiusussat aningaasartuuteqarfiusussalluunniit, ukiumoortumik aningaasaliissuteqarnermi akuersissutaasimangitsut, Kommunalbestyrelsip akuersissutigeqqaartussavai.

Immikkut aningaasaliiffiusussat suugalulluunniit, qanoq matusserneqarnissaat (aningaasalernissaat) ilanngunneqartussaavoq. Immikkut aningaasaliissutissat tamarmik Aningaasaqarnermut ataatsimiititaliamut Kommunalbestyrelsimullu saqqumiunneqartinnagit, Qullersaqarfimmut oqaaseqarfissatut ingerlatinneqartassapput.

Pissutsit atuuttut

Sisimiuni TAI-p paasissutissiissutigivaa, ikuallattoortoqarsinnaaneranut illersuusiinissaq suliffeqarfinit tulliuuttunit suliarineqarsinnaasoq, akigitinniagaat taaneqartut tunngavigalugit:

Gustav Hansen: kr. 442.650,-
Amerloq byg: kr. 359.600 + 68.000= 427.600,-

Neqeroorutip akikinnerusup tiguneqarnissaa allaffeqarfiup innersuusutigissavaa. Suliassap matuma kinguarsarneqanginnissaa, TAI-p sakkortuumik oqaatigissavaa. Tamanna siullermik Illuliornermut malittarisassani piumasaqaataavoq, tulliatullu utoqqaat, sanngiinnerusut innangaannartullu pineqarput. Taamaattumik annaassiniartussat iikkanik ikuallattoorsinnaanermut illersuusiisimanerit tutsuigisariaqarpaat, tassalu ikuallattup siaruaatinnginnerani piffissaqassusissartik. Tamanna tunuliaqutaralugu, pineqartup sapiinngisamik piaartumik suliaritinnissaa pingaartuuvoq, soorlu Willis-ikkut nalunaarussiaat aamma taama oqariartuuteqartoq.

Aningaasaqarnikkut allaffissornikkullu kingunerisinnaasai

Utoqqaat Angerlarsimaffiata aserfallatsaalineranut immikkut 427.600,- koruuninik aningaasaliissuteqartoqarnissaa qinnutigineqarpoq, taakkulu pigisat nalillit kontoanniit aningaasaliiffiussasut.

Immikkut aningaasaliissutissat kontomut 47-09-10-22-01 Illuutinut ininullu ikineqassapput. Taamaalilluni Utoqqaat Angerlarsimaffianut 2012-imi ataatsimoortumik aningaasaliissutit tulliuuttutut isikkoqalersillatuik:

Konto 47-09

Utoqqaat Angerlarsimaffiat		Missing.	Tapilius.	Akuersis.	Atuineq	Sinnerut.	Atuineq
Konto	Kontonavn	(1000 kr)	(1000 kr)	(1000 kr)		(1000 kr)	i %
47-09	Utoqqaat Angerlarsimaffiat	15.151	442	15.593	0	15.593	0
Utoqqarnik paaqutarinnineq katillugit		15.151	15.593	15.593	0	15.593	0

Qullersaqarfiup oqaaseqaataa

Immikkut oqaaseqaatitassaqaanngilaq.

Allaffeqarfiup naliliinera

Sisimiuni TAI naliliivoq, suliasap matuma piaartumik suliaritinnissaa pingaaruteqartuusoq, tassa Utoqqaat Angerlarsimaffiata aaqquissuunna ullumikkut Kalaallit Nunaanni Illuliornermut malittarisassani piumasaqaatinut naapertuutinnimmat. Qeqqata Kommuniata ikuallattoortoqarsinnaaneranut atatillugu illuutiminik misissuisitsinerani tamanna saqqummerpoq. Suliarlu tamanna pisortaanerup sulisuisa Willis-ikkullu suleqatigiinnerisigut ingerlanneqarluni.

Allaffeqarfiup innersuussutaa

Allaffeqarfiup innersuussutigissavaa, immikkut aningaasaliissuteqarnissaq akuersissutigineqassasoq.

Ilaqutariinnermut ataatsimiititaliap siulittaasuata suliamik suliaqarnera

Innersuussutigineqartoq Ilaqutariinnermut ataatsimiititaliap siulittaasuaniit januaarip 23-ni 2012-imi akuersissutigineqarpoq.

Borgmesterip suliamik suliaqarnera

Aningaasaqarnermut ataatsimiititaliaq kommunalbestyrelsilu sinnerlugit januaarip 23-ani 2012-imi borgmesteri aalajangiivoq,

kontomut 47-09-10-22-01 Illuutit inillu aqutigalugit 427.600,- koruuninik 2012-imut missingersuutitigut immikkut aningaasaliissuteqartoqassasoq, taakkulu pigisat nalillit kontoanniit aningaasaliiffiussasut.

Aningaasaqarnermut ataatsimiititaliaq kommunalbestyrelsilu tullianik ataatsimiinnissaanni aalajangiinermik ilisimatinneqassapput.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap februaarip 14-ani 2012-imi ataatsimiinnermini paasissutissiissut tusaatissatut tiguaa.

Innersuussut

Suliaq kommunalbestyrelsimut paasissutissatut saqqummiunneqarpoq.

Aalajangiineq

Ilanngussaq

Ilanngussaqanngilaq

Imm. 13 Paasissutissiissut nr. 4. Meeqqat Atuarfiinik ineriartortitsinissamut Suliniut

Journalnr. 51.00

Tunuliaqutaq

Meeqqat Atuarfiinik ineriartortitsinissamut Suliniummut, suli ingerlanneqartumut atatillugu, Qeqqata Kommuniani atuarfeqarnermut, ukioq 2010/2011-mi atuarfiusumi misissueqqissaarnermut nalunaarutip naammassineqarnera saqqummiunneqarpoq, taannalu suliffeqarfiup avataanit Inerisaavimmit siunnersortimit suliarineqarluni. Misissueqqissaarnermut nalunaarusiaq suliffeqarfiup avataanit siunnersortimit aningaasaqarnermut ataatsimiititaliamut saqqummiunneqassaaq.

Maleruagassatigut tunngavik

Landstingsforordning nr. 8 af 21. maj 2002 om Folkeskolen.

Pissutsit atuuttut

Meeqqat Atuarfiini aqutsinermut pitsaassutsillu pitsanngortinnissaanut, taamatullu aningaasartuutit annikillisarnissaanut, siunnersorti misissueqqissaarnermini assigiinngitsunik innersuussuteqarpoq. Innersuussutit ilaat makkuupput:

- Immikkut atuartitsinerit immikkoortuinillu tamanik misissuineq
- Illoqarfinni nunaqarfinnilu atuarfiit pisortaasa aqutsisuisalu qaangiuttoortarneri aaqqiivigineqassasut
- Atuarfiit ataasiakkaat pisariaqartitaat malillugit, ilinniartitsisut atorfiinik ingerlatsineranillu allaaserinninnerit sananeqassasut.
- Atuarfinit Aqutsinermik maleruagassanik nutaanik sanasoqassasq
- LTF naapertorlugu aqutsinermik nakkutilliinerit ingerlanneqassasut
- Ukiup naanerani atuarfiit tamarmik ukiumut nalunaarusiortassapput

Aqutsisoqatigiit suleqatigiissitallu qulaani taaneqartut suliarinerisa saniatigut, atuartut Meeqqat Atuarfiini naammassereernermi kingorna ilinniagaqaqqinneq ajortunut pinaveersaartitsinermik suliaqarput. Ilinniagaqaqqinneq ajortut 60 procentit sinneqarput, taakkulu nunatsinni qaffasinneraallutik.

Atuarfiit siulersuisui suliaminnut ingerlatsilluarnissaanik sakkussaqaqtilluarneqartariaqarput. 2012-imilu januaarimi februaarimilu pikkorissartinneqarnissaanut pilersaaruteqarluni.

Siusinaartumik suliniuteqartarneq, taamalu suliaqarfiit akimorlugit suleqatigiinneq, taassaavoq immikkoortoq pingaarnertut sammineqartoq. Meeraq atuarfimi ilinniartinneqarsinnaaguni, taava patajaatumik pitsaasumillu ilaqutariinnermik inuuneqarnissaat pingaaruteqarpoq, piffissallu ingerlanerani Ilaqutariinnermi immikkoortorta q ilinniartitaanermilu immikkoortorta q tamanna nukittorsarniarlugu suliaqarfitsik akimorlugit suliaqarsimapput.

2012-imi februaarip qaammataani misissueqqissaarnerup naammassinera, aningaasaqarnermut ataatsimiititaliamut kommunalbestyrelsimullu saqqummiunneqassaaq.

Aningaasaqarnikkut allaffissornikkullu kingunerisinnaasai

Aningaasaqarnikkut kingunerisinnaasaanik suli peqanngilaq, 2012-imili aasannginnerani sukaterinerup kingunerisinnaasaata nassuiaatitaanik saqqummertoqarnissaa naatsorsuutigineqassalluni.



Allaffeqarfiup naliliinera

Allaffeqarfiup, tassa Aqutsisoqatigiit suleqatigiissitallu innersuussutigineqartut piaarnerpaamik suliniutigineqarnissaasa pingaaruteqarnerat nalilerpaat, taamaalillutik ukioq 2012/2013 atuarfiusumi atuutinneqassallutik.

Allaffeqarfiup innersuussutaa

Ilinniartitaanermut Kulturimut Sunngiffimmullu ataatsimiititaliamut akuersissutigineqarnissaat innersuussutigineqarpoq:

Misissueqqissaarneq tusaatissatut tiguneqassasoq, aningaasaqarnermut ataatsimiititaliamut kommunalbestyrelsimullu paasissutissiissutitullu ingerlateqqinneqassasoq.

Ilinniartitaanermut Kulturimut Sunngiffimmullu ataatsimiititaliami suliap suliarinera

Ilinniartitaanermut Kulturimut Sunngiffimmullu ataatsimiititaliap januaarip 16-ani 2012-imi ataatsimiinnermini suliaq suliarivaa.

Allaffeqarfiup misissussavaa 15-nik 18-nut ukiullit qassit suliffissarsiorpat, 1992-imi kiisalu 1993-imi inuunikut. Misissorneqassaaq suliniut suna atorlugu ilinniartunngortinneqarsinnaanersut.

Ataatsimiinnermi tullermi, suliarinnittut Jimmy Hymøller aamma Palle Lennert aggersarneqassapput, ataatsimiititaliamut killiffimminnik paasissutissiartorlutik.

Tusaatissatut tiguneqarpoq.

Ilinniartitaanermut Kulturimut Sunngiffimmullu ataatsimiititaliap innersuussutaa

Suliaq aningaasaqarnermut ataatsimiititaliamut kommunalbestyrelsimullu paasissutissatut saqqummiunneqarpoq.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap februaarip 14-ani 2012-imi ataatsimiinnermini paasissutissiissut tusaatissatut tiguaa.

Aningaasaqarnermut ataatsimiititaliamit piumasarineqarpoq 2012/2013-imi atuarfiusussami pilersaarusernerit apriilip 15-ani 2012-imi naammassisussanut atatillugu allaffeqarfiit suliaqareersimassasut.

Innersuussut

Suliaq kommunalbestyrelsimut paasissutissatut saqqummiunneqarpoq.

Aalajangiineq

Ilanngussaq

1. Qeqqata Kommuniani atuarfeqarnermi, ukioq 2010/2011 atuarfiusumi misissueqqissaarneq.

Imm. 14 Atuartut angerlarsimaffii pillugit nalunaarusiaq – nunaqarfiit atuarfiiniit illoqarfinni atuarfimmt ikaarsaariartarneq pillugu eqqarsaatersuutit inassuteqaatillu

Journalnr. 09.00

Tunuliaqutaq

2011-mi decembarip 21-ni Qeqqata Kommunia Atuartut angerlarsimaffii pillugit nalunaarusiaq Namminersorlutik Oqartussanit tiguaa. Tusarniaanermi piffissaliussaq 2012-imi januaarip 27-anut killeqaralarpoq, tamannali ilaatigut Qeqqata Kommuniata inassutigineqarneratigut 2012-imi februaarip 14-ianut kinguartinneqarpoq.

Nalunaarusiami meeqqat atuarfiisa aaqqissugaaneranik allaaserinninneruvoq, ilaatigut meeqqat atuarfiisa aningaasaqarnerat, nunaqarfinni atuarfinni mikisuni sulianut kingunerisinnaasat, nunaqarfiit atuarfiini atuartullu angerlarsimaffiini atuartoqarnikkut ineriartortitsinissamut tunngaviit ilaallutik. Taamatuttaaq atuartut angerlarsimaffiisa amerlassusiannut imarisinnaasaanullu, inatsisitigut sinaakkutit, atuarfimmik sanaartornermut pilersaarutit pingaarnersaanik, perorsaanikkut imarisanik, atuartut angerlarsimaffiini qanoq issusianik naliliinermik, naggataagullu atuartut angerlarsimaffiini minnerpaamik piumasqaatinik naammassinninnissamut aningaasartuutinik tamakkerlugit isiginninnissamut tunngaviliilluni.

Atuartut angerlarsimaffii pillugit nalunaarusiami perorsaanikkut anguniakkat ima allaaserineqarput:

” Atuartut angerlarsimaffii tassaapput ataatsimooqatigiiffiit pisussaaffiliisut, sinaakkusiisut pingaartitanillu tunngavillit, akisussaasunik piffissap ilaa angajoqqaanik ilinniarnikkut isumassuinnikkullu taarsiisunik inersimasortallit, tassuunakkut atuartut ilinniaqqinnissaminnut periarfissinneqaaqqullugit. Atuartut angerlarsimaffiata meeqqat atuarfiata anguniagai taperserpai”

Maleruagassatut tunngavissaq

Atuarfik pillugu Inatsisartut peqqussutaani § 20, atuartunut angerlarsimaffiit, atuartunut inissiat atuarfiillu najugaqarfiusut immikkut aaqqissuussat. Aalajangersagaq malillugu atuarfimmt pioreersunut atuartunut angerlarsimaffiit atuartunullu inissiat, atuartitaanissamik neqeroorfigineqarnissat qulakkeerumallugu pilersinneqassapput. Peqqussummi aamma allaqqavoq, atuartut angerlarsimaffiini taakkunanani najugaqarneq akeqanngitsoq. Paragraffimi atuartunut innarluutilinnut atuartunut najugaqarfinnik immikkut aaqqissukkanik pisariaqartitsineq eqqaaneqarportaaq.

Pissutsit atuuttut

Qeqqata Kommuni atuartut angerlarsimaffii marluupput, ataaseq Maniitsumi ataaserlu Sisimiuni.

Atuartut arlaqartut nunaqarfimmiit illoqarfimmt ikaarsarneq ajornartorsiutigisarpaat, tassunga peqqutaasut arlaliupput. Atuartut angerlarsimaffiini nakkutilliisuuneq ilungersunartuuvoq, atuartut nunaqarfimmeersut ulluinnarmut aalajangersimasumik aaqqissukkamik sungiussiniartussaammata. Tassa imaappoq, atuartut ulluinnaanik aalajangersimasunik killeqartitsinissamut nukiit annertuut atornerqartarput, taamaalillutik sianissusilimmik atuarnermik inuuneqalersinneqassallutik, tassanilu ilinniakerinerit, tapersersuinerit toqqissisimanerillu inersimasumik ilagisaqarlutik ilaallutik. Atuartut akulerutsinnissaat ajornakusoortarpoq, nunaqarfimminnimi allaanerusumik inuuneqartarmata, arlalitsigullu inuttut ajornartorsiutit saqqummersarput, taamaalilluni atuartunut ataasiakkaanut annertunerumik isumaginninnerit tapersersuinerillu pisariaqartitsilersarlutik.

Atuartut angerlarsimaffiini marlunni pioreersuni iluarsartugassat utaqqisinnaanngitsut annertupput. Illut tamakkiisumik imaluunniit ilaannakortumik oqussimapput, tamarmillu qanoq issusiat ajorluinnarluni. Iluarsartuunneqartariaqarnerat imaluunniit tamakkiisumik nutarterneqartariaqarnerat ersarippoq.

Nunaqarfinni atuartut amerlassusiat appariartorpoq, siunissamilu apparnerulernissaat naatsorsuutigineqarluni. Nunaqarfinnilu atuartut angusarisaat agguaqatigiissinnerat ataassimavaat, pingaarnertut oqaatsinik kisitsisinillu angusat nukittorsarneqartariaqarput.

Nunaqarfinni atuarfinnut ilinniartitsisunik pikkorilluinnartunik atorfinitsitsinissaq ajornakusoorpoq, taamaalilluni atuartut atuartitaanermikkut inissisimanerat appasinneruvoq.

Atuartut illoqarfiup atuarfianut nuukkaangamik “marloqiusanik unammilligassaqaalersarput”. Ilaatigut illoqarfimmi atuaqatiminnit atuaqarsornikkut sanngiinnerusarput, ilaatigullu angerlarsimaffitsik qimaqqasarlugu. Pissutsit taakku atuartunut artorsaataasinnaapput.

Kommunip atuarfiisa ilaani ilinniarfik najornagu ilinniartitsineq ullumikkut periarfissaanngilaq, tamannali naleqqussarneqartariaqarpoq. Itillimi Sarfannguanilu ilinniartitsisut ilinniarfik najornagu ilinniartitsinermik pikkorissarnermik ingerlataqarput. Ajorluartumillu IT-mik maannakkut atortuutit ullutsinnut naleqquttuunngillat, internetimillu attaviit arriitsuarsuullutik, tamakkulu ilinniartitsinerup pitsaassusianik annikillisaangaatsiarsinnaallutik. IT-mik atortuutitut internetimullu attaveqarnermut aningaasartuutit annertungaatsiarput, kommunillu nammassinnaanagillu nammattussaannikkaluarpai.

Nunaqarfik	Atuartut	Ilinniartitsisut	Timelære-t	Iloqarfimmi atuarfik
Napasq	5		1	KA - Man
Atammik	15	2	2	KA - Man
Kangaamiut	45	7	2	KA - Man
Itilleq	11	2	1	MA - Sis
Sarfannguit	22	1	4	MA - Sis

Nunaqarfinni atuarfinni atuartunik angajullermik illoqarfiit atuarfiinut atuariartortitsinermut 2012/2013-imi atuartut amerlassusii amerlassusiliinerillu.

Aningaasaqarnikkut allaffissornikkullu kingunerisinnaasai

Qeqqata Kommunia atuartumut ataatsimut ukiumut ingerlatsinermi aningaasartuutigisartagaa: kr. 72.000.

Qeqqata Kommunia atuartut angerlarsimaffiani atuartumut ataatsimut ukiumut ingerlatsinermi aningaasartuutigisartagaa: kr. 153.000.

B-1126 aammalu B-1127	
Oqummik saliineq	Kr. 2 mio.
Iluarsartuussineq	Kr. 4,2 mio.
Nutarterineq	Kr. 15 mio.

Maniitsumi atuartut angerlarsimaffiata pioreersumut iluarsartuussinissamut/nutarterinissamut aningaasartuutissanut missiliuut.

Qullersaqarfiup oqaaseqaataa

Qullersaqarfimmit nunaqarfinni atuarfinit atuartut pitsaasunik ilinniarnissamut ineriartornissamullu periarfissaqarnissaat kissaatigineqarpoq. Qullersaqarfimmit maluginiarneqarpoq, Kangerlussuarimi efterskolemik pilersitsinissamut siunissami nuna tamakkerlugu periarfissaqartoq, tamannalu Namminersorlutik Oqartussat qanimut suleqatiginerasigut pilersitsineqarsinnaalluni.

Allaffeqarfiup naliliinera

Allaffeqarfimmit nalilerneqarpoq

1. Maniitsumi ataatsimut atuartut angerlarsimaffeqarnikkut nunaqarfinniit atuartunut inuttut atuagarsornikkullu pitsanngorsaataassasoq.
2. atuartut angerlarsimaffiani atuartunik tiguisarneq nukittorsarneqassasoq, ilaatigut atuartoq illoqarfimmut nuunnginnerani atuartunik angajoqqaanillu piareersaalluarnissamik pisariaqartitsisoq. Atuartoq illoqarfimmut nuunnginnerani aaqqissuineqassaaq, ilaatigut atuartut angerlarsimaffianut tikeraarnikkut. Nuunnginnermi nooreerneramilu sumiiffimmi nutaamit Skype atorlugu inersimasunik atuartunillu ataatsimiititsinerit ingerlanneqassasut.
3. angerlarsimaffiup atuarfiullu akunnerminni suleqatigiinneq nukittorsarneqartariaqassasoq, ilaatigut atuartumut atuagarsornikkut iliuusissamik pilersaarusiornikkut.
4. atuartut angerlarsimaffii atuartunut angerlarsimaffittut atuutissasut, taamaalillutik atuartut toqqissisimasumik avatangiiseqarlutik ineriartorsinnaallutik, kingusinnerusukkullu ilinniaqqinnissaminnut piareersimassallutik.
5. atuartut angerlarsimaffiini ilinniartitsisumik peqateqarlutik ilinniakkerisarnissaq ulluinnarmut ilaaginnassasoq. Atuartup atuagarsornikkut anguniagai kollegiami perorsaanikkut sulisut aammalu atuartup ilinniartitsisuata, atuartoq suleqatigalugu akisussaaffigaat. Ukiuni kingullerni marlunni meeqqat atuarfimmi atuararnissamut atuartup anguniagasaanik iliuuseqarnissamut pilersaarusiortoqassaaq.
6. sapaatip akunnerata ingerlanerani sunngiffimmi sammisassanik pilersaarusiortoqassasoq, ataatsimoornermut sammisumik katerisimaarnerit siunnersorteqarnermik atuinikkut ingerlanneqassasoq.
7. Maniitsumi atuartut angerlarsimaffiani piffissaq tamakkerlugu perorsaasutut atorfiit minnerpaamik marluk pilersinneqassasut, ajornanngippallu perorsaasutut ikiortimik atorfik. Taassumalu ataani suliassanut allanut sulisoqarnermik amerlassusiliineq. Sulisunut akisussaaffiit suliassallu ersarissumik atorfimmut allattuiffimmi allassimassapput.
8. iluarsartuussinerit kinguleruttut Namminersorlutik Oqartussat susassaqarfigivaat. Aningaasartuutit annertuujupput, minnerpaamillu ilaannakortumik Namminersorlutik Oqartussanik akilerneqartariaqarlutik. Aningaasaqarnermut akisussaaffik pillugu kommunip Namminersorlutik Oqartussallu erseqqissartariaqarpaat. Maniitsumi atuartut angerlarsimaffiata iluarsartorneqarnissaa piaarnerpaamik aallartinneqartariaqarpoq.

9. ilinniarfik najornagu ilinniartitaanikkut nunaqarfinni atuartut ilinniartitaarnermut angusarisaat qaffassapput qaffassarneqarsinnaallutillu. Nunaqarfinni ilinniartitsisut atorluarneqarsinnaapput, ilinniarfillu najornagu ilinniartitaanikkut tapiliuffigineqarsinnaallutik. Pingaarnertut oqaatsinik atuartitsineq annertuumik qaffassarneqarnissaa pisariaqartitsiviuvoq. Ilinniarfik najornagu ilinniartitsinermit internetikkut attaveqaatit pitsanngorsarneqarnissaat Namminersorlutik Oqartussat akisussaaffigaat, tamannami kommunip nammattariaqanngilaa.

Allaffeqarfiup innersuussutaa

Innersuussutigineqarpoq:

- Qeqqata Kommunia Maniitsup kommuniani nunaqarfiit atuariini atuartut klassit angajullit marluusunut atuartut angerlarsimaffissamik pilersitsisoqassasoq. Ukioq atuariusumut 2012/2013-imut aallartitussanngorlugu atuartut angerlarsimaffiat pilersinneqassaaq.
- Qeqqata Kommuniata atuartut angerlarsimaffiini amerlassusiliinernik naleqqussaassasoq.
- Kangerlussuarmi efterkoleqalersinnaanermut/kostskoleqalersinnaanermut Qeqqata Kommuniata allaffeqarfia Namminersorlutik Oqartussanut suleqatigiissasut, tassani nunaqarfiit atuariini atuartut klassit angajullit marluusut ataatsimoortinnissaanut siunertatut pingaarnertut.
- Maniitsumi atuartut angerlarsimaffiata pioreersup iluarsartorneqarnissamut pisariaqartitanut aningaasartuutunik Namminersorlutik Oqartussat aningaasaleeqataanissaanut Qeqqata Kommunia piumasaqaateqassasoq, taamaalilluni minnerpaamik piumasaqaatinut naammassinnissinnaalissalluni.
- pingaarnertut nunaqarfinni internetimik akikinnerusumik attavilerneqarnissaanut Namminersorlutik Oqartussanut Qeqqata Kommunia piumasaqaateqassasoq, taamatuttaarlu ilinniarfik najornagu ilinniarnissamut pilersitsinermit aningaasartuutunik matussusiinissamik piumasaqaateqassasoq.
- Atuartut angerlarsimaffii pillugit nalunaarusiaq illoqarfinni nunaqarfinnilu atuariinnut tusarniaassutigineqassasoq.
- Tusarniaanermut akissut tusaatissatut tiguneqassasoq, KANUKOKA-lu aqqutigalugu Namminersorlutik Oqartussanut ingerlateqqinneqassasoq.

Ilinniartitaanermut Kulturimut Sunngiffimmullu ataatsimiititaliami suliap suliarinera

Ilinniartitaanermut Kulturimut Sunngiffimmullu ataatsimiititaliap februaarip 6-ani 2012-imi ataatsimiinnermini allaffeqarfiup innersuussutaa akuersissutigivaa.

Ataatsimiititaliap piumasarivaa, atuartut angerlarsimaffiisa pitsaassusaat misissuiffigineqassasut. Imm. Aningaasaqarnermik ataatsimiititaliamut paasitissiissutitut ingerlateqqinneqassaaq.



Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap februaarip 14-ani 2012-imi ataatsimiinnermini paasissutissiissut tusaatissatut tiguaa.

Innersuussut

Suliaq kommunalbestyrelsimut paasissutissatut saqqummiunneqarpoq.

Aalajangiineq

Ilanngussaq

1. Atuartut angerlarsimaffii pillugit nalunaarussiaq, Naalakkersuisut, Nuuk.



**Imm. 15 2011-mi Qeqqata kommunianut qipoqqartassissutinit sinneruttup
agguaaateqqinneqarnissaa pillugu paasissutissiissut**

Journal nr. 72.01.01

Tunuliaqutaq

Qeqqata komunianut 2011-mi qipoqqartassiissutit pingasuusunit maannamut ataaseq pizarrengilaq. Kangaamiuni angerlarsimaffeqartut arfanniat qinnuteqaatigivaat kommunip iluani pisassamik nuussisoqassasoq.

Maleruagassatigut tunngavissaq

Arfernik angisuunik illersuineq piniarnerlu pillugit Namminersorlutik Oqartussat nalunaarutaat nr. 11, 16. juli 2010-imeersoq.

Pissutsit atuuttut

Qeqqata kommunianut qipoqqaat pingasut upernaq 2011 pisassiissutigineqarput. Maannamut 27. December 2011 tikillugu Qeqqata kommuniani qipoqqaat marluk pizarrengarput.

Qipoqqarniarnermi piumasaqaataavoq angallatit 36- fodimiit qummut angitigisut marlukkaat piniarsinnaasut.

Upernaq 5. Maj 2011 makitsinikkut Sisimiuni Oluf Lennert / Piitanguaq Platou aamma Hendrik Fleischer / Pele Enoksen pisassinneqaaqarput.

Makitsinerup kingona Pele Enoksen piumajunnaarpoq tamatumalu kingona aamma Hendrik Fleischer akuersissut utertippaa.

Ulloq 12. Maj 2011 nutaamik makitsinermi makinneqarput:

Oluf Lennert/ Piitanguaq Platou ingerlaannarput, nutaamik makinneqarput:

Hanseeraq & Karsten I/S / Hanseeraq Enoksen.

Ulloq 9. December 2011 paasinarsimmat Piitanguaq Platou qipoqqarniarnissamut periarfissaaruttoq akuersissut Hendrik Fleischer-imut tunniunneqarpoq. Tassaavorlu pisassaq taanna maannamut pizarrengitsoq.

Maniitsumi upernaq pisassinneqarput Nathan Josefsen / Kristoffer Jessen, taannalu pisassaq 3. December 2011 pizarrengarpoq.

Kangaamiuni arfanniartartut Jens Meeraq Lyberth aamma Jens Peter Kreutzmann allakkatigut ulloq 23. December 2011 qinnuteqaatigivaat Qeqqata kommuniani qipoqqartassap pizarrengitsuuersup tunniunneqarnissaa.

Pisassineqarsimasut Oluf Lennert aamma Hendrik Fleischer ajorinngilaat pisassiissut allamut tunniunneqassappat aamma angallataa inuttaalu juullisiorartorsimagamik.

Maniitsumi aamma Sisimiuni aalisartut piniartullu peqatigiiffii matumani agguasseqqinnermut atatillugu Allaffeqarfimmiit oqarasuaatikkut ulloq 27.12.2011 tusarniaaffigineqarneranni tamarmik akissuteqarput ajorinagu pisassaq sinneruttoq Kangaamiormiunut tunniunneqarpat.

Arfernik angisuunik illersuineq piniarnerlu pillugit Namminersorlutik Oqartussat nalunaarutaat nr. 11, 16. juli 2010-imeersumi § 24-imi aalajangersagaavoq Kommunalbestyrelsi najukkami aalisartut piniartullu peqatigiiffiat tusarniaavigereerlugu aalajangiisinnaasoq akuersissut tunniunneqarsimasoq kommunip iluani nuunneqassasoq.

Nalunaarummi § 19-imi aalajangersagaavoq kikkulluunniit arfernik angisuunik pisaqartut pisarineqartup nerineqarsinnaasortai tamaasa iluaqutigissallugit pisussaasut. Matumani pisassinneqarnissamik qinnuteqartut naatsorsuutigivaat qipoqqarmik pisaqarunik ukioq taamaaligaluortoq asiusoqarani tamarmi iluaqutigineqarumaartoq.

Arfernik angisuunik agguaassisartoqatigiit (Naalakkersuisoqarfik, KNAPK aamma KANUKOKA) siusinnerusukkut ataatsimiinnerminni aalajangiussimavaat agguaasseqqittoqassagaluarpas Kommuneqarfik kujalleq siulliunnarlugu ataasiinnarmik pisassinneqarnikumata.

Allaffeqarfiup naliliinera:

Allaffeqarfiup nalilerpaa Qeqqata kommunianut qipoqqartassiissutit tamakkerneqarnissaat pisariaqartoq ukiuni tulluuttuni kommunimut pisassiissutaasartut ikilineqassanngippata. Taamaammat qipoqqartassiissutip ataatsip sinneruttup kommunip iluani nuunneqarnissaa Allaffeqarfiup innersuussutigissavaa. Tamanna pisassinneqarsimasunit aamma aalisartut piniartullu peqatigiiffiit ajorineqanngilaq.

Borgmesterip suliamik suliaqarnera

Qeqqata kommunianut qipoqqartassiissut maannamut pisarineqanngitsoq qinnuteqartunut: Jens Meeraq Lyberth, angallat GR 7-259 "Daniali" aamma Jens Peter Kreutzmann, angallat GR 7-190 "Tiu-T" -imut tunniunneqassasoq, kommunalbestyrelsi sinnerlugu decembarip 27-ani 2011-mi borgmesteri aalajangiivoq,

Aalajangiineq pillugu kommunalbestyrelsi tullissaanik ataatsimiileruni ilisimatinneqassaaq,

Innersuussut

Suliaq kommunalbestyrelsimut paasissutissatut saqqummiunneqarpoq.

Aalajangiineq

Ilanngussaq

Ilanngussaqanngilaq

Imm. 16 2012-imi Kangerlussuup avannaani ukiuunerani umimmaat pisassiisutit agguaaneqarnerat piniarneqarnerallu pillugit borgmesterip aalajangiinera pillugu paasissutissiisut

Journalnr. 72.01.01.03

Tunuliaqutaq

Aalisarnermut, Piniarnermut Nunalerinermullu Naalakkerisoqarfiup 2012-mi umimmaat pisassiisutit agguaaneqarnerat pillugu nalunaarutaat.

Matumani Qeqqata Kommuniani Kangerlussuup avannaani ukiuunerani umimmanniarnissamut umimmaat 390-it pisassiisutigineqarput.

Maleruagassatigut tunngavissaq

Namminersornerullutik Oqartussat umimmaat piniagaanerat pillugu nalunaarutaat nr. 7, 8. februar 2001-imeersoq.

Pissutsit atuuttut

2012-mi Kangerlussuup avannaani ukiuunerani umimmanniarnissami umimmaat 390-it pisassiisutigineqarput.

Pisassiisutigineqartut inuutissarsiutigalugu aammalu sunngiffimmi piniarnermut allagartalinnut qanoq agguaaneqarnissaat pillugu peqatigiiffiit susasaqartut tusarniaaffigineqarput, tamatumani aperineqarlutik, ukiuni kingullerni ukiuunerani umimmattassiisutit inuutissarsiutigalugu piniarnermut allagartalinnut pisassiisutit 75%-ti pisassiisutigineqartarput, sinnerilu 25%-ti sunngiffimmi piniarnermut allagartalinnut pisassiisutigineqartarlutik, matumani kisitsisinngorlugu 293/97 amerlassuseqartut.

Sisimiuni Aalisartut Piniartullu Peqatigiiffiat (SAPP), Sisimiuni Angallateerarsorlutik Aalisartut Piniartullu Peqatigiiffiat (SAAPP) aammalu Sarfanguani Itillimilu aalisartut piniartullu peqatigiiffii kiisalu Sisimiuni Saniatigooralugu Piniartartut Peqatigiiffiat tusarniaavigineqarput.

Tusarniaavigineqartunit SAPP-mit allaffeqarfimmut saaffiginnikkut ilisimatitsissutigineqarpoq, peqatigiiffimmiit inuutissarsiutigalugu aammalu sunngiffimmi piniarnermut allagartalinnut 75/25 %-mik avittisarneq ajorineqanngitsoq aammalu Kangerlussuarmi najugallit sunngiffimmi allagartallit qimmeqanngitsut pisuinaq ukiuunerani umimmanniarnissami qinnuteqarsinnaanermut taamatullu piniqaataasalernissamut periarfissinneqarnissaat ajornineqanngitsoq.

Qeqqata Kommuniani aalisartut piniartullu peqatigiiffiisa sinneri aammalu saniatigooralugu piniartartut peqatigiiffiat tusarniaatigineqartumut akissuteqanngillat.

Kangerlussuarmi najugallit sunngiffimmi piniarnermut allagartallit Kangerlussuup avannaani pisuinaq ukiuunerani umimmanniarsinnaanissaminnut Kattuffitsik aqqutigalugu Namminersorlutik Oqartussanit qinnuteqaateqarput, massakkut Sisimiut Kommuniata ileqqoreqqusaa malillugu qim-millit kisimik umimmanniarsinnaatitaammata. Akuerineqassappata sunngiffimmi piniartunut ilann-gullutik aamma qinnuteqarsinnaanissaat periarfissaassaaq.

Aningaasaqarnikkut allaffissornikkullu kingunerisinnaasai
Ilanngussaqaanngilaq.

Qullersaqarfiup oqaaseqaatai
Soqaanngilaq.

Allaffeqarfiup naliliinera
Siornatigulli pisassat 75/25 %-mik avinneqartarat allannguuteqarnissaanik
siunnersuuteqartoqaanngimmat, pisassiissutit tamaatut avinneqaqqinnissaat allaffeqarfiup
siunnersuutigaa.

Allaffeqarfiup innersuussutaa
Allaffeqarfiup borgmesterimut kommunalbestyrelsi sinnerlugu akuereqqullugu innersuussutigaa

Ukiuunerani umimmanniarnissamut pisassiissutit umimmaat 390-it inuutissarsiutigalugu aammalu
sunngiffimmi allagartalinnut imatut avinneqassasut, pisassiissutit:

- a. 75 %-ii tassalu umimmaat 293-it inuussutissarsiutigalugu allagartalinnut pisassiis-
sutigineqassasut
- b. 25 %-ii tassalu umimmaat 97-it sunngiffimmi allagartalinnut pisassiissutigineqas-
sasut.

Borgmesterip suliamik suliaqarnera

Kommunalbestyrelsi sinnerlugu decembarip 30-ani 2011-mi borgmesteri aalajangiivoq,
innersuussutigineqartut akuersissutigineqassasut

Aalajangiineq pillugu kommunalbestyrelsi tullissaanik ataatsimiileruni ilisimatinneqassaaq.

Innersuussut

Suliaq kommunalbestyrelsimut paasissutissatut saqqummiunneqarpoq.

Aalajangiineq

Ilanngussa

Ilanngussaqaanngilaq

Imm. 17 Puigortunngorsimasut pillugit 2012-imi nalunaarusiassatut siunnersuutip tusarniutigineqarneranut Qeqqata Kommuniata akissuteqaataanut paasissutissiineq

Journalnr. 46.01

Tunuliaqutaq

UKA 2010/30-mi aalajangiunneqarpoq Naalakkersuisut kingusinnerpaamik UPA 2012-imut puiguttorneq pillugu nassuiaammik Inatsisartunut saqqummiussinissaannik peqqu-neqassasut, kingusinnerpaamillu UPA 2013-imut ataatsimoortumik siunissarlu ungasinnerusoq eqqarsaatiga-lugu puiguttorneq pillugu pilersaarusiamik saqqummiussissasut.

Inatsisartunut saqqummiussassanut naleqqussarlugit suliassat immikkoortunut marlunnut avinneqarput.

Taanna nassuiaat immikkoortoq siulliuvoq tassanilu puiguttornermut tamarmut tunnga-sunik nunatsinni qulaajaaneq aallunneqarpoq.

Qeqqata Kommunia februarip 9-ani 2012 Kanukoka-mut tusarniutip akissutaanik nassitsivq.

Allaffeqarfiup naliliinera

Qeqqata Kommuniata innersuussutigaa

1. Puigortunngorneq pillugu tunuliaqutaqarlutik misilittagaqarlutillu sullissisut akuutillugit naleqquttumik inatsisiliortoqassaaq

Inatsit nalunaarusiami nassuiaatigineqartoq paasiuminaappoq. Qeqqata Kommuniani isumaqarpugut, puigortunngornermi ajornartorsiutaasinnaasut pillugit atorsinnaasumik puigortunngortut pillugit ajoraluartumik suli inatsiseqanngitsoq.

2. Puigortunngorsimasunut sullissinermut qanigisaasut sullissisullu isiginnittaasii pillugit nassuiaatigineqartut naammangillat

Qanigisaasut pisortanut saaffiginnikkaangamik sutigut misigisarluttartut nalunaarusiami nassuiaatigineqarpoq. Nalunaarusiornermut atatillugu paasissutissanik taakkuninnga qanoq pissarsisoqarsimanersoq ersarissaataasoq amigaatigineqarpoq. Paasissutissat taakku pissariariniarnerinut atatillugu atortut suut atorneqarsimanersut nassuiaatigineqartariaqaralarpoq. Qanigisaasut pisortanut isiginnittaasiisa saniatigut puigortunngorsimasunut suliniutit eqqarsaatigalugit sullissisut misigisaat nassuiaatigineqarlutillu nalunaarusiamut ilanngunneqartussaassagaluarput. Pisortat tungaannit avataaniillu siunissami suliniarnissamut taakku pingaaruteqarlunnarsinnaapput.

3. Kommunit Namminersorlutik Oqartussallu akisussaaffii piaartumik inissinneqassapput

Puigortunngorsimasut eqqarsaatigalugit kommunit peqqinnissaqarfiullu akisussaaffii nalunaarusiami nassuiaatigineqarput. Nassuiaatigineqartoq Qeqqata Kommuniata tungaanit ilisarissinnaanngilarput. Qeqqata Kommuniata innersuussutigaa, akisussaaffiit ersarissumik misissorneqassasut ersarissarneqarlutillu.



4. Puigortunngorsimasunut kommunip suleriaasia ersarissumik misissorneqarlunilu nassuiaatigineqartariaqarpoq

Immikkoortumik puigortunngorsimasut pillugit nassuiaammi assersuutigalugu CT-scannertissinnaanermik, allatigullu misissortissinnaanermik neqeroorfigineqarsinnaaneq nassuiaatigineqarpoq. Tamatuma saniatigut assigiinngitsunik suliallit akimorlugit misissuinerit taakku ingerlanneqartartut aamma nassuiaatigineqarpoq. Qeqqata Kommuniani innuttaasut puigortunngorsimasut ikittuinnaat misissortinnikuummata, ajoraluartumik Qeqqata Kommuniani taamaattoqartuaannarneq ajorpoq. Puigortunngorsimasut ataasiakkaat napparsimasarnerinik ilisimasat, peqqinnissaqarfimmilu misissuipallannerit aallaavigalugit puigortunngorsimasutut nappaateqartutut naqissuserneqartarput.

Inaarutaasumik oqaaseqaatit

Nalunaarusiami nassuiaaterpassuaqarpoq, paasissutissallu tatiginassusaat apeqquserneqarsinnaavoq. Nalunaarusiami isornartorsiuinissaq aamma pingaaruteqarpoq – pingaartumik paasissutissat tatiginassusaat eqqarsaatigalugit. Puigortunngortunut ullutsinni sullissineq qanoq innersoq ajoraluartumik nalunaarusiami naammattumik allaaserineqanngilaq. Taakku ilanngunneqanngik-kunik, nalunaarusiani inerniliunneqartunut atuartoq paatsuungalersinnaavoq, taamaalillunilu aallaqqaataaniilli kukkusumik paasinnissinnaassalluni. Allatut oqaatigalugu piviusoq nalunaarusiarlu imminnut sulii ungasippallaarput.

Innersuussut

Kommunalbestyrelsimut innersuussutigineqassaaq tusarniaanerup akissutaa tusaatissatut tigussagaa.

Aalajangiineq

Ilanngussat

1. Februaarip 9-ani 2012 Kanukoka-mut tusarniaanerup akissutaa.
2. Puigortunngorsimasut pillugit nalunaarusiassatut siunnersuut

Imm. 18 Qeqqata Kommunianut ulluni 25. - 28. oktober 2011 nakkutilliartornermit nalunaarusiamut paasissutissiineq

Journalnr. 06.04.00

Tunuliaqutaq

Nunami Namminermit Pissutsinut Allaffik taamaammat erngerluni iliuseqarpoq kommunimut imatut allagaqarluni, tassa Nunamut Namminermit, Pinngortitamut Avatangiisinullu Naalackersuisoqarfiup aningaasaqarnermut ataatsimiititaliamit imaqarniliakkut paasigamiuk kommunip 2011-p naanerani aningaasanik tigorianaatikitsuaraanissani naatsorsuutigigaa.

Qeqqata Kommuniata saaffiginnissut ingerlaannartumik akissuteqarfigaa oqaatigalugu maannakkut kommunip ulloq 31. december 2011-mi aningaasanik tigorianaateqarnissamik piumasagaatip eqqortinnissaa ajornartorsiutigissamaarunnaaraa.

Nunamut Namminermit, Pinngortitamut Avatangiisinullu Naalackersuisoqarfik Naalackersuisut sinnerlugit kommuninik nakkutilliisuusoq siorna ulluni 25. februaarimiit 4. martsimut 2010-mi Qeqqata Kommunianiippoq nakkutilliartorluni tikeraarpoq. Nakkutilliinermut oqartussaasutut Nunami Namminermit Pissutsinut Allaffiup Maniitsumi taamatullu Sisimiuni kommunip allaffii takusarpai. Taakkunaniinnikkut takuneqarsinnaavoq kommuni ingerlalluartumik allaffissornikkut aqutsisoqarfeqartoq, aningaasatigut nakkajananani taamatutaaq kommunip karsimiittuutaasa ukiup naanerani ingerlatsinermit sanaartukkanullu aningaasartuutit tamarmiusut ikinnerpaamik 5 %-iusarnissaannik piumasagaat kommunip naammassisimagaa, 2009-mi taamaassimalluni taamanikkullu aammattaaq 2010-p naanerani taamaannissaa ilimanarluni.

Innersuussut

Kommunalbestyrelsimut innersuussutigineqassaaq nalunaarusiaq paasissutissatut tiguneqassasoq.

Aalajangiineq

Ilanngussaq

1. Nakkutilliartornermit nalunaarusiaq.

Imm. 19 2013-imi aningaasanut inatsisissamut sanaartugassatut kissaatigisat qinnutiginnissaat

Journalnr. 06.01.03

Tunuliaqutaq

Namminersorlutik Oqartussat januaarip 19-ani 2012-mi allakkatigut, Qeqqata Kommuniata 2013-imi Aningaasaqarnermut inatsisikkut kissaatai ujartorpai. Qeqqata Kommunian kingusinnerpaamik marsip 1-ani 2012-mi ataatsimoortumik tullerriaakkamillu Qeqqata Kommuniani sanaartugassatigut kissaatigisaminik Namminersorlutik Oqartussanut nassiussissaaq.

Maleruagassatigut tunngavissaq

Aningaasanut inatsit Namminersorlutik Oqartussat kisimik susasaqarfigivaat, taamaattorli kommunit tamatumani sanaartortinniakkatigut kissaatigisatik tullerriaakkat tusartissallugit periarfissaqartitaapput.

Pissutsit atuuttut

Namminersorlutik Oqartussat kingumut ukioq manna maluginiaqqaat, tullerriaarnermi ilinniartunut inissiat, illuliortiterneq pilersuinerlu salliutikkamikkut. Tamatuma kingunerissavaa, kissaatit allat taamaallaat killilimmik aningaasaliiffiqeqarnissaat.

Missingersuutissatut akuerisat, politikkikkut kissaatigisat saqqummiunneqartut, ukiumilu kingullermi siusinnerusukku Qeqqata Kommuniata sanaartugassatigut kissaatigisaminik tullerriaarineri tunuliaqutaralugit matuma kingulianiittut Qeqqata Kommuniani missingersuusiorfiusumi 2013-imi ukiunullu missiliuuteqarfiusunut tullerriaakkatut siunnersuutit pisortaqtigiit suliarivaat.

Tus. Kr.	Illoqarnikkut/ inissaqarnikkut ineriartortitsinissami pilersaarutit	2012 Katinneri		2013		2014		2015		2016	
		Komm	GS	Komm	GS	Komm	GS	Komm	GS	Komm	GS
Tuller.	Pilersaarutip suussusaa										
1	Sisimiuni Maniitsumilu innarluutlinnut inissiat 16-it			10.000	9.000	10.000	9.000				
2	Sisimiuni Maniitsumilu utoqqarnut pisinnaanerusunut inissiat 12-it			7.500	6.750	7.500	6.750				
3	Kangerlussuarmi Kangaamiunilu ilaqutariinnut illut marluk			1.200	1.000	2.575	2.075				
4	Sisimiuni, Maniitsumi Kangaamiunilu illunik nutarterineq taartissa-tullu illussat				30.000		30.000		30.000		30.000
5	Sisimiuni illussat			xx	xx	xx	xx	xx	xx	xx	xx
6	20-20-60 aqputigalugu piginneqatigiilluni inissiat			15.000	15.000	15.000	15.000	15.000	15.000	15.000	15.000
7	Kangerlussuarmi, Kangaamiuni Atammimmilu kommunip katitigassatut illuliassai			3.000	1.500	3.000	1.500				

Tus. Kr.	Teknikkikkut ineriartortitsinissami pilersaarutit	2012 Katinneri		2013		2014		2015		2016	
		Komm	GS	Komm	GS	Komm	GS	Komm	GS	Komm	GS
Tuller.	Pilersaarutip suussusaa										
1	Sisimiuni umiarsualivimmik allilerinissaq	30.000			30.000						
2	Sisimiut Kangerlussuullu akornatigut aqqusinissaq			30.000		20.000	30.000	20.000	30.000	20.000	30.000
3	Maniitsumi illoqarfiup nutaartassaanut sulluliassaq				40.000		40.000				
4	Sisimiuni imeqarfik A3-mik taasagaq imt. imeqarfimmu killiliussat aqqiiviginissaat				??						

Kommunalbestyrelsep februaarip 28-ani 2012-imi ileqquusumik ataatsimiinnera 01/2012

5	Kangerlussuarmi takornarissat paarlaattarfissaattut umiarsualivissaq				20.000						
6	Sisimiuni kiassarnermut attaviliinissaq			2.500	2.500	3.000	3.000				
7	Kangerlussuarmi ikuaallaaviornissaq, naapertuuttunngorsaaneq						25.000				
8	Sisimiuni ikuaallaaviup piginnaasaasa annertusinissaat							10.000	10.000	25.000	25.000
9	Maniitsumi umiarsualivimmi suliffissat iluarsaannissaat				??		??				

Tus. Kr.	Ilaqatariinnuut tunngasutigut ineriartortitsinissami pilersaarutit	2012 Katinneri		2013		2014		2015		2016	
Tuller.	Pilersaarutip suussusaa	Komm	GS	Komm	GS	Komm	GS	Komm	GS	Komm	GS
1	Sisimiuni Maniitsumilu innarluutilinnut ataatsimoortarfissat			5.000	5.000	5.000	5.000				
2	Maniitsumi Sisimiunilu innarluutilinnut ulloq naallugu atuarfissat				??		??		??		??
3	Sisimiuni meeqqerivissaq			3.750	3.750	3.750	3.750				
4	Maniitsumi meeqqerivissaq			3.750	3.750	3.750	3.750				

Tus. Kr.	Ilinniartaanikkut, kulturikkut sunngiffimmilu susassaqartitaanikkut pilersaarutit	2012 subtotal		2013		2014		2015		2016	
Tuller.	Pilersaarutip suussusaa	Komm	GS	Komm	GS	Komm	GS	Komm	GS	Komm	GS
1	Maniitsumi nunaqarfiinilu atuarfiit iluarsartuunnissaat				??		??		??		??
2	Maniitsumi atuartunut inissiap iluarsartuunnissaa				6.200						
3	Nunaqarfinni timersortarfeqqat			3.000	3.000	3.000	3.000	3.000	3.000	3.000	3.000
4	Maniitsumi inuusuttut ornittagassaat			3.400	3.400						
5	Sisimiuni atuarfissat atorniartarfittaassaq			3.400	3.400						

Tus. Kr.	Sanaartorfigissaanissamut pilersaarut innaallagialaq, imeq, kiassarneq	2012 subtotal		2013		2014		2015		2016	
Tuller.	Pilersaarutip suussusaa	Komm	GS	Komm	GS	Komm	GS	Komm	GS	Komm	GS
1	Aqquserngup qulliisa 900m-isut takitigisup iluarsartuunneqarnerat. Mayers Ave. Anstalt aamma illut 40-t, Kangerlussuaq				600		600				
2	Sisimiuni B8-mi inuutissarsiorfissami innaallagissamut aqqusinissamut nunagissaaneq		1.600		2.200						
3	Maniitsumi A17-mi inissianut 24-nut erngup aqqutaa 200m		1.000								
4	Akiani III aamma IV-mi pingaarnertut sanaartorfigissaanissaq				3.330		2.200				
5	Maniitsumi E1-imi najugaqarfissianut erngup aqqutaa 210m.				1.000						
6	Ilinniartunut inissiat kitaata sanaartorfigissarnissaa – Kommunimi pilersaarummut tapiliut 46.				3.000						

Najugaqarfissiat eqqarsaatigalugit najugaqarfinit tamanut iluaqutissanit utoqqarnut innarluutilinnullu inissiassat salliutinneqarput. Najugaqarfimmi tamanut iluaqutissammi nutarterneqartussaapput, Namminersorlutik Oqartussallu taartissatut najugaqarfiliassai, najugaqarfissanit kommunimit taperneqartussanit salliutinneqarlutik.

Sisimiuni imeqarfimmut killiliussat aqqüivigineqarnissaat, Kangerlussuarmilu takornarissanut talittarfissaq Teknikkimut avatangiisinullu ukiumi kingullermut sanilliullugu iluarsiiisoqarpoq.



Ilaqutariinnikkut pilersarusiornermi innarluutilinnut tunngasut salliutinneqarput, meeqgeriviliortiternermit salliutillugit.

Ilinniartitaanikkut, Kulturikkut sunngiffikkullu ilinniartitaaneq salliutinneqarpoq, Maniitsumilu iluarsartuussineq ilinniartunullu inissianik ineriartortitsineq aamma inissinneqarlutik, 8-nut 10-nullu klassinut efterskoleqalernissamit salliutillugit.

Sanaartorfigissaanermut atatillugu ukiumut kingullermut sanilliullugu ilinniartunut nutaanik Eqqaavimmuut aqq. Qiviarfiullu akornanni, kommunimi pilersaarummut tapiliussami 46-mi inissialiorfissami nujagaqarfiliorfissamilu sanaartorfigissaaneq salliutillugit ilanngunneqarput.

Aningaasaqarnikkut allaffissornikkullu kingunerisinnaasai

Aningaasaqarnikkut allaffissornikkullu kingunerisinaasat eqqarsaatigalugit, sanaartugassatigit sutigit Namminersorlutik Oqartussat aningaasaleeqataanissaat apeqqutaajumaarpoq.

Allaffeqarfiup naliliinera

Namminersorlutik Oqartussat sanaartugassatigit namminneq qanoq aningaasaliissuteqarnissaminnik aningaasaleeqataassuteqarnissaminnilluunniit pilersaaruteqarnerat aningaasatigit annertuumik kinguneqartussaammat allaffeqarfik naliliivoq, tulleriiarinikkut nalunaarusiami salliutitassatut pilersaarutit sukumiisumik paasissutissartalerlugit allaaseralugillu suliarineqartariaqartut.

Tamatuma saniatigit kommunip Namminersorlutik Oqartussanut tulleriiarinerani Namminersorlutik Oqartussat tulleriiarinerat sapinngisamik isiginiartariaqarpoq

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap februaarip 14-ani 2012-imi ataatsimiinnermini suliaq suliarivaa.

Innersuussut

Sanaartugassatut kissaatinik tulleriiarinerit kommunalbestyrelsimut akuereqqullugit aningaasaqarnermut ataatsimiititaliap innersuussutigissavai.

Aalajangiineq

Ilanngussaq

1. Namminersornerullutik Oqartussanit allagaq januaarip 19-ani 2012-meersoq.

Imm. 20 Sisimiuni qatserutaasiviup garageaata allilerneqarnissaa - missingersuutigigut nuutsinerit

Journalnr.

Tunuliaqutaq

Brandkommissionip 2010-mi marsip aappaani ataatsimiinnerani aalajangerneqarpoq, 4-4.500.000 koruunit nalinginik qatserisartut biiliinik nutaanik pisiniartoqassasoq innersuussutigineqassasoq. Aningaasaliisoqarnissaanik qinnuteqaasiornermut Bronto Skylift tunngaviliisuvoq.

Kommunalbestyrelsip 2010-mi aappasaanik ataatsimiilluni apriliip 28-ani ataatsimiinnerani aalajangerneqarpoq, 2011-mi qatserisartut biiliinik nutaanik pisiniartoqarnissaanut 3.575.000 koruuninik aningaasaliissuteqartoqassasoq.

Garage-alli allilerneqarnissaanut aningaasaliisoqarnikuunngimmat, qatserisartut biiliinik nutaanik pisiniarnissaq unitsikkallarneqarnikuuvoq.

Maleruagassatigut tunngavissat

Teknikkimut Avatangiisinullu ataatsimiititaliaq teknikkimut tunngasunut konto 25-mut aamma sanaartornermut tunngasunut konto 7-imut akisussaavoq. Immikkut aningaasaliissuteqarnissat Kommunalbestyrelsip akisussaaffigai.

Pissutsit atuuttut

Qatserutaasivik 1970-imi sanaartorneqarpoq. Marlunnik garage-alerlugu 1987-imi allilerneqarpoq. Qatserutaasiviup qaliata qalliutaa qalissartailu 2005-imi taarserneqarput, illullu qaliani silaannarissartarfik iluarsineqarluni. Garage-p aappaa 2007-imi annikinnerusumik allilerneqarpoq. Qanga qatserisartut allaanerusunik biileqarallarmata qatserutaasivik pilersinneqarnikummat, qatserutaasivik allilerneqanngikkuni qatserisartut biilii nutaat garage-amut eqqunneqarsinnaanikuunngimmata, 2007-imi qatserisartut biiliinik nutaanik pisisoqarmat qatserutaasivik allilerneqarpoq.

Garage-a nutaannginneq 7 meterit missaannik takitigaaq, 3 meterillu missaannaani portutigaluni. Takuneqarsinnaasutut qatserisartut biilii nutaat eqqunneqarsinnaassagunik garagea tallineqarlunilu portorneqartariaqarpoq.

Aningaasaqarnikkut allaffissornikkullu kingunerisinnaasai

Qatserutaasiviup pitsanngorsaavigineqarnissaanut aatsaat 2013-imi 2.116.000 koruuninik immikkoortitsisoqarnikuuvoq.

Garagea 2012-imi allilerneqassaaq, taamaattumillu 2012-imi alliliisnaasoqaqullugu missingersuutitigut nuutsisoqassasoq allaffeqarfiup innersuussutigaa.

Konto	Taaguutaa	Akuersissutit	Atussangasat	Pisariaqartitat
72-39-10	Qatserutaasivimmi pitsanngorsaanerit	0	1000	1000
77-19-10	Umiarsualivimmi aqquserngup allanngortinneqarnera	1.700	-1000	700
	Pisariaqartitat katillugit	1.700	0	1.700

Umiarsualiviup allilerneqarnissaa 2013-imi aatsaat naammassineqartussaammat, taamanikkornissaanullu suliaasat kingullitassat suliarineqarunik pitsaanerussammat, Umiarsualivimmi aqquserngup allanngortinneqarnissaa 2013-imut kinguartinneqarsinnaavoq.

Imaappoq, qatserutaasiviup pitsanngorsaavigineqarnissaanut konto 72-39-10-mit Umiarsualivimmi aqquerngup allanngortinneqarnissaanut konto 77-19-10-mut aningaasaliissutit 1.000.000 koruunit 2013-imi utertinneqassasut.

Allaffeqarfiup naliliinera

Allaffeqarfiup isumaqarpoq, qatserisartut biili nutaat amigaatigineqaqisut pisiarineqarniassammata garage-ap allilerneqarnissaanut aningaasaliisoqartariaqartoq. Allaffeqarfiup nalilerpaa, 1.000.000 koruunit iluini garage-at marluusut allilerneqarsinnaassasut, siulianilu siunnersuutigineqartutut missingersuutitigut nuutsisoqassasoq.

Qullersaqarfiup oqaaseqaatai

Immikkut oqaaseqaatitassaqaanngilaq.

Allaffeqarfiup innersuussutaa

Teknikkimut Avatangiisinullu Immikkoortortap Teknikkimut Avatangiisinullu ataatsimiititaliamut innersuussutigaa, siuliani eqqaaneqartutut suliasamat atugassanik missingersuutitigut nuutsisoqarnissaa akuersissutigineqassasoq, akuersissutigineqarnissaalu innersuussutigalugu suliaq Aningaasaqarnermut ataatsimiititaliamut Kommunalbestyrelsimullu ingerlateqqinneqassasoq.

Teknikkimut Avatangiisinullu ataatsimiititalimi suliap suliarinera

Teknikkimut Avatangiisinullu ataatsimiititaliap decembarip 6-ani 2011-mi ataatsimiinnermini allaffeqarfiup innersuussutaa akuersissutigivaa.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap februaarip 14-ani 2012-imi ataatsimiinnermini suliaq suliarivaa.

Innersuussut

Kommunalbestyrelsimut akuersissutigeqqullugu innersuussutigineqassaaq

tulliuttumi skiiamani allaqqasutut, 2012-imi missingersuutitigut nuutsisoqassasoq

Konto	Taaguutaa	Akuersissutit	Atussangasat	Pisariaqartitat
72-39-10	Qatserutaasivimmi pitsanngorsaanerit	0	1000	1000
77-19-10	Umiarsualivimmi aqquerngup allanngortinneqarnera	1.700	-1000	700
	Pisariaqartitat katillugit	1.700	0	1.700

qatserutaasiviup pitsanngorsaavigineqarnissaanut konto 72-39-10-mit Umiarsualivimmi aqquerngup allanngortinneqarnissaanut konto 77-19-10-mut aningaasaliissutit 1.000.000 koruunit 2013-imi utertinneqassasut.

Aalajangiineq

Ilanngussat

- 1 Pilersaarut titartaganngorlugu
- 2 Missingersuut C

Imm. 21 Illuaqqat pingasut illuaqqat piniariartafinniit takornarissanut illuaqqanut nuutitsineq

Journalnr. 17.20.09

Tunuliaqutaq

TAI-mit illuaqqat piniariartafiit aalisarnermut piniarnermullu peqatigiiffimmut tunniunnissaanik kissaatigineqarpoq.

Sisimiut – Kangerlussuullu nunataani takornarissanut illuaqqat 15-inik peqarpoq. Amerlanerit nunaqartuniit takornarianiillu atorneqartorujussuupput. Pingaartumik illuaqqat Sisimiuniit Kangerlussuullu akornanni qimussit pisuinnaallu aqputaaniittut.

Illuaraq atorneqarnerpaajusoq takornarissanut illuaraangilaq, kangerluarsulli tullermi illuaqqat piniariartarfiulluni.

Illuaqqat piniariartarfiit marluk takornariaqartitsinermik inuutissarsiortunit pilersaarummut ilaapput, tassani pisuinnarluni aqqummik nutaamik sananissamik pilersaaruteqarluni, illuaqqani unnuisinnaalluni.

Maleruagassatigut tunngavissat

Karseqarnermut naatsorsuuserinermullu malittarisassat

Nunaminertat pillugit inatsit

Pissutsit atuuttut

Pingaarnertut kangerluarsuk tullermi illuaraq piniariartarfik atorneqartupilussuuvoq. Ilaatigut Sisimiuniit Kangerlussuarmut aqputaaniippoq. Ilaatigut Sisimiunut ulloq ataaseq ingerlanissamut unnuinertalimmik ungasissusaa naammalluni, Kangerlussuarmullu ingerlanermi unnuiffissatut siullertut piukkunnartuulluni. Illuaqqat piniariartarfiit aalisarnermut piniarnermullu peqatigiiffinnut misiligummik tunniunneqarnissaanik aalajangiisoqarmat, aqputaani unnuiffigineqarsinnaanissaat kommunimit qulakkeerneqarsinnaajunnaassaaq. Illuaqqallu pitsanngorsarneqarnissaanut aalajangiisinnaatitaaneq annaaneqassalluni, soorlu takornarianut pisuinnarnut siuarsaanissami. Illuaraq pitsaajunnaarsimavoq. Illuaqqamut perusersartarfinnik immikkut ilitivilinnik sanasoqareerpoq, aqputaali angallaffiusinnaalerpat ikkunneqassallutik.

Inuutissarsiornikkut siunnersuisoqarfiup takornariaqarnermut immikkoortortaarfia takornariaqarnermullu inuutissarsiortut naannerusunik imaluunniit kaavittunik pisuinnaq angalasarnissamut, illuaqqani unnuisinnaanermik periarfissalinnik pilersarusiornissamik ingerlataqarput. Angalaarnissamut illuaqqat makku ilaapput, kangerluarsuk tulleeq, Nerumaq, Ivnujuaqtumi illuaqqat, Eqalugaarnia, Igalassat, Utorqait, Narsaq, Sarfannguiniilu unnuineq. Tamanna aqputigissallugu orniginarneruvoq, Nerumaq qooruanit nalinginnaasumik aqputigineqartartumit kusanarnerummat. Taamatullu illuaqqani unnuisarluni naannerusunik aqputit, Sisimiuniit Kangerlussuarmut aqqummut qinigassanik allanik periarfissaqalersitsissaaq.

Illuaqqat piniariartarfiit aalisarnermut piniarnermullu peqatigiiffinnut tunniussinermi, illuaqqat piniariartarfiit illuaqqat kangerluarsuk tullermi, Narsami Utorqainnilu aqqummut nutaamut ilanngunneqarnissanut periarfissaq annaaneqassaaq.

Piffissami matumami Utorqainni illuaraq atorneqarpiarneq ajorpoq.

Nunaqavissunit illuaraq Narsamiittoq sivikitsumik angalaarnermi atorneqartarpoq, soorlu aamma PISOQ-mit ulluni arlalinni angalaarnermini atortaraat. Tassani perusersartarfik immikkut ilitivilik silamut ikkussinikkut pissutsit pitsaanerulerput.



Aningaasaqarnikkut allaffissornikkullu kingunerisinnaasai

Takornarissanut illuaqqat qulit maannakkut pigineqartut suliaritinneqarnerinut ukiumut 95.000 koruuninik aningaasartuutaapput. Immaqaluunniit illuaraq ataaseq 9.500 koruuni.

Illuaqqat pisariaqanngitsumik suliarineqannginnerini aningaasartuut taanna sipaaruteqarfusinnaavoq. Kangerluarsuk tullermi takornarissanut illuaraq qutsinnerusumiittoq, illuaqqamut piniariartarfusumut atsinnerusumiittumut suliarineqartarnissaanut aningaasartuutit nuutsinneqarnerisigut, iluaqutissat annertunerussapput. Illuaraq qutsinnerusumi inissisimasooq atorineqarpiarneq ajorpoq, takornarianillu atorineqarneq ajorluni. Aningaasat illuaqqamut iluarsaassinissamut atsinnerusumut nuunneqarnissaat pitsaanerussaaq

Kangerluarsuk tullermi takornarissanut illuaraq qutsinnermiittoq, takornarissanut illuaqqanut qulingiluat ilanngullugit suliffeqarfimmit suliarineqartarput.

Illuaqqat piniariartarfiit marluk takornarissanut illuaqqanut nuunneqarunik, siunissami qanittumi suliarineqartariaqanngillat. Siunissamili ungasinnerulaartumi suliarineqartariaqassallutik.

Kangerluarsuk tullermi illuaraq piniariartarfik annertuumik iluarsartuunneqarnissaminik pisariaqartitsivoq. 80-100.000 koruunit missaani iluarsaassineq akeqassaaq.

Illuaraq Narsamiittoq pitsaavoq, PISOQ-llu iluarsagassanut annikittukkuutaanut namminneq piuumassusertik atorlugu akeqanngitsumillu iluarsaassisarpoq, soorlu aamma perusersartarfiup immikkut ilitsivillip illuarassaanik sananermi ikiuulluni.

Utorqait tamakkiisumik iluarsaanneqartariaqarpoq, takornarissanullu illuaqqatut atorineqalissaguni, iluarsaanneqarnissaanut 50.000 koruunit atorfissaqartinneqarput.

Qullersaqarfiup oqaaseqaatai

Allaffeqarfiup naliliinera

Illuaqqat takornarissanut illuaqqanut nuutsinneqarneratigut, illuaqqat taakku pingasut kommunimit atatinneqarnissaat innersuussutigineqarpoq.

Kangerluarsuk tullermi illuaraq takornarissanut illuaqqanut ilaasariaqarpoq, taannalu takornarissanut illuaraanit qutsissumiittumiittumit sanilliullugu suliarineqartariaqarluni.

Illuaqqat sinneri marluk, taassaallutik Narsaq Utorqaillu takornarissanut illuaqqanut nuunneqartariaqarput. Utorqainni illuaraq upernaamut iluarsaanneqarnissaa

aallartinneqartariaqarpoq. Illuaqqat marluk suliarineqarnissamut isumaqatigiissummut

ingerlaannartumik ilanngutinngikkaluarlugit takornarissanut illuaqqanut nuunneqarsinnaapput,

taamaalillutik ingerlaannaq aningaasartuutaassanatik. Takornarissanut illuaqqanut

nuunneqarnerminni, kommunip takornariat pisuinnarnut pilersaarusiornermut qulakkeerneqassallutik.

Pisuinnarluni angalasarneq takornarianut iluatsinngippat, illuaqqat marluk kingusinnerusukkut

piniartunut aammalu/imaluunniit PISOQ-mut utertinneqarsinnaapput.

Teknikkimut Avatangiisinullu ataatsimiititalimi suliap suliarinera

Teknikkimut Avatangiisinullu ataatsimiititaliap decembarip 6-ani 2011-mi ataatsimiinnermini suliaq suliarivaa.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap februaarip 14-ani 2012-imi ataatsimiinnermini suliaq suliarivaa.



Innersuussut

Aningaasaqarnermut ataatsimiititaliap Kommunalbestyrelsimullu akuerisassanngorlugu innersuussutigissavaa,

Illuaqqat piniarfiat kangerluarsuk tullermiittoq takornarissanut illuaqqanut nuutsivinneqassasoq, taamatullu illuaqqap iluarsaanneqarnissaanut 100.000 koruuninik immikkoortitsisoqassasoq, ukiumullu 9.500 koruuninik ingerlatsinermut missingersuusiortoqassasoq.

Narsami Utorqainnilu illuaqqat takornarissanut illuaqqanut nuutsinneqassasut, Utorqainnilu illuaqqamut iluarsaassinissamut 50.000 koruuninik immikkoortitsisoqassasoq, ukiumullu 2x9.500 koruuninik ingerlatsinermut missingersuusiortoqassasoq.

Aalajangiineq

Ilanngussat

- 1 Illuaqqat assilineri, illuaqqallu taaneqartut pingasut nalunaaqqutseqqapput
- 2 Illuaqqat pingasut pillugit Mads Pihl-ip paasissutissiinera.

Imm. 22 Illuaqqanik piniariartarfinnik aalisartut piniartullu peqatigiiffianut tunniussinissaq

Journalnr. 17.20.09

Tunuliaqutaq

Illuaqqat aalisartut piniartullu peqatigiiffianut tunniunneqarsinnaaneriniq periarfissaq misissorneqassasoq Teknikkimut Avatangiisinullu ataatsimiititaliap kissaatiginikuuaa.

Maleruagassatigut tunngavissat

Kommunip karseqarnermut naatsorsuuserinermullu malittarisassai. Nunaminertanut peqqussut.

Pissutsit atuuttut

Qeqqata Kommunianit pigineqarlutik takornarissanut illuaqqat 15-it, illuaqqallu piniariartarfiit 13-it Sisimiut eqqaaniipput. Takornarissanut illuaqqat aserfallatsaalineqartarput, ilaallu eqqagassanik aallerfigineqartarlutik, eqqiarneqartarlutik il.il. Illuaqqat piniariartarfiit oqqisarfissatut GTO-junikumit sanaartorneqarnikuupput, aalisartullu piniartullu angalatillutik atortarlugit. Illuaqqat ilaat aamma Sisimiormiunit takornarissaniillu atorineqartarlutillu unnuiffigineqartarput. Illuaqqat aserfallatsaalineqarnerinut aningaasartuutit kommunimit matussuserneqartarput. Illuaqqat aserfallatsaalineqarluassagunik annertuumik aningaasartuutaaffiusarput, immaqalu tamanna atuisunit nammineq isumagineqarsinnaagaluarpoq.

Illuaqqat piniariartarfiit 13-iupput. Taakkunanga pingasut – Kangerluaarsup tulliaata qinnguani, Lille Narsaq-mi aamma Utoqqarni – takornarissanut illuarannortinneqassasut siunnersuutigineqarpoq. Tamanna akuersissutigineqassappat, illuaqqat qulit piniartunut tunniunneqassagaluarput. Illuaqqanik piniariartarfinnik quliusunit (13-iusunit) Orioq-mittoq nutaajuvoq, illuararpaaluillu aserfallatsaaliorneqarnissaat pisariaqarluni.

Illuaqqanut taakkununga kommuni aningaasartuuteqartariaqanngitsoq oqaraanni immaquni orpallaassanngilaq. Sisimiuni aalisartut piniartullu peqatigiiffianut illuaqqat tunniunneqarsinnaapput. Taakku arlaatigut piginneqatigiiffimmik pilersitsisinnaassajunnarsipput. Peqatigiiffiit illuaqqanik tiguserusussanngippara, ilaannaanilluunniit tiguserusussanngippata taakku tigorunngisaat annerpaamik neqerooruteqartunut tuniniarneqarsinnaapput, atuisunulluunniit allanut tunniunneqarsinnaallutik.

Peqatigiiffiit (SAPP, SAAPP, Knapp Sisimiut, Knapp Sarfannguit, Knapp Itilleq) attavigineqarput, illuaqqallu kommunip tunniukkusutai tamakkerlugit tiginissaannut ersarissumik akuersissuteqareerput. Taava tassa illuaqqat tunniunneqassanersut, tunniunneqassappatalu suut piumasagaataassanersut aalajangiiffigineqassaaq.

Aningaasaqarnikkut allaffissornikkullu kingunerisinnaasai

Illuaqqat tunniunneqaraluarpata tamanna kommunimut allaffissornikkut oqilisaataassaaq, kissarsuutilli misissorneqartariaqarmata aningaasartuutaassalluni. Illuaqqat aserfallatsaalineqanngikkunik naleqassusaat appariassapput.

Illuaqqat piniariartarfiit aserfallatsaalineqarnissaannut 2011-mi aningaasaliissuteqartoqarnikuunngilaq.

2010-mi 67.000 koruunit aningaasaliissutigineqarput, aserfallatsaalinerimullu 70.000 koruunit atorineqarlutik.

2009-mi 66.000 koruunit aningaasaliissutigineqarput, 6.000 koruuniinnaallu atorneqarlutik- Illuaqqat ilaat naleqangaatsiarput, ilaammi isikkivigilluinnartumiipput ilaallu qanoq issutsimikkut ajorpallaaratik. Tunineqaraluarunik, illuaqqat sumiissusaat pitsaassusiilu assigiinneqigamik qularnanngitsumik illuaraq ataaseq 5.000 koruunit 150.000 koruunillu akornanni naleqassaaq. Aggvaqatigiissillugu illuaraq ataaseq 15.000 koruunit missaani naleqarpoq.

Qullersaqarfiup oqaaseqaatai

Allaffeqarfiup naliliinera

Illuaqqat aalisartunut piniartunullu pingaaruteqarmata, oqaluttuarisaanikkullu naleqassuseqarmata, annerpaamik neqerooruteqartumut tunisinissaq isiginiarneqassanngikkaluarpoq.

Illuaqqat tunniunneqarsinnaanissaasa misissuiffigineqarnissaannik Teknikkimut Avatangiisinullu ataatsimiititaliap nammineq kissaataa innersuussutigalugu innersuussutigineqassaaq, illuaqqat tunniunneqassasut. Taamaakkaluartoq tullinnguuttunik piumasaqaasiortoqassasoq innersuussutigineqassaaq: 1) Ukiut qulit siulliit tunisisoqassanngilaq. 2) Qanoq innerisut tunniunneqassasut. 3) Aserfallatsaalineqarnissaannut pisussaaffeqassasut. Isumaqatigiissummik unioqqutitsisoqartillugu ima kinguneqartitsisoqarsinnaavoq, illuaqqat kommunimut utertinneqarlutik kommunimit tuniniarneqassasut.

Teknikkimut Avatangiisinullu ataatsimiititalimi suliap suliarinera

Teknikkimut Avatangiisinullu ataatsimiititaliap decembarip 6-ani 2011-mi ataatsimiinnermini suliaq suliarivaa.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap februaarip 14-ani 2012-imi ataatsimiinnermini suliaq suliarivaa.

Innersuussut

Aningaasaqarnermut ataatsimiititaliap Kommunalbestyrelsimut innersuussutigaa,

nunap assinga naapertorlugu siuliani piumasaqaataasut piumasaqaatigalugit illuaqqat piniariartarfiit taakku qulit aalisartut piniartullu peqatigiiffianut tunniunneqassasut.

Aalajangiineq

Ilanngussaq

1. Takornarissanut illuaqqat illuaqqallu piniariartarfiillu tamarmik assingat.

Imm. 23 Kommuninut, nunaqarfinni aqutsisunut il.il. qinersinissamut tusarniaaneq

Journalnr. 11.03

Tunuliaqutaq

Nunamut Namminermut, Pinnngortitamut Avatangiisinullu Naalakkersuisoqarfiup januaarip 23-ni 2012-mi allakkatigut siunnersuut tulliuutoq februaarip 27-anut 2012-imut killilerlugu tusarniutigivaa: Kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit Inatsisartut inatsisaat nr. xx xx. xxxx 2012-imeersaq.

Maleruagassatigut tunngavissat

Kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit Inatsisartut inatsisaat nr. 10, 31. oktober 1996-imeersaq, taamatullu kommunini suliassat aaqqissuuteqqinneqarnerat pillugu inatsisartut inatsisaat nr. 14, 19. november 2007-imeersup kapitali 2-a kiisalu Namminersornerullutik Oqartussat aprili 2009-mi ataatsimoorussanik nunaqarfinni aqutsisussanik qinersineq pillugu nalunaarutaat nr. 4, 22. januar 2009-meersaq.

Pissutsit atuuttut

Namminersorlutik Oqartussat maluginiaqqaat, kommunini qinersinissamut inatsit tulliuuttutigit annertuumik allannguuteqartinniarneqarmat:

1. Siunnersuut naapertorlugu kommunalbestyrelsinut, nunaqarfinni aqutsisunut ataatsimoorussanut ilagiillu sinniisaannut qinersisarnerit attuumassutilinni akisussaaffit piginnaatitaanerillu kommuninut nuunneqassapput.
2. Siunnersuutikkut danskit imaluunniit nunani avannarlerni innuttaassuseqarnissamik qinersisinnaatitaanissamut tunngatillugu nalinginnaasumik piumasaqaateqartoqalerpoq. Ilinniagaqartut, il.il. Kalaallit Nunaata avataaniikkallarneranni qinersisinnaatitaanertik attatiinnarsinnaaneritut toqqammavissaqalissaaq.
3. Siunnersuutaavoq inunntut danskisut innuttaassuseqanngitsunut qinersisinnaanermut piumasaqaatit sukannerulerinneqassasut. Siunnersuutaavoq nunani avannarlerni innuttaassuseqartunut najugaqartussaananermik piumasaqaatit sukaterneqassasut. Siunnersuutaavoq nunani allani innuttaassuseqartut, nunani avannarlerni innuttaassuseqartut eqqaassanngikkaanni, kommunalbestyrelsinut, nunaqarfinni aqutsisunut ataatsimoorussanut ilagiillu sinniisaannut qinersisarnerit qinersisinnaassuseqanngitsut.
4. Kommunalbestyrelsinut qinersinerni nunami sumiiffimmi sinniisuutitaqarnikkut aaqqissuussineq Kommunini suliassaqaarfiit aaqqissuuteqqinneqarnerat pillugu Inatsisartut inatsisaanni atuutilersinneqarsimasut siunnersuummi matumani ingerlateqqinneqarpoq.
5. Nunaqarfinni aqutsisunut ataatsimoorussanut qinersinermi aalajangersakkat matumani inatsisissatut siunnersuummi taamattaq ilanngunneqarput. Nutaajusutut ilanngunneqarpoq inuit nunatta avataani najugaqalerallarsimasut (ilinniartut, napparsimasut allallu) maanna nunaqarfinni aqutsisunut allakkatigut qinersisinnaanermik periarfissinneqarmata. Taamatullu aammattaq ilagiit sinniisaannut qinersinerni tamanna atuutinneqalissaaq.

1-mut. Siusinnerusukkut Qinigaasinnaassuseq pillugu ataatsimiititaliap qinersinermik siulersuineq isumagisaraluarpa, massakkulli taanna qinersinermik siulersuisunut nuunneqarnissaa siunnersuutaalluni. Tamanna immi ajunngilaq, tassa qinersinermik siulersuisut qinersineq ataatsimut isigalugu annerusumik akisussaaffeqalissammata. Allaffeqarfilli isumaqarpoq, qinersinermik ataatsimiititaliap qinersinissami atortussat aningaasalersorlugillu akisussaaffigisariaqanngikkai, naqitertinnissat ilanngullugu. Kikkut tamat assigiimmik ilusilinnik qinersivissaqarnissat nuna tamakkerlugu akisussaasunit isumagisariaqarpoq, taamaalilluni qinersisussat tamarmik sumiikkaluarunilluunniit assigiimmik kiffartuunneqassammata.



2-mut. Siunnersuutikkut ilinniagallit allalluunniit napparsimallutik Kalaallit Nunaata avataniittut qinersisinnaanissaat periarfissiniarneqarpoq, siusinnerusukkummi qinersinissamat matunneqartarsimammata.

3-mut. Illuatungaaticulli nunanit allaneersut, siusinnerusukkut qinersinissaq sioqqullugu ukiuni ikinnerpaamik pingasuni qaammatinilu arfinilinni Naalagaaffiup iluani najugaqarsimagunik qinersisinnaasarsimasut, kommunalbestyrelsimut nunaqarfinnilu aqutsisunut qinersisinnaajunnaavissapput. Oqaaseqatigiit taakku allannortittariaqassanersut assersuutigalugu ukiuni malittuinnarni ikinnerpaamik tallimani piumasaaqaatinngortinnissaat eqqarsaatigisariaqaraluarpoq, tamatumani inuit allattorsimaffianni nunami maani najugaqarsimanissaq akileraartuusimanissarlu eqqarsaatigalugit.

4-mut. Aningaasaqarnermut ataatsimiititaliap februaarip 15-iani 2011-mi ataatsimiinnermini sumiiffinni sinniisut oqallisigimmagit isumaqatigiittoqarpoq, sumiiffinni sinniisoqarneq (GR) ajunngitsoq, tassa borgmesteri borgmesterillu tullia siulleq tamarmik immikkut illoqarfeqarmata, taamaalilluni borgmesteri tamatigut qinikkat arlaannut saaffiginnissinnaalluni. Ajoqutaasorli uaniippoq, sumiluunniit allaqqanngimmat, sumiiffinni sinniisup akisussaaffiisa pisinnaatitaaffiisalu qanoq ittuuneri pillugit. Tamatuma iluarsineqarnissaa kissaatigineqarpoq, tassa sumiiffinni sinniisoqarnissaq aalajangiusimaneqassappat.

Inatsisissatut siunnersuummi KN-imi qinikkat kisiartaapput “sumiiffimmut aalajangersagaasut”, KN-imilu qinikkat illoqarfimmeersinnaallutik nunaqarfimmeersinnaallutilluunniit. Inatsisartunut, taamatullu ataatsimoorussamik nunaqarfinni aqutsisunut qinersinerit inatsisitigut aalajangersakkamik sumiiffinnut aalajangersagaanngillat. Allaffeqarfik isumaqarpoq, sumiiffinni sinniisoqarneq imaluunniit “sumiiffinni siunnersortit” x-inik ilaasortalik, soorlu nunaqarfiit namminneq aqutsisoqartut, pilersinneqassanersaq nalilersuinermi ilaatinneqartariaqartoq, tamatumanimi illoqarfimmi najugalik nunaqarfinni aqutsisunik qinerseqataasinnaanngilaq.

Oqallisigineqarsinnaavoq, sumiiffinni siunnersortinik toqqaannartumik qinersisoqartariaqarneris, imaluunniit kommunalbestyrelsimut illoqarfimmi qinikkat akornanni toqqaasoqartassanersaq, taakkulu pisinnaatitaaffissaat ersarissunik malittarisassiuullugit, tassa kommunalbestyrelsimut tapersersuisussatut ataatsimiititaliat ataavartut assigalugit. Peqatigitillugu “sumiiffinni siunnersortit” aamma qinikkat allat assigalugit akissarsiaqartitaasariaqarput.

5-imut. Inatsit aqutigalugu iluarsiiiffisariaqarpoq, kommunalbestyrelsimut ulloq aalajangersimasoq qinersivissaq aamma nunaqarfinni aqutsisunut qinersiviusassanersaq.

Aningaasaqarnikkut allaffissornikkullu kingunerisinnaasai

Kommunit qinersinissamat atortussat piginissaat akisussaaffigilissappatigit, tamanna aningaasaqarnikkut allaffissornikkullu nukitsigut annertuumik kinguneqariaannaavoq, kommunimmi namminneq qinersivissanik ilusilersuinerit pappialallu suut atussanerlugit isumagilissammatigik.

Allaffeqarfiup naliliinera

Allaffeqarfik isumaqarpoq, KANUKOKA-miit kommuniniillu akissutissaq kommunip sap.ak. 11-mi isumasioqatigiinnissaata kingornani aatsaat pisariaqassagaluaq, kommunimmi ataatsimoorneranni oqallinneq ingerlanneqassagaluarpat, tassani qinersisarnermi inatsimmut tunngasut sumiiffinni oqartussaaqataaermit tunngasut pingaarutilittut oqallisigineqassammata.



Taamaattorli allaffeqarfik isumaqarpoq, kommunimi sumiiffinni oqartussaaqataanerup ilusilersornissaa oqallisigineqarsinnaasoq, taamaalilluni qinersisarnermi inatsisikkut oqartussaaqataanermut tunngasut eqqumaffigineqarniassammata.

Paasissutissiissutigineqassaaq, KANUKOKA aqqutigalugu suleqatigiissitanik kommuninit tamaneersunik inuttalerlugu pilersitsisoqarnikummat, kommunit Ilulissani sap.ak. 11-mi isumasioqatigiinnissaanni oqallisissiamik suliaqartussamik. Suleqatigiissitat Namminersorlutik Oqartussanut tusarniutip kommunit isumasioqatigeereernerisa tungaanut kinguartinneqarsinnaanissaa saaffiginnissutigivaat itigarlutilli. Qeqqata Kommunianiit kommunimi pisortaaneq suleqatigiissitami peqataavoq.

Suleqatigiissitat ilaatigut misilittakkat katersussavaat, Kommunillu isumasioqatigiinnissaannut ataatsimoorluni oqallisissamik saqqummiussassami atugassamik suliaqassallutik. Aammattaaq sumiiffinni sinniisnut atatillugu misilittakkat allaaserineqassallutik. Taamatuttaaq Aqutsinermi inatsit misissuiffigeqqissaarneqassaaq, sumiiffinni illoqarfanni nunaqarfinnilu oqartussaaqataaneq eqqarsaatigalugu.

Innersuussut

Allaffeqarfiup kommunalbestyrelsimut innersuussutigissavaa, qinersisarnermut inatsit oqallisigineqassasoq. Kommunalbestyrelsimi oqallisigineqareerneratigut, allaffeqarfiup tusarniummut akissutissaq suliarissavaa.

Aalajangiineq

Ilanngussat

1. Namminersorlutik Oqartussanit februaarip xx-ani 2012-imi tusarniutaa.
2. Inatsisartut inatsisaat nr. 10, 31. oktober 1996-imeersoq, qinersinermi inatsit
3. Kommunini suliaqat aqqissuuteqqinneqarnerat pillugu inatsisartut inatsisaat nr. 14, 19. november 2007-imeersoq.
4. Ataatsimoorussanik nunaqarfanni aqutsisussanik qinersineq pillugu nalunaarutaat nr. 4, 22. januar 2009-meersoq.

Imm. 24 Qeqqata Kommuniani politiit ileqqoreqqusaat

Journalnr. 00.49

Tunuliaqutaq

Politiit ileqqoreqqusassaattut siunnersuut Ikaarsaariarnermut ataatsimiititaliap decemberip 19-iani 2008-mi kommunit kattutinnginnerini akuersissutigivaa. Ikaarsaariarnermut ataatsimiititaliap aalajangiinera naapertorlugu, politiit ileqqoreqqusassaannut qamuterallannik, taamatullu imeqarfiup eqqaani angallannerit ilanngunneqassapput, soorlu KANUKOKA-p inatsisilerituuata aamma kommunimut nalunaarutigisimagaa, kommunip ileqqoreqqusassiami immikkut kapitalitut assigiinngitsut ilanngusinnaagai, soorlu qamuterallannik angallanneq, imeqarfimmi eqqaatigullu angallanneq, eqqagassat isumagineqartarnerat il.il.

Maleruagassatigut tunngavissat

Politiit nalagaaffimmit akisussaaffigineqarput oqartussaaffigineqarlutillu. Politiit ileqqoreqqusanik malitsitsiniartussaammata, Naalagaaffiup sinniisuata politiit ileqqoreqqusaat atuuttussatut akuerlugit atsiortussaavai. Tamannali pitinnagu, Naalagaaffiup sinniisuata Kalaallit Nunaanni Politimestereqarfik tusarniartussaavaa, ileqqoreqqusassat aamma politiit nakkutigineqarsinnaanissaat qulakkeerniarlugu. Tamatuma saniatigut ileqqoreqqusaq inatsisinut atuuttunut allanut akerliunnginnissaa, Naalahgaaffiup sinniisuata qulakkeerniassavaa.

Pissutsit atuuttut

Ulloq manna tikillugu politiit ileqqoreqqusassaat Naalagaaffiup sinnissuanit akuersissutaasimangilaq, naak siunnersuut allaffeqarfimmiit Ikaarsaariarnermut ataatsimiititaliap ileqqoreqqusassamik ullormi akuersinerani ingerlaannaq nassiussimagaluaraa. Decembarip 8-ni 2009-mi Naalagaaffiup sinniisoqarfiata ileqqoreqqusat akuersissutaasimasut allattorsimaffiat nassiuppaa, allattorsimaffimmi ilaannngitsutuaq tassaalluni Qeqqata Kommunian. Kommuni januaarip 10-ani 2010-mi Naalagaaffiup sinniisoqarfianut mail-ikkut nalunaarpoq, kommunip decemberip 19-iani 2008-mi ileqqoreqqusassaq nassiukkaa. Naalagaaffiup sinniisuata ukiumoortumik AVANNAMUT ANGALANERANI septembarip 7-iani 2010-mi aqqusaarnerani, aamaarluni ileqqoreqqusassaq kommunimit ujartorneqarpoq, Naalagaaffiullu sinniisuata suliaq misissussallugu neriorsutigivaa. Ileqqoreqqusamut atatillugu qanoq pisoqanngeriarmat, marsip 24-ni 2011-mi mail aammaarluni nassiunneqarpoq. Taamani Naalagaaffiup sinniisuata nutserisut kukkunersiunerat utaqqiinnarlugu nalunaarpoq, tamatumalu kinguneranik suliaq naammassineqarniassammat kommunip nutserisuni neqeroorutigivai. Neqeroorummulli Naalagaaffiup sinniisua inussiarnersumik qujassutigineqaannarluni.

Kiisami februaarip 7-ani 2012-mi Naalagaaffiup sinniisoqarfia mail-erpoq, tamatumuunalu nalunaarutigalugu, paasisimallugu Qeqqata Kommunian politiit ileqqoreqqusaat suli akuersissutitut atsiorneqarsimangitsoq, tamatumalu aaqqiiviginissaani ikiorsiinarlutik iliuseqarniarlutik.

Naalagaaffiup sinniisoqarfia allappoq, kommunip januaarip 4-ni 2010-mi allassimasoq, politiit ileqqoreqqusaat atsiugaq, aammalu Qeqqata Kommunianit decemberip 19-iani 2008-mi allagaq (J. nr. 91.02.01/brev nr. 0800160) ilanngullugit. Ikaarsaariarnermi ataatsimiititaliap kissaatigivaa, najugaqarfiit eqqaanni qamuterallannik angallannermut malittarisassat kiisalu imeqarfiup killeqarfiani iluani angallanneq ilanngunneqarnissaat, taamatullu pineqaatissiissuteqarsinnaanermut malittarisassat allannngortinneqassat.

Naalagaaffiup sinniisoqarfiata allannguutissatut siunnersuutit politiit ileqqoreqqusaannut ilanngunnissaat iluarpallaarsorinngilaa, tassa Sisimiut, Kangerlussuup Maniitsullu eqqaanni assartuutit motorinik ingerlatillit atorneqarneri pillugit Namminersornerullutik Oqartussat nalunaarutaat nr. 5, 25. maj 1999-imeersukkut angallannerit pineqartut aaqqiivigineqarnikummata, aammalu Qeqqata Kommuniani politiit ileqqoreqqusaat, kommuninut allanut sanilliullugu allaanerungaatsialissammat.

Taamaattumillu Naalagaaffiup sinniisoqarfiata nalinginnaasumik Qeqqata Kommuniani politiit ileqqoreqqusassaannut ilissiut akuerisassanngorlugu nassiullugu. Qeqqata Kommuniata taanna akuerisinnaappagu kalaallisuaa nassiunneqassaaq.

Politiit ileqqoreqqusassaattut siunnersuummut ilanngussamut ilanngussatut ilanngunearput, kapitalit qamuterallannik angallannermut, taamatullu imeqarfikkut eqqaanilu angallannermut tunngasut siunnersuummit peerneqarsimallutik, taamaalilluni siunnersuut nalinginnaasutut ileqqoreqqusattut ilanngussartaqarani atuutilerluni.

Siusinnerusukkut Ikaarsaariarnermik ataatsimiititaliamit akuerisaasunit allannguutit, tamarmik nutaatut siunnersuummi nalunaaqutserlugit ilanngunneqarput.

Allaffeqarfiup naliliinera

Kommuni siusinnerusukkut KANUKOKA-p inatsisilerituuani ilisimatinneqarnikummat, kommunip nammineq politiit ileqqoreqqusaannik qanoq ilusiliinnaasoq, kommunip tamanna upperalugu politiinut ileqqoreqqusassaq suliarinikuuvaa, taamanilu isumaqarsimanani tamanna inatsisitigut allatigut akornutissaqassasoq. Taamaattumik Naalagaaffiup sinniisoqarfiata aatsaat massakkut isummenera allaffeqarfiup eqqumiigivaa, tassalu ileqqoreqqusassap kommuninut allanut sanilliullugu allaaneruallaarnissaanik, nalinginnaasumillu ileqqoreqqusassattut siunnersuut innersuussutigeqqillugu.

Politiinut ileqqoreqqusassaq decembarip 2008-mili aalajangiiffiummat, taama kingusitsigisumik Naalagaaffiup sinniisoqarfiata qisuariarnera allaffeqarfiup isornartoqartippaa, aammalumi Qeqqata Kommuniani politiit ileqqoreqqusassaattut pillugu sooq tama kigaalaarunneqarsimaneranut massakkumut toqqammavilersuuteqaratik. Taamaattumik Naalagaaffiup sinniisoqarfiata qinnuigisariaqarpoq, ileqqoreqqusassap matuma sukkasumik suliarineqassasoq.

Politiit ileqqoreqqusassaata akueralugu atsiorneqarnissaa anguniarlugu allaffeqarfiup innersuussutigissavaa, politiit ileqqoreqqusassaattut siunnersuut, ilanngussaq 1. akuerineqassasoq. Siunnersuummi kommuninut allanut sanilliullugu taamaalaat allaanerussutigivaa, illoqarfiit nunaqarfiillu aqqisa allanngornerat.

Innersuussut

Allaffeqarfiup kommunalbestyrelsimut innersuussutigissavaa, Qeqqata Kommuniani politiit ileqqoreqqusassaattut siunnersuut akuerinequllugu.

Aalajangiineq

Ilanngussat

1. Politiit ileqqoreqqusassaattut siunnersuut.
2. Ikaarsaariarnermut ataatsimiititaliap decembarip 19-iani 2008-mi aalajangiinera.

Imm. 25 2012-imut qilalugartassat agguaannissaat

Journalnr. 72.01.01

Tunuliaqutaq

Ukiumi pisassiiffiusumi 2012-imi nunamut tamarmut nunallu immikkoortuinut qilalukkanik qaqortanik qernertanillu pisassiissutit pillugit Aalisarnermut, Piniarnermut Nunalerinermullu Naalakkersuisoqarfiup nalunaarutaani 28.12.2011-meersumi nalunaarutigineqarpoq Aqutsiveqarfik Maniitsoq-mut pisassiissutigineqartut qaqortat 10-t qernertallu 2-t taavalu Aqutsiveqarfik Sisimiut-nut pisassiissutigineqartut qaqortat 26-it qernertallu 2-t.

Ulloq 17.01.2012 Naalakkersuisoqarfiup nalunaarutaani nalunaarutigineqarpoq qilalukkat qaqortanik aamma qernertanik pisassiissutit 2011-mi sinneruttut 2012-imut nuunneqartut.

2011-mi Qeqqata kommuniani (Maniitsoq aamma Sisimiut aqutsiveqarfiini) pisassiissutinit katillugit qaqortat 28-t aamma qernertat 4 pisarineqanngillat, tassalu taakkua 2012-mi Qeqqata kommuniaa pisassaanut tamarmiusunut nuunneqartut. Ilanngullugu nalunaarutigineqarpoq kommunimi aalisartut piniartullu peqatigiiffiiniq tusarniaareernerermikkut pisarineqanngitsoorsimasut qanoq atorneqarnissaat kommunit aalajangertassagaat.

Maleruagassatigut tunngavissat

Qilalukkanik qaqortanik qernertanillu illersuineq piniarnerlu pillugit Namminersorlutik Oqartussat nalunaarutaat nr. 7. 29. marts 2011-meersoq:

Pissutsit atuuttut

Kommunalbestyrelsip aalajangiisussaavoq 2011-mi pisarineqanngitsut 2012-mut nuunneqartut qa-qortat 28-t qernertallu 4-it kommunip iluani qanoq agguaanneqassanersut pillugit.

Kommunalbestyrelsi 8. december 2011 ataatsimiinnermini aalajangiuppaa februarimi ataatsimiin-nermini isummerfigissallugu inuussutissarsiutigalugu piniartut saniatigut allat pisassinneqassanersut.

Qilalukkanik qaqortanik qernertanillu illersuineq piniarnerlu pillugit Namminersorlutik Oqartussat nalunaarutaat nr. 7. 29. marts 2011-meersumi § 11-imi aalajangersagaq malillugu Qeqqata kommu-niani nunaqarfimmi aqutsisut aamma aalisartut piniartullu peqatigiiffii matumani agguaassinissaq pillugu tusarniaaffigineqarput. Taakkua saniatigut aamma Sisimiuni, Maniitsumi aamma Kangaamiuni sunngiffimmi pinialuttartut peqatigiiffii tusarniaaffigineqarput.

Sisimiuni aalisartut piniartullu peqatigiiffiat e-mail-ikkut akissuteqarnerminni allapput, aalajangi-u-simallugu pisassiissutit inuutissarsiutigalugu piniartunit piniarneqassasut.

Sisimiuni saniatigooralugu piniartut peqatigiit ilungersorlutik pisassinneqarnissartik piumasaraat.

Sisimiuni aalisartut piniartullu peqatigiiffiat (SAPP), Sisimiuni angallateerarsortut aalisartut piniartullu peqatigiiffiat (SAAPP) kiisalu Sisimiuni saniatigooralugu piniartut peqatigiit ulloq 17. februar 2012-mi ataatsimiinnerminni isumaqatigiissutigaat, marsip naaneranut 2012-mut piniartutut allagartallit kisimik qilalukkanik qernertanik qaqortanillu pisassinneqassasut. April-ip aallaqqaataaniit pisassat tamakkerneqarsimangippata sinneruttut 10 % tikillugu saniatigooralugu piniartut pisassinneqarsinnaasut.

Maniitsumi aalisartut piniartullu peqatigiit aamma Maniitsumi umiatsiaararsorlutik aalisartut piniartullu peqatigiiffiat ataatsimoorlutik oqaaseqaatiminni allapput kissaatigalugu april-ip qiteqqunerani qilalugartassat sinneqarpata saniatigooralugu pinaluttartut qilalugarniarsinnaanerata aatsaat ammaanpeqassasoq.

Maniitsumi saniatigooralugu pinaluttartut peqatigiiffiata qinnuteqaatigaa qaqortanik marlunnik pisassinneqarnissamik aamma qernertanut marlunnut piniaqataanissamut akuersissuteqartoqassasoq.

Kangaamiuni aalisartut piniartullu ulloq 09.02.2012 telefonikkut akissuteqaatiminni nalunaarutigivaat ajorinagu sunngiffimmi piniarnermik allagartallit qaqortamik ataatsimik pisassinneqarpata.

Kangaamiuni nunaqarfimmi aqutsisut oqaaseqaatiminni nalunaarutigivaat kissaatigalugu sunngiffimmi pinaluttartut pisassiissutit 10 %-iannik pisassinneqarnissaat.

Kangaamiuni saniatigooralugu pinaluttartut peqatigiiffiata qinnuteqaatigaa Maniitsup eqqaanilu nunaqarfiit saniatigooralugu pialuttartui marlunnik pisassinneqarnissaat.

Nunaqarfimmi aqutsisut Atammik / Napasoq oqaaseqaatiminni nalunaarutigivaat kissaatigalugu 2011-mi pisarinngitsuukkat aqutsiveqarfiit taakku marluusut piginnassagaat aammalu aqutsiveqarfiit immikkut tamarmik ataatsimik sunngiffimmi pinaluttartui pisassinneqassasut.

Allaffeqarfiup naliliinera

	2011-mi pisassat	19. 12. 2011 pisarineqartut	2012-mi pisassat	2011-mi pisarineqanngit- soortut 2012-mut nuuppata 2012-mi pisasassat katillugit
Qernertat				
Sisimiut	2	0	2	4
Maniitsaq	2	0	2	4
Qaqortat				
Sisimiut	26	6	26	46
Maniitsaq	10	2	10	18

Qilalukkanik qaqortanik qernertanillu illersuineq piniarnerlu pillugit Namminersorlutik Oqartussat nalunaarutaat nr. 7. 29. marts 2011-meersumi § 11-mi imatut aalajangersagaqarpoq: ”Kommunalbestyrelsi nunaqarfimmi ataasiakkaani aqutsisut, najukkanilu aalisartut piniartullu peqatigiiffii isumasioqatigereerlugit kommunip aamma aqutsiveqarfiit qilalukkanik qaqortanik qernertanillu pisassiissutaannik inuussutissarsiutigalugu piniartunut aamma sunngiffimmi piniartartunut agguassinissaq pillugu piumasaqaatinik aalajangersaasinnaavoq.

Imm. 2. Sunngiffimmi piniartartut aqutsiviup qilalukkanik qaqortanik qernertanillu pisassiissutaasa 0-10 % -iisa akornanni amerlassuseqartunik pisassinneqarsinnaapput”

Taamaalillugu Qeqqata kommunia malittarisassat malilluguit sunngiffimmi piniarnermik allagartalinnaat qaqortanik pisassiissaguni aqutsiveqarfik Sisimiut-nut qaqortat **amerlanerpaamik** 4-t sunngiffimmi piniarnermut allagartalinnaat pisassiissutigisinnaavai.

Aqutsiveqarfik Maniitsoq-mut qaqortat amerlanerpaamik marluk sunngiffimmi piniarnermik allagartalinnaat maleruagassaq malillugu pisassiissutigisinnaallugit. Piniarnermut naalakkersuisoqarfimmut paasiniaanermi akissutigineqarpoq marlunnik pisassiisoqassappat ajornanngitsoq kisitsimmut qaninnermut iluarsinertut isigalugu.

§ 11, imm. 2-mi 10 %-imik aalajangersagaq tunngavigalugu Qeqqata kommuniata sunngiffimmi piniarnermik allagartalinnaat qernertanik pisassiisinaanera periarfissaqanngilaq.

Ukiuni kingullerni qilalukkanik pisassiissutit nungunneqarneq ajorput ukioq mannalugu pisassiissutit amerlammata Allaffeqarfiup nalilerpaa sunngiffimmi piniarnermik allagartallit qaqortanik pisassinneqarnissaat periarfissaqartoq.

Innersuussut

Allaffeqarfiup kommunalbestyrelsimut akuereqqullugit innersuussutigai:

- 1) 2011-mi pizarineqanngitsoortut aqutsiveqarfinnut utertinneqassasut
- 2) Aqutsiveqarfik Sisimiut-nut ukioq 2012-imi pisassiissutit **qaqortat** katillugit 46-it imatut agguaneqarlutik:
 - a) inuussutissarsiutigalugu piniarnermut allagartalinnaat tamaasa pisassiissutigineqassapput
 - b) 1. april 2012 pisassiissutit sinneqarpata nutaamik agguasseqqittoqassaaq sunngiffimmi piniarnermik allagartalinnaat 10 % tikillugu pisassiissutigineqarsinnaallutik
- 3) **Qernertat** 4-t tamarmik inuussutissarsiutigalugu piniarnermik allagartalinnaat pisassiissutigineqassapput
- 4) Aqutsiveqarfik Maniitsoq-mut ukioq 2012-imi pisassiissutit qaqortat katillugit 18-it imatut agguaneqarlutik:
 - a) inuussutissarsiutigalugu piniarnermut allagartalinnaat tamaasa pisassiissutigineqassapput
 - b) 1. april 2012 pisassiissutit sinneqarpata nutaamik agguasseqqittoqassaaq sunngiffimmi piniarnermik allagartalinnaat 10 % tikillugu pisassiissutigineqarsinnaallutik
- 5) **Qernertat** 4-t inuussutissarsiutigalugu piniarnermik allagartalinnaat pisassiissutigineqassasut.

Aalangiineq

Ilanngussat

1. 2012-imut pisassiissutit pillugit Naalakkersuisoqarfimmiit nalunaarut 28.12.2011-meersoq
2. Qilalukkat qaqortanik aamma qernertanik pisassiissutit 2011-mi sinneruttut 2012-imut nuunneqarnerat pilluugu Naalakkersuisoqarfiup nalunaarutaa 17.01.2012-meersoq
3. Qilalukkanik qaqortanik qernertanillu illersuineq piniarnerlu pillugit Namminersorlutik Oqartus-sat nalunaarutaat nr. 7, 29. marts 2011-meersoq,
4. Maniitsumi aalisartut piniartullu peqatigiit aamma Maniitsumi umiatsiaararsorlutik aalisartut pi-niartullu peqatigiiffiata ataatsimoorlutik oqaaseqaataat 09.02.2012-meersoq,
5. Kangaamiuni aalisartut piniartullu peqatigiiffiata(KAPP) oqaaseqaataa pillugu telefonnotat 09.02.2012-meersoq,
6. Maniitsumi saniatigooralugu pinaluttartut peqatigiiffiata oqaaseqaataa 07.02.2012-meersoq,
7. Kangaamiuni Saniatigooralugu Pinaluttartut Peqatigiiffiata oqaaseqaataa 10.02.2012-meersoq,
8. Napasoq / Atammik-mi nunaarfimmi aqutsisut oqaaseqaataat 13.02.2012-meersoq.

9. Kangaamiuni nunaqarfimmi aqutsisut oqaaseqaataat 10.02.2012-meersoq
10. Sisimiuni aalisartut piniartullu peqatigiiffiata oqaaseqaataa.
11. Sisimiuni saniatigooralugu piniartut peqatigiit oqaaseqaataat.

Imm. 26 Qeqqata Kommuniani kuuit eqaloqarfiit sorliit sukisaarsaatigalugu aalisartunik aalisartitsisalernissami atorneqassanersut pillugu innersuussut

Journalnr.

Tunuliaqutaq

Akuersissuteqarluni kuunni sukisaarsaatigalugu aalisarsinnaanermut inatsit nutaaq pillugu Namminersorlutik Oqartussat allagaat 19. december 2011-meersoq.

Maleruagassatigut tunngavissat

Sukisaarsaatigalugu aalisartunik aalisartitsinermut akuersissuteqartarneq pillugu Inatsisartut inatsisaat nr. 20, 22. november 2011-meersoq.

§ 5. Sumiiffiup eqqiluitsuutinnissaanik sukujoqannginnissaanillu akuersissummik pigisaqartoq pisussaaffeqarpoq.

§ 6. Sumiiffimmi akuersissuteqarfiusumi aalisarneq pillugu naatsorsueqqissaarusiornissamut akuersissummik pigisaqartoq pisussaaffeqarpoq. Sumiiffimmi ullormut qanoq amerlatigisut sukisaarsaatigalugu aalisarnersut skemanngorlugu nalunaarutigineqassaaq.

Imm. 2. Paasissutissat ukiut tamaasa kingusinnerpaamik ulloq 1. oktober Naalackersuisunut nassiunneqartassapput.

§ 7. Kuunni imartanilu akuersissuteqarfiusuni akiliilluni sukisaarsaatigalugu aalisarnermi taamaallaat qissattaatit atorneqassapput.

Inatsisip oqaaseqaataani nalinginnaasuni allaqqaavoq, Inatsisip pingaarnertut imarisaa tassaavoq kuummut eqaloqarfimmut akuersissummik tunniussisinnaanermik Naalackersuisut pisinnaatinneqalernerat, taamaalilluni akuersissummik pigisaqartut sukisaarsaatigalugu aalisarlutik takornarissanut Kalaallit Nunaanni najugaqanngitsunut kisermaassillutik neqerooruteqarsinnaalerput. Akuersissummik tunniussineq taamaalilluni Kalaallit Nunaanni aalajangersimasumik najugaqartut inuussutissarsiutigalugu aalisarsinnaanernut aallaaviusumik sunniuteqassanngilaq.

Aammalu innuttaasut Kalaallit Nunaanni aalajangersimasumik najugaqartut sukisaarsaatigalugu aalisarnerup saniatigut suli eqalunniarsinnaasut, aamma kuunni akuersissuteqarfiusuni. Aalisarneq qangali ingerlanneqartoq taamaalilluni kuuit paavanni ingerlanneqarsinnaavoq, sukisaarsaatigalugulu aalisarneq kuunni namminerni ingerlanneqarsinnaalluni.

Inuit Kalaallit Nunaanni nunaqavissut aamma kuunni akuersissuteqarfiusuni qissattarlutik aalisarsinnaanermik periarfissaqarput. Naliliisoqarpoq tamanna annertunerusumik akornutaassanngitsoq, tassa sukisaarsaatigalugu aalisartartut taakku ikitsuinnaammata. Kuunnik akuersissuteqarfiusunik toqqaanermi kuuit inissisimanertik pissutigalugu nunaqavissunit amerlasuunit tikinneqarneq ajortut toqqarniarneqassapput.

Pissutsit atuuttut

Inatsiartut ukiaq 2011 ataatsimiinnerminni akuersissuteqarluni kuunni sukisaarsaatigalugu aalisarsinnaanermut Inatsisartut inatsisaat 1. januar 2012 atuutilertussaqaq akuersissutigaat.

Aalisarnermut, Piniarnermut Nunalerinermullu Naalackersuisoqarfiup siunertaraa akuersissutit siulliit upernaap 2012-ip ingerlanerani tunniunneqarumaartut, taamaalilluni akuersissutit siulliit aalisarfimmi 2012-mi atuutilereerniassammata.

Tamanna tunuliaqutaralugu Aalisarnermut, Piniarnermut Nunalerinermullu Naalakkersuisoqarfiup kommunit qinnuigivai ukiumi nutaami piaarnerpaamik inatsimmi pineqartumi kommuninut suliaasiissutit tunniunneqartut suliareqqullugit, kingusinnerpaamillu innersuussutigineqartut 1. april 2012 tigorullugit.

Siullermik kuunnut sumiiffinni ataasiakkaani atuisarnermut tunngasunik paasiniaasoqassaaq, tamatumalu kingorna kuuit sorliit akuersissuteqarnikkut aalisarfissatut piukkunnaatillit kommunip qinissavai.

Inatsimmi § 10-mi imm. 1 imatut oqaasertalik tunngavigalugu kommuni tusarniaavoq: ”Kommuni kuunnik eqaloqarfinnik atuinissamut soqutigisaqarnerup paasisaqafiginissaa siunertaralugu kommuni sumiiffimmi tusarniaassaaq.”

Allakkatigut tusarniaanermi Qeqqata kommuniani nunaqarfinni aqutsisut, aalisartut piniartullu peqatigiiffii, eqalunniartartut peqatigiiffiat Eqaluk aammalu takornariartitsisartut tusarniaavigineqarput, kiisalu Sisimiuni Maniitsumilu innuttaasunik ataatsimiititsineq aqqissuunneqarluni.

Illoqarfinni Sisimiuni Maniitsumilu innuttaasunik ataatsimiititsinermi tusarniaatigineqartup soqutigineqarnera annikitsutut nalilertariaqartoq. Tassami ataatsimiitsinernut aggetut ikitsuaraammata.

Takornariartitsisartunut tusarniutigineqarnerani eqaloqarfiit sorliit ingerlatsivigissallugit piukkunneqartut nunap assinganut takussutissartalerlugit saqqummiussillutik akissuteqarput. Eqaloqarfiit Kangerlussuup avannaani pikkunneqarput: Eqalulik, Eqalusussuit, Erfalik, Sassannguit aammlu Napiarissat.

Kangerlussuup kujataani piukkunneqarput: Angujaartorfiup kuua taavalu Napasup timaani kuit eqaloqarfiit Kangia, Qooqqut aammalu Amitsuarsuk.

Eqalunniartartut peqatigiiffiat Eqaluk tusarniutigineqartumut akissummini erseqqissarpaat piumasalarugulu, Itillip kujataani Kangermi eqaloqarfiit tamarmik sukisaarsaatigalugu qissattartsisarnermi atorneqannginnissaat innersuussutigineqassasoq, siunnersuuteqarlutillu eqaloqarfiit makku siunnersuutigalugit: Eqalugaarsuit, Qooruarsuaq Killeq, Timmiannnguit, Issinnersuit kiisalu Amerlumi Tatsip Ataa.

Kangaamiunni nunaqarfimmi aqutsisut tusarniaanermut akissuteqaatiminni nalunaarutigivaat kuuit eqaloqarfiit akuersissuteqarnikkut aalisarfissatut piukkunnaatillit taaneqartut tusaatissatut tigullugit.

Napasuq / Atammimmi nunaqarfimmi aqutsisut tusarniaanermut akissuteqaatiminni nalunaarutigivaat Napasup timaaniittut eqaloqarfiit Kangia-ta qinngua, Qooqqut aamma Amitsuarsuup qinngua akuersissuteqarnikkut aalisarfissatut piukkunneqartut nunaqarfimmi aqutsisut tamarmiullutik akuersaaraat.

Nunaqarfimmi aqutsisut ilanngullugu nalunaarutigivaat Atammimmi innuttaasut Atammup iluaniittoq Niaqunngunap qinnguata kuua sukisaarsaatigalugu qissattarfissatut inassutigigaat imartaa ilanngunagu.

Oqarasuaatikkut Kangaamiuni, Atammik Napasumilu aqutsisut ataatsimeeqatigineqarput. Ataatsimiinnermi Kangaamiuni piniartunit peqataasoqarpoq. Oqariartuutigineqarpoq Kangerlussuarmi eqaloqarfiit sukisaarsaatigalugu aalisartunik misilittagaqarfioersooq, taakkualu takutittagaat kusanartuusoq aammalu akornutissaqartinnagu Angujartorfimmi eqaloqarfik atorneqarsinnasutut innersuussutigineqassappat sukisaarsaatigalugu aalisartut aamma nunap timaaniittarmata.

Allaffeqarfiup naliliinera

Allaffeqarfiup nalilerpaa sukisaarsaatigalugu aalisartunik aalisartitsisalernissami atorneqarsinnaasutut innersuussisinnaneq pitsaasuusoq aammalu qulakkeerinnittuussasoq eqalunniarfiit eqqiluutsuutinnissaannik saligaatsuutinnissaannillu.

Allaffeqarfiup ilanngullugu ilisimatitsissutigissavaa sukisaarsaatigalugu aalisartunik aalisartitsisalernissami atorneqarsinnaasutut akuersissummik tunisinerup takornariatitseqatigiit aallat sukisaarsaatigalugu aalisartunik aalisartitsinerat kuunni allanni mattunneqanngimmat naak akuersissuteqanngikkaluartut.

Taamaattumik allaffeqarfimmit nalilerneqarpoq pitsaanerpaajusoq eqaloqarfimmi sukisaarsaatigalugu aalisartitsinissamik akuersissuteqartitsineq orniginarnerpaasoq eqaloqarfiup paarilluarnissa eqqarsaatigalugu.

Tusarniaanermi akissutigineqartut tunngavigalugit allaffeqarfiup nalilerpaa eqaloqarfiit sukisaarsaatigalugu aalisartunik aalisartitsisalernissami atorneqarsinnaasutut Naalakkersuisunut arfineq pingasut innersuussutigineqassasut, ukuusut: Kangerlussuup avannaani Eqalulik, Eqalusussuit, Erfalik aammalu Napiarissat. Kangerlussuup kujataani Angujaartorfip kuua, Kangia, Qooqqut kiisalu Amitsuarsuk.

Matumani pineqarput kuuit eqaloqarfiit. Imartat kuit eqaloqarfiit eqqaaniittut ilanngunneqanngillat.

Innersuussut

Qeqqata Kommuniani sukisaarsaatigalugu aalisartunik aalisartitsisalernissami eqaloqarfiit atorneqarsinnaasutut innersuussutigineqarput:

Eqalulik (*Ukiiviup avannaaniittoq*)
Eqalusussuit (*Isortoq*)
Erfalik (*Itillip kujataaniittoq*)
Napiarissat (*Itillip kujataaniittoq*)
Angujaartorfik (*Kangerlussuaq*)
Kangia (*Napasup timaaniittoq*)
Qooqqut (*Napasup timaaniittoq*)
Amitsuarsuk (*Napasup timaaniittoq*)

Aalajangiineq

Ilanngussat

1. Namminersorlutik Oqartussat allagaat 19. december 2011-meersoq.
2. Sukisaarsaatigalugu aalisartunik aalisartitsinermit akuersissuteqartarnej pillugu Inatsisartut inatsisaat nr. 20, 22.november 2011-meersoq.
3. Peqatigiiffik "Eqaluk"-p tusarniaanermut akissutaa.
4. Itillimi aalisartut piniartullu peqatigiiffiata tusarniaanermut akissutaa
5. Takornariartitsisartut aalisartitsisalnissami eqaloqarfiit periarfissatut siunnersuutaat, nunap assinngorlugu.
6. Kangaamiuni nunaqarfimmi aqutsisut kiisalu Kangaamiuni aalisartut peqatigiit tusarniutigineqartumut akissutaat.
7. Nunaqarfimmi aqutsisut Atammik/Napasoq tusarniutigineqartumut akissutaat.



Imm. 27 Akiani aqquserngit taaguutaat

Journalnr. 23.00.01

Tunuliaqut

Akiani aqquserngit taaguusersorneqassapput. Tassunga atatillugu Pilersaarusernermi immikkoortortap Qeqqata Kommuniani sulisut aammalu Sivdlekkut aprilimi septemberimilu 2011-mi annoncemik ilanngussinikkut siunnersuutinik pissarsiorsimavoq.

Pissutsit atuuttut

Aqquserngit tallimat taaguuserneqarnissaat amigaataapput, taakkulu aquserngit assitaani ilanngussami 1-imi takuneqarsinnaallutik. Siunnersuutit tiguneqartut ilanngussatut ilanngunneqarput.

Aningaasaqarnikkut allaffissornikkullu kingunerisinnaasai soqanngilaq

Qullersaqarfimmit oqaaseqaatit

Oqaaseqaatitaqanngilaq

Allaffeqarfiup naliliinera

Pilersaarusernermi immikkoortortaq sammisaq ataaseq aallaavigalugu aqquserngit tallimat Akianiittut taaguuserneqarnissaat innersuussutigaa. Aqquserngit tullinnguuttut malillugit taaguuserneqarsinnaapput

Timmissat

Piniarnermi atortut

Aalisakkat

Naasut

Illoqarfiit ikinngutigisat

Tusaamasat toqukkut qimagunnikut- soorlu Anguteeraq Davidsen, Moses Olsen il.il.

Inuit – Sisimiuni aqquserngit inunnik atsiussat allattorsimaffiat ilanngunneqarpoq

Ilanngussat siunnersuutinik imallit sammisat aallaavigalugit agguataakkat.

Allaffeqarfiup innersuussutaa

Teknikkikkut Avatangiisinullu immikkoortortaqarfiup Teknikkikkut Avatangiisinullu ataatsimiititalianut Akiani aqquserngit taaguutissaannik toqqaariarluni, Kommunalbestyrelsimut siunnersuutit ingerlateqqinnissaat innersuussutigissavaa.

Teknikkimut Avatangiisinullu ataatsimiititaliami suliap suliarinera

Teknikkimut Avatangiisinullu ataatsimiititaliap decembarip 6-ani 2011-mi ataatsimiinnermini aalajangiuppaa, (afventer laust)

Aqqusineq 1 Emiliap Aqq.-taanik taaguuserneqassaaq.

Aqqusineq 2 Antuup Aqq.-taanik taaguuserneqassaaq.

Aqqusineq 3 Mosesip Aqq.-taanik taaguuserneqassaaq.

Aqqusineq 4 Anguteeqqap Aqq.-taanik taaguuserneqassaaq.

Aqqusineq 5 Sethip Aqq.-taanik taaguuserneqassaaq.



Innersuussut

Teknikkimut Avatangiisinullu ataatsimiititaliap kommunalbestyrelsimut akuereqqullugu innersuussutigissavaa,

- Aqqusineq 1 Emiliap Aqqutaanik taaguuserneqassaaq.
- Aqqusineq 2 Antuup Aqqutaanik taaguuserneqassaaq.
- Aqqusineq 3 Mosesip Aqqutaanik taaguuserneqassaaq.
- Aqqusineq 4 Anguteeqqap Aqqutaanik taaguuserneqassaaq.
- Aqqusineq 5 Sethip Aqqutaanik taaguuserneqassaaq.

Aalajangiineq

Ilanngussat

1. Siunnersuutigineqartut allattorsimaffiat
2. Aqquserngip assitaa
3. Siusinnerusukkut aqquserngit taaguutaannik allattorsimaffiat
4. Sisimiuni Aqquserngit,

**Imm. 28 Kommunimi pilersaarutip nr. 42-p inaarutaasumik akuersissutigiginissaa –
Ilinniartunut inissiat Sisimiuni Eqqaavimmut Aqqusernga sinerlugu**

Journalnr. 16.03.00

Tunuliaqutaq

Kommunimi pilersaarut nr. 42 novembarip 10-aniit 2011-mi januaarip 10-anut 2012-mi tamanut saqqumiussaani kuvoq.

Kommunimi pilersaarummut tapiliusaaq, Sisimiut illoqarfianni Sanaartornermut Ilinniarfiup ilinniartuutiminut inissialiornissaa siunertarlugu suliaavoq.

Pisumi Namminersorlutik Oqartussat 2 x 50-inik ilinniartunut 2012-mi inissialiornissamut aningaasliisuteqarput, taakkulu Eqqaavimmut Aqquserngup kangiatungaani sanaartorsinnaanissaat periarfissinniarneqarluni.

Malittarisassatigut tunngavissaaq

Pilersaarusionerq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq.

Pissutsit atuuttut

Tamanut tusarniaanermi tusarniaaffinnit tulluittuniit oqaaseqaaterpaaluit uparuaaterpaaluillu tiguneqarnikuupput:

Namminersorlutik Oqartussat nuna tamakkerlugu pilersaarusiortarfimmiit:

- Pilersaarusionermermi teknikkimut oqaasertaanullu tunngasorpaaluit.
 - Pilersaarusiap naammassinissaanut oqaaseqaatit iluarsiiisutaassapput.

Masanti Aps.

- Sanaartorfiusussat 16x40 meteriniit 17x40 meterinut annertusiallannissaat innersuussutigivaat, taamatullu aamma aneersuortarfiit majuartarfiillu, kiisalu aneersaartarfiit sanaartorfissaaq avammut sinnerlugu inississinnaanissaat.
- Aqqusernermiit najugaqarfiit tungaannut pilersaarusiame aqquserngup silinnerunissaa kissaatigineqarluni, taamaalilluni biilinit annernut inissaqarneruleqqullugu aammalumi eqqaaviit imaarneqartarnissaat ilaatigut eqqarsaatigalugu.
- Ilinniartunut inissiaqarfimmi biilinit inissiamut ataatsimut uninngaartarfissiat 0,2-niit 0,1-nut annikillisinnissaat kissaatigalugu, Qaasuitsup Kommuniani nalinginnaasumik atugaasoq innersuussutigalugu.
 - Pilersaarutip inaarutaasumik akuersissutigineranut atatillugu annikinnerusutigut iluarsiiisuteqartoqarsinnaasasoq allaffeqarfik naliliivoq, biilnulli uninngaartarfissat amerlassusiata nikitinninnissaat innersuussutigalugu. Misilittakkat naapertorlugit ilinniartut arlalissuusarput qamuterallannik atuisartut, biileqanngikkaluartullu uninngaartarfiit pisariaqartinneqassallutik. Biilit uninngaartarfisigut sumiiffiup ajunngitsumik isikkoqarnissaa qulakkeerniarneqarpoq.

Sirius Greenland Aps

- Sumiiffimmi namminneq suliffeqarfiliordfigisimasamik najugaqarfinngornissaa uparuaatigivaat, taamaalilluni suliffeqarfimmik allilerneqarsinnaanissaa killilerneqassammat.
 - Tamatumuuna allaffeqarfiup maluginiaqqussavaa, sumiiffimmi suliffeqarfiliordfissaanngitsumi piusunilluunniit allileriffiusinnaanngitsumi suliffeqarfik inissinneqarsimasoq, taannali qangali najugaqarfeqarfissatut aaqqitaasimagaluaq. Sumiiffimmi pilersaarussiaq 2001-imi akuersissutaasimavoq.
 - Suliffeqarfinnik allilerinissaq qulakkeerniassagaanni pilersaarummi, inuutissarsiuteqarfinnut oqinnerusunut periarfissiiniarluni, pissutsit kommunimi pilersaarummut tapiliussinikkut allannortittariaqassapput.

Steen Gordon Jensen – Sisimiut Taxi.

- Sumiiffiup inuutissarsiuteqarfimmiit najugaqarfimmut allannortinnissaa uparuaatigivaa, taamaalilluni siunissami suliffeqarfutiini allilersinnajunnaassagamiuk. Suliamut allilerinissamik kissaatigisaminik titartagaq uparuaamminut ilanngussimavaa.
 - Tamatumuuna allaffeqarfiup oqaatigissavaa, suliffeqarfik najugaqarfinnut/ilinniartunut inissianut qanittuararsuummat, qanorlu iliuuserisinnaasat tamatumuuna killilersimaarneqassallutik.
 - Sumiiffimmi ilinniartunut inissianut sammisortaani sanaartussagaanni, sumiiffimmiit suliffeqarfimmut isikkivia killiliisuussaq, tamannalu isigisat eqqarsaatigalugit iluaannassalluni.
 - Pilersaarusiap inaarutaasumik akuersissutigineranut atatillugu ajornassanngilaq, pilersaarusiameerit taanna immikkoortissallugu, taamalu sumiiffik taanna ullumikutuulli suliffeqarfiliordfissatut ingerlatiinnarlugu.

Nukissiorfiit.

- Sakkortusaaviliornissat/sakkukillisaaviliornissat illutassaallu eqqarsaatigalugit pilersaarutaasuniit periarfissaqartilluarnerunissaat kissaatigivaat. Taakku 11 kvm tikillugu pilersuisinnaanissaasa periarfissinnissaat kissaatigineqarluni.
 - Allaffeqarfiup innersuussutigissavaa, pilersaarummut annikinnerusumik iluarsissutitut tamanna ilanngunneqassasoq.

Brøndum:

- Uparuaassuteqarsinnaanerup killissaa naammassereeraluaq, sumiiffimmi suliffeqarfinnik pingasunik allaffeqarfiup oqaloqatiginninnerup ingerlaqqinnissaa eqqarsaatigalugu ingerlassimavaa, taamaattumik Brøndum-ikkunik oqaloqatiginninneq aamma ilanngunneqassaaq.
- Brøndum-ikkut inissisimaffiat najugaqarfittut pilersaarusiameerit ilaavoq, suliffeqarfiullu eqqaani inissiivissamik allannguisuulluni. Ilinniartunut inissiat kujasinneraata Eqqaavimmut Aqq. Kangiani inissinniassagaanni, taava ilinniartunut inissiamiit isikkivissaq anersaarfissaqalaarnissarlu eqqarsaatigalugit Brøndum-ikkut tunuatungaaniittoq qaqqajunnaq qaartittariaqassaaq. Tamatumani kujasinneraata tungaa Brøndum-ikkut inissiivissatut atorsinnaassavaat ullumikkut atukkaminut taarsiullugu, peqatigitillugulu suliffeqarfiup inissiiviata ilangaatsiaa illutaata tunuaniissalluni, ullumikkumut sanilliullugu ersiinnartumiigunnaarluni.

- Brøndum-ikkut suliffeqarfimmik allilernissaa kissaatigisimavaat, allilerinissamullumi nunaminertamik akueritissimallutik, massakkulli nalunaarutigivaat, allilerinissaraluartik suliassaqluarnernissaminnut kinguartikkallarlu.
- Allaffeqarfik naliliivoq, pilersaarummi killiliussat allangortinnissaat pissusissamisuussasoq, pilersaarusiameerit Brøndum-ikkut inissisimaffiat peerlugu.

Teknikkimut Avatangiisinullu immikkoortortami sanaartornermut immikkoortortaq aamma illup iluani oqaaseqaateqarpoq, tassa ilinniartunut inissiat meeqqerivissap qaamaneqarnissaa qulakkeerniarlugu quleriinnik marlunnik portunerusariaqanngitsut. Taamaattumik portussutsit etageanik sisamaniit pingasunut appaagaapput, namminersorlutik oqartussat etageanik pingasunik quleriilimmik sanaartornissamik isumaqatigiissuteqarfigalugit.

Aningaasaqarnikkut allaffissornukkullu kingunerisinnaasai

Pilersaarusiaq Qeqqata Kommunianut aningaasaqarnikkut sunniuteqarnissaa naatsorsuutigineqanngilaq, sanaartorfigissaanernummi piareersaanernullu aningaasartuutit tamarmik pisup iluani iliuusnut atatinneqartarmata, sanaartortitsisumullu akiligassanngortinneqartarlutik. Matumani Namminersorlutik Oqartussanut.

Eqqaavimmulli aqqusernga sinerlugu pisuinnarnut aqqusinniornissaq inniminnigaanikuuvoq, taannalu kommunimut aningaasartuutaasussaassaaq, tassa piviusunngortinneqassappat.

Qullersaqarfiup oqaaseqaataa

Immikkut tapiliussatut oqaaseqaatitassaqaanngilaq.

Allaffeqarfiup naliliinera

Sumiiffimmi inuutissarsiuteqarfiit ingerlalluarnerat pilersaarutikkut akornusersorniarnagu allaffeqarfimmiit siunnersuutigineqassaaq, Brøndum-ikkut eqqaat kiisalu Eqqaavimmut aqquserngup kitaatungaa pilersaarusiameerit peerneqassasut, Sirius-ikkut Brøndum-ikkullu ineqarfiutaata eqqaa kisiat nikisinnagu. Taamaaliornikkut Brøndum ApS-ip kiisalu Steen Gordon Jensen-ip ajornartorsiutaat iluarsiniarlugit, taamalu inuutissarsiuteqarfimmiiginnarnissaat angullugu.

Taamatut aqqiinnikkut aamma qulakkeerneqassaaq, pilersaarusiaq manna piaartumik akuerineqarnissaa, taamatullu aamma ilinniartunut inissialiorniarneq periarfissillugu.

Sumiiffiup najugaqarfissatut aqqinnissaanut periarfissatut toqqarneranut pissutaavoq, suliffeqarfiit soqutiginnissappata tulluuttutigut periarfissinnissaat, suliffeqarfiit tunillugit sumiiffiup najugaqarfissiatut atuutsilernissaa, taamaalillutik suliffeqarfiit inissiffissanut inuutissarsiuteqarfiusinnaasunut pitsaanerusunut nuussinnaaqqullugit. Tamannali suliffeqarfiit naapertorlugit massakkut eqqarsaataanngilaq. Suliffeqarfiilli massakkut sumiiffimmi allilernissaat sammineqarluni. Tamanna avatangiisit eqqarsaatigalugit tamatigut pisinnaassanersoq, qinnuteqaatitigut ataasiakkaatigut nalilersuinikkut pissaaq, avatangiisitigullu akuersinissami nalilersuinertigut.

Sumiiffik oqinnerusutigut inuutissarsiuteqarfissatut atorsinnaassanersoq eqqarsaatigisariaqassaaq, tassa sumiiffimmi najugaqarfillit avatangiissiinut sunniuteqartussaannngitsumik.

Allaffeqarfiup innersuussutaa

Allaffeqarfiup innersuussutigissavaa, aningaasaqarnermut ataatsimiititaliap kommunalbestyrelsillu kommunimi pilersaarummut tapiliussassaq nr. 42 iluarsissutissatut siunnersuutit ilanngullugit inaarutaasumik akuersissutigissagaat, taamaaliornikkut sumiiffik kangimut avannamullu annikillisinneqassaalluni.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap februaarip 14-ani 2012-imi ataatsimiinnermini suliaq suliarivaa.

Innersuussut

Aningaasaqarnermut ataatsimiititaliap kommunalbestyrelsimut innersuussutigissavaa, kommunimi pilersaarummut tapiliussassaq nr. 42 iluarsissutissatut siunnersuutit ilanngullugit inaarutaasumik akuersissutigissagaa, taamaaliornikkut sumiiffik kangimut avannamullu annikillisinneqassaalluni.

Aalajangiineq

Ilanngussat

1. kommunimi pilersaarussiaq iluarsisaq nr. 42. iluarsisamik titartagartalik.
2. Suuliffeqarfinnik ataatsimeeqatiginninnermit uparuaassutit imaqarniliallu.

Imm. 29 Kommunimi pilersaarummut tapiliussassatut siunnersuut nr. 46, Sisimiuni immikkoortup 800-A53-ip ilaani ilinniartunut inissialiorfissatut ilaqutariinnullu najugaqarfiliorfissatut immikkoortitaq

Journalnr. 16.03.00

Tunuliaqutaq

Sisimiuni ilinniartunut inissialiornissamik pisariaqartitsineq naapertorlugu inissialiorsinnaanissaq periarfissinniarlugu pilersaarutitut siunnersuut manna suliarineqarpoq.

Pilersaarut Eqqaavimmut aqquernani ilinniartunut inissianut tapiliussatut isigineqassaaq, taamatullu aamma ilinniartunut inissiat ataatsimoortinnissaannik pingaartitsineq illoqarfimmilu qorsooqqinnerusoq atuarlugu sanaartornissaq isiginiarlugu. Qorsooqqinnertaq Aqqusinersuarmit Nalunnguarfik, Sanaartornermik Ilinniarfik arsartarfillu saneqqullugit ilinniartut inissiaqarfiannut ingerlasuuvoq.

Sisimiuni inuusuttut ilinniartut pitsaasumik atugassaartinnissaanni anguniakkakut naatsorsuutigineqarpoq, ilinniartunut inissialiassat maannamut aalajangiiffioreersut saniatigut, ukiut aqqaneq-marluk ingerlaneranni ilinniartunut inissiat 300-t pisariaqartinneqalissasut.

Malittarisassatigut tunngavissaq

Pilersaarusionerq aamma nunaminertat atorneqartarnerat pillugit Inatsisartut inatsissaat nr. 17, 17. november 2010-imeersoq.

Pissutsit atuuttut

Sumiiffik nutaaq immap Umiivitsiamilu sanaartukkat akornanniitooq, sanaartorfissanut tallimanut agguataagaassaaq, kangianiit aallartillugit ilinniartunut inissialiorfissatut periarfissaassapput, ilaqutariinnullu najugaqarfiliorfissatut sanaartorfissat 1 aamma 2 periarfissaassallutik, tassa Qiviarfimmi sanaartukkanut qanittuani.

Nutaanik sanaartorfissaq nutaamik Qiviarfiup Eqqaavimmullu aqquerngup akornatigut aqqusinniorneqassaaq, tamatumanili aqqusinissaq nutaaq malillugu Qiviarfimmiit Nikkorsuit tungaannut allilernissaa apeqquataassalluni. Sanaartugassat nutaat qaqqajunnani inissisimanissaat eqqarsaataaneruvoq, taamatullu aamma saviminernut eqqaavikup ataani qooruarnartami. Najugaqarfissat ataasiakkaat aqqusinermit attaviliisumiit avalequssiussanik aqqusineqassapput. Aqqusineq attaviliisussaq sinerlugu pisuinnaat aqqutissaat suliarineqassaaq, Umiivitsiami sanaartukkanut majuartarfiliisinnaanissaq periarfissillugu.

Aqqusinniornerdigut eqqavikup ataaniittut sukujuut peerneqassapput, taamalu maaniinnaq ersigunnaassallutik.

Naatsorsuutigineqarporlu sumiiffimmi ilinniartunut inissiat 250-it sanaartorfissani 3-mi, 4-mi 5-imilu sananeqarsinnaassasut, ilaqutariinnullu najugaqarfissat 80-it missaat sanaartorfissani 1-imi 2-milu, taakku sanassanngippata ilinniartunut inissiat 200-t missaat.

Entrepreneurit siunnersortillu allatut sanaartornissamut kajumissaarniarlugit, sanaartorfissanut 2-mut, 3-mut 4-mullu atatillugu sanaartukkanut atasunik nunaminertaqassaaq, tassa qaqqajunnami sanaartortoqassappat. Inissaqarniarnerlu eqqarsaatigalugu tamakku najugassanut 90-inut inissaqartitsisinnaassallutik.

1-mi, 2-mi 3-milu sanaartugassat sisamanut quleriinngorlugit sanaartugassaapput, kiisalu 4-mi 5-imilu sanaartugassat immikkoortukkaat arfinilinnik quleriussallutik. Sanaartornissamut atatillugu pitsaasunik ataatsimoorfiusinnaasuulernissaat pingaartinneqarpoq, sanaartukkallu tamarmik elevatorqassallutik, taamaalilluni najugaqarfinnut tamanut innarluutillit apuussinnaaqullugit.

Aningaasaqarnikkut allaffissornikkullu kingunerisinnaasai

Sumiiffimmi sanaartugassat tamarmik ataasiakkaarlutik sanaartorfigissaanissamut akiliuteqarnissaat pisariaqarpoq, sanaartukkallu naammassigunik kommunimut aningaasartuutaasusnaanatik, Qeqqata Kommuniata sanaartugassat ilaat nammineq isumaginiangikkunigit, taamalu sumiiffimmi sanaartornermut tapiissuteqartuulluni.

Aqqusineq attaviliisussaq Qeqqata Kommuniata isumagissavaa, aningaasartuutissallu sanaartorfigissaanertut taallugit sanaartorfinnut ataasiakkaanut sanaartukat annertussusii naapertorlugit agguataarneqassallutik. Sanaartorfigissaaneq sanaartortitsisut ataasiakkaarlutik pisussaaffigissavaat.

Aqqusinissap attaviliisussap sanaartornissaani Eqqavimmut aqqusinermi ilinniartunut inissiaqarfissani qartitakut atugassatut inissinneqassammata maluginiarneqassaaq.

Qullersaqarfiup oqaaseqaataa

Immikkut tapiliussatut oqaaseqaatitassaqaanngilaq.

Allaffeqarfiup naliliinera

Allaffeqarfik naliliivoq, sumiiffik najugaqarfiliorfikkuminartussatut piukkunnarluartuusoq, ilaqutariit najugaqarfinniit ilinniartullu inissaanniit immap tungaanut isikkivigissoq.

Naliliiffigineqarporlu, sanaartorfissaq akulikitsunik sanaartorfiusussatut saqqummiusaaq, sanaartorfigissaanermut akit eqqarsaatigalugit unamminartumik aamma aqqinneqarsinnaassasoq.

Allaffeqarfiup innersuussutaa

Allaffeqarfiup innersuussutigissavaa, aningaasaqarnermut ataatsimiititaliap kommunalbestyrelsimut innersuussutigissagaa, kommunimi pilersaarummut tapiliussassatut siunnersuut nr. 46 Umiivitsiap kujammut kitaatungaani najugaqarfiliorfissaq sapaatip akunnerini arfinilinni tamanut saqqummiunneqassasoq.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap februaarip 14-ani 2012-imi ataatsimiinnermini suliaq suliarivaa.

Innersuussut

Aningaasaqarnermut ataatsimiititaliap kommunalbestyrelsimut innersuussutigissavaa, kommunimi pilersaarummut tapiliussassatut siunnersuut nr. 46 Umiivitsiap kujammut kitaatungaani najugaqarfiliorfissaq sapaatip akunnerini arfinilinni tamanut saqqummiunneqassasoq.

Aalajangineq

Ilanngussaq

1. Kommunimi pilersaarummut tapiliussassatut siunnersuut nr. 46

Imm. 30 Qeqqata Kommuuniani siunissami atuarfeqarnerup aaqqissuussaanissaanik siunnersuut, atuartut angerlarsimaffii pillugit

Journalnr. 51.00

Tunuliaqutaq

Qeqqata Kommuniani kommunalbestyrelse aalajangersimavoq siunissami atuartut angerlarsimaffii (kollegiat) sumiissinnaanerat misissuiffigineqassasoq, Maniitsumiissanersoq imaluunniit Sisimiuniissanersoq.

Aasap ingerlanerani 2012 suliaq eqqartorneqarsimavoq UKFU-mi, aaliangertoqarlunilu suliaq tusarniussutigineqassasoq nunaqarfinnut aammalu atuarfiit siulersuisuinut, aallartissinnaaqullugu suliaq ukiup nutaap aallartinnerani 2012-imi.

Tusarniaasoqarneratalu kingorna makkuninnga atuarfinit aammalu nunaqarfinit tusagaqarpugut: Minngortuunnguup Atuarfianit, Kilaaseqqap Atuarfianit, Kangerlussuarmit, Itilleq / Sarfannguanit, Kangaamiunit aammalu Atammik / Napasumit.

Ullumikkut Sisimiuni atuartut angerlarsimaffianni atuartut arfineq marluk najugaqarput, Sarfannguanit aammalu Itilliminngaanneersut, taakkualu 10. klassimi atuartuupput. Najugaqarfik nr. 3 aammalu najugaqarfik nr. 4 nerisarfiusoq, iggavik aammalu errorsisarfiusoq atorneqarlutik.

Maniitsumi Kollegiat inissaateqarput atuartunut 20-inut, atuartuuteqarpullu Atammimmit aammalu Napasumit, atuartullu 8. – 9. – 10. klasse-mi atuartut, naajugaqarfiilu illut marluullutik.

Qulaani suliassamut atatillugu nunaqarfinni atuartut ilinniartarnerat ullumikkusut ingerlaannarnis-saa **ilimagineqarallarpoq**, aaliangiisoqarnissaata tungaanut.

Atuartut angerlarsimaffii qanga sanaartorneqarsimapput atuartut amerlasuut najugaqartussanngorlugit, taamani Sisimiunit aammalu nunaqarfinit Kangerlussuarmit, Sarfannguanit aammalu Itillimit Najugaqartitsisoqartarsimalluni. Kingusinnerusukkut atuartut angerlarsimaffianni najugaqartitsisoqartarsimavoq atuartut Kangaatsiamit nunaqarfinniillu, 2006-i tikillugu.

Kommuunit kattussuutereernerata kingorna Maniitsorlu 1. januari 2009-i, atuartut najugaqartartut ikilingaatsiarsimapput, ullumikkut taamaallaat Sarfannguanit aammalu Itillimit najugaqartitsilersimalluta.

Atuartut angerlarsimaffianut qullersartut ilinniartitaanermi pisortaq akisussaavoq, ulluinnarnili ingerlatsineq Minngortuunnguup Atuarfiani pisortap tullersortaata akisussaaffigaa. Ilinniartitaanermilu pisortaq isumaqarpoq iluamik atuartut angerlarsimaffii atorluarneqanngitsut, najugaqartummi ikilingaatsiarsimaneri pissutigalugit. Ullumikkullu sulisut imatut inissisimapput, atuartunik nakkutilliisut marluk, Igasoq ataaseq aammalu igaffimmi ikiorti ataaseq, sulisullu taakkua kiffartuuppaat atuartut arfineq marluk, tassa atuartut angerlarsimaffiat ingerlanniarneqarneranut annertuumik aningaasartuutaasarneranut patsisaanerpaasoq.

Atuarfiup pisortaa Atuarfik Kilaaseqqamiittup uppersarpaa, atuartut 20-it Maniitsumi atuartut angerlarsimaffianni najugaqarsinnaasut. Ukioq atuarfiusussami 2012 / 2013-imi Maniitsup nunaqarfinit atuartut arfineq pingasut najugaqassasut, taamaammat ukioq atuarfiusussami 2012 / 2013-imi Sisimiut nunaqarfiinit atuartut inissaqartinneqassasut Maniitsumi.

Ullumikkut Sisimiuni atuarfiit aaqqissuunneqarnerat.

Klassit	Minngortuunnguup Atuarfia	Nalunnguuarfiup Atuarfia	Atuarfik Qilalugaq	Qinguata Atuarfia	Itillip Atuarfia	Sarfannguup Atuarfia
10.	X	X	X	X		
9.	X	X	X	X	X	X
8.	X	X	X	X	X	X
7.	X	X	X	X	X	X
6.	X	X	X	X	X	X
5.	X	X	X	X	X	X
4.	X	X	X	X	X	X
3.	X	X	X	X	X	X
2.	X	X	X	X	X	X
1.	X	X	X	X	X	X

Ullumikkut Maniitsumi atuarfiit aaqqissuunneqarnerat.

Klassit	Atuarfik Kilaaseeraq	Kangaamiut Atuarfiat	Atammiup Atuarfia	Napasup Atuarfia
10.	X	X		
9.	X	X		
8.	X	X		
7.	X	X	X	X
6.	X	X	X	X
5.	X	X	X	X
4.	X	X	X	X
3.	X	X	X	X
2.	X	X	X	X
1.	X	X	X	X

Ullumikkut atuarfiit aaqqissuussaannerat aallaavigissagaanni atuartut amerlingaarnissaat naatsorsuutiginengilaq, ingammit 2011 / 2012-ip aallartinneranit. Imatut paasineqassaaq Sisimiuni aamma-lu Maniitsumi nunaqarfianinngaanneersut tamarmik atuartut angerlarsimaffianni najugaqarsinnaasut Maniitsumi.

Atuartut amerlassusissaat Qeqqata Kommuniani ukioq atuarfiusuni 2008/2009 – 2009/2010 – 2010/2011 aammalu atuartut amerlassisissaanik ilimagisat 2011/2012 – 2012/2013 – 2013/2014 aammalu 2014/2015-imi.

Itilleq, Sarfannguut, Napasoq og Atammik.							
Atuartut amerlissusissaat	2008 / 2009	2009 / 2010	2010 / 2011	2011 / 2012	2012 / 2013	2013 / 2014	2014 / 2015
Katillugit - Sisimiut nunaqarfiini 10.kl	6	9	7	7	5	4	6
Katillugit - Maniitsoq nunaqarfiini 8.-10.kl	19	13	11	19	8	4	2
Atuartut katillugit	25	22	18	26	11	7	6

Maleruagassatigut tunngavissat

Atuarfik pillugu Inatsisartut peqqussutaat nr. 8, 21. maj 2002-meersoq, Kap. 4, § 20. Atuartut tamarmik peqqussut manna malillugu atuartitaanissamik neqeroorfigineqarnissaat qulakkeerumallugu, pisariaqartitsineq naapertorlugu atuartunut angerlarsimaffiit aamma atuartunut inissiat atuarfinnut pioreersunut atasut pilersinneqassapput.

Kap. 8, § 33, imm. 3, Kommunalbestyrelse, tak. § 38, imm. 1, pisussaavoq isumagissallugit:

- 3) Atuartut angerlarsimaffiinik atuartunullu atuarfinnut pioreersunut atasumik inissianik pilersitsineq, tak. § 20, imm. 1.

Kap. 9, § 38. Kommunalbestyrelse kommunip atuarfeqarfiinut qullersaalluni akisussavog nakkutigtissallugulu kommunimi meeqqat atuartitaasussaataasut tamarmik atuarfimmu allatsinnissaat imaluunniit atuarfimmi nalinginnaasumik piumasarisassanut nallersuuttumik atuartitaanissaat. Kommunalbestyrelsip atuarfiit sulineranni anguniagassat sinaakktissallu aalajangersassavai. Kommunalbestyrelse atuarfiit sulinerannik nakkutilliisuuvoq.

Pissutsit atuuttut

Qeqqata Kommuniata aalajangiutissagaluarpagu atuartut nuutsinneqarnissaat Maniitsumut ukioq atuarfiusoq 2012 / 2013-ip aallartinnerani, ingammik atuartut Itillimit aammalu Sarfannguanit, tamanna aatsaat pisinnaassaaq ukioq atuarfiusoq 2012 / 2013-imi, akornutissartaqanngitsumik pisinnaalissaaq.

Atualertussatut naatsorsuussat, Maniitsumi. Ukioq atuarfiusumi 2012 / 2013-imi.

Atuarfik:	6. kl.	7. kl.	8. kl.	9. kl.	10. kl.
Itillip	3	1	3	0	3
Sarfannguup	3	3	2	2	3
Atammik	2	3	2	8	0
Napasog	0	1	1	2	0
Katillugit atuartut	8	8	8	12	6

Kommunit tamarmik Kalaallit Nunaanni atuarfinnik aaqqissuussinertik nalilersortussaavaat aalajangerlutillu siunissami, soorliit ukioqatigiiaat atuartinneqassanersut atuarfinni ataasiakkaani. Aalajangernerlu aallaavigalugu kommuni suliaqartussaassaaq atuartut amerlassusissaat qanoq siunissamut isikkoqassanersoq kommuunip atuarfiutaani ataasiakkaani, ukiunut tallimanut naatsorsuineq, 2015 / 2016-imi tikillugu.

Atuartut angerlarsimaffianni inissanik pisariaqartitsineq aallaaviusussavaoq atuarfiit aaqqissuunneqarnerannut suliaqartitsinissaaq atuartut amerlassusissaat takussusissiarissallugit. Kommuunillu tamarmik atuartut angerlarsimaffianni qanoq inissaqartitsinerlutik nalunaarusiortussaavaat.

Immikkut atuarfik; Atuarfik Qilalugaq immikkut atuartitsivittut aaqqissussavaoq meeqqanut pisariaqartitsisunut, Sisimiuni.

Ukioq atuarfiusumut 2009 / 2010-imut, aalajangerneqarpoq atuartut Kangerlussuarmi 10. klassit tikillugit atuartinneqartalissasut.

Immikkoortoqarfiit Maniitsumi aammalu Sisimiuni upernaakkut 2009-mi, angajoqqaanik tusarni-aasimapput, qanoq isumaqarfigineqarnersoq atuartut angerlarsimaffii Maniitsumiissanersog imaluunniit Sisimiuniissanersog.

Angajoqqaat Atammimmi aammalu Napasumi kissaatigaat atuartut Maniitsumiiginnartinneqarnissaat, atuartut angerlarsimaffianni.

Angajoqqaat Itillimi aammalu Sarfannguani kissaatigaat atuartut Sisimiuniiginnartinneqarnissaat, atuartut angerlarsimaffianni.

Tassanilu patsisigineqarpoq arlaatigut pinartumik pisoqassagaluarpat ilaqutariit iluanni, taava meeqqat ilaqtatit illoqarfimmi qaninnerusut ornipallassinnaanersammatigit.

Akissutit nunaqarfinit aammalu atuarfinit, Qeqqata Kommuniani:

Nunaqarfik / atuarfik:	Nunaqarfinni aqutsisut.	Atuarfinni siulersuisut.
Itilleq / Sarfannguaq	Atuartut Itilliminnagaanniit aammalu Sarfannguaninggaaneersut, nunaqarfimmi siulersuisunit akuersaarnaqarpoq atuartut 9. klassimit atualersinnaasut Maniitsumi. Naatsorsuutigineqarporlu atuarfinni siulersuisut apeqqummut akissuteqareersimasut.	Oqaaseqartoqanngilaq atuarfinni siulersuisunit marluusunit.
Kangerlussuaq	Atuarfiit aqqissorneqarnerannu siunnersuut taperserneqarpoq.	Taperserneqarpoq isumassarsiaq, atuartut angerlarsimaffii matuneqarnissaat Sisimiuni, atuartut ikilisisaneri pissutaammata. Qanoq isikkoqassappat atuartut amerlassusissaat ukiut qulit qaangiuppata.
Minngortuunnguup Atuarfia		Atuarfimmi siulersuisut saqqummiunneqartut aallaavigissagaanni takusinnaavaat, atuartut nuutsinniarneqarneri taamaallaat aningaasaq aallaavigineqarsimanera, puorlugu inuup pisariaqartitaa imaluunniit perorsaanerup pitsaassusai isiginagit. Maniitsup ajornartorsiutigaa ilinniartitsisut uninngatiinnarniarneqarnissaat. Qanoq ilior-toqarsimava sulisut tigummiinnarnissaanut, atuartut pitsaasumik aammalu aalaakkaasumik atuartinneqarnissaat anguniarlugu. Periarfissaq angerlarsinnaaneq sapaatip akunera naanerani Itillermiunut aammalu Sarfannguarminiunut mattunneqassaaq, atuartut Maniitsumut nuutsinneqassappata.
Nalunnguarfiup Atuarfia		Oqaaseqartoqanngilaq.
Atammik / Napasoq	Nunaqarfimmi siulersuisut taperserpaat atuartut Maniitsumi 9. klassimit aallartissinnaanerit.	Oqaaseqartoqanngilaq atuarfinni siulersuisunit marluusunit.
Kangaamiut	Nunaqarfimi siulersuisut akuersissutigaa atuartut Sisimiunit Maniitsumut 9. klassimit atuariarsinnaanissaat. Nunaqarfinnut angallaneq ukiuunerani pitsangortinneqarnissaa kissaatigaat. Ingammik Sisimiut eqqaani nunaqarfinnut.	Oqaaseqartoqanngilaq.
Kilaaseeraq		Kisitsisit kukkussuteqarput, ukioq atuarfiusussamat 2011/2012-imut. 8. klassit. Napasog 2 Atammik 4 + 1, angerlaannarpoq. 9. klasse. Napasog 2 Atammik 4 + 1, ukioq atuarfiusoq uteqqippaa. 10. klasse. Napasog 1, angerlartitaavoq. Atammik 1, angerlaannarpoq.

Aningaasaqarnikkut allaffissornikkullu kingunerisinnaasai

Ullumikkut missingersuutiniipput atuarfiit angerlarsimaffi marluusunut ingerlatsisoqassasoq Sisimiuni aammalu Maniitsumi.

Katillugit sulisut Sisimiuni aammalu Maniitsumi.

Atuartut angerlarsimaffii.	Nakkutilliisut	Iggavimmi sulisut	Errorsisarfik / eqqiaasut.
Sisimiut	1	2	0
Maniitsoq	2	2	1

Aningaasaliissutit atuartut angerlarsimaffiunut Sisimiuni aammalu Maniitsumi: 2012

Atuartut angerlarsimaffii	Missingersuutit	Atuinerup killiffi – 2. januar 2012	Atuineq %-innngorlugu
Sisimiut	2.346.000	0,-	0 %
Maniitsoq	1.642.000	1.623,-	1,2 %

Siunnersuut siunissami atuartut angerlarsimaffiisa aqqissuunneqarnerat Qeqqata Kommuniani.

Kl.	MA – Sis.	NA – Sis.	AQ – Sis.	QA – Kangerl.	AK – Maniitsoq	KA – Kangaamiut	Itiileq	Sarfannguit	Atammik	Napasq
10.	X	X	X	X	X	X				
9.	X	X	X	X	X	X				
8.	X	X	X	X	X	X	X	X	X	X
7.	X	X	X	X	X	X	X	X	X	X
6.	X	X	X	X	X	X	X	X	X	X
5.	X	X	X	X	X	X	X	X	X	X
4.	X	X	X	X	X	X	X	X	X	X
3.	X	X	X	X	X	X	X	X	X	X
2.	X	X	X	X	X	X	X	X	X	X
1.	X	X	X	X	X	X	X	X	X	X

Atuartut angerlarsimaffii eqqarsaatigalugit sipaartoqarsinnaavoq arlaat matunekarpat, atuartut Sisimiuniit Maniitsumut nuunnissaat innersuussutaavoq.

Sisimiuni atuartut angerlarsimaffiini najugaqarput meeqqat arfineq marluk – sisamat taakkualu Maniitsumut nuutinneqassapput, inissaqartitsineq aallaavigalugu. Atuartut angerlarsimaffiat III (B-905), nerisarfik aammalu nakkutilliisut marluk najugaqarfii atorunnaarsinneqarneranik nalunaarfingineqassapput allaffissornermullu atorneqarlernissaannut siunnersuutigineqarlutik.

Qeqqata Kommunian ingerlatsinermin sipaaruteqassaaq siunissami atuartut angerlarsimaffiat ataasiinnaangortinneqarneratigut, atuartullu amerlanerusut ineqatitaaminnik kammalaateqartiternerusaallutik.

Atuartut angerlarsimaffiat Maniitsumut nuunneqassappat sulisut soraarsinneqarsinnaapput imaluunniit suliffigisinnaasaannik allanik neqeroorfigineqassapput ukua; nakkutilliisooq ataaseq, Igasooq ataaseq, igaffimmi ikiorti ataaseq.

Missingersuutit 2012-imut, atuartut angerlarsimaffiit Sisimiuni aammalu Maniitsumut.

Sisimiut	Maniitsoq.
2.346	1.642

Qeqqata Kommunian aningaasartuutiniq sipaaruteqarsinnaavoq katillugit **1,5 mio. kr.-it ukiumut.**

Atuartut Sisimiunut angallammik ingerlanneqartuussaapput tamatumalu kingorna timmisartorlutik Maniitsumut ingerlasariaqarlutik. Atuarnerup aallartinnerani aammalu juullimut atatillugu angerlarneq minnerunngitsumik upernaakkut atuarneq naammassippat angerlarneq: Umiatsiamik assartuineq 56.000,-, timmisartorneq 115.200,- **Katillugit 171.200,-**

Maniitsumi nerisitsisarnermi aningaasartuutit qaffattariaqassapput aammalu atuartunut kaasarfimmiussat naatsorsortariaqarlutik: Nerisaqarneq qaffassaaq 100.000,- aammalu kaasarfimmiut atuartunut 80.000,- kr-inut. **Katillugit 180.000,-**

Sulilu angajoqqaanik atuartunillu paasisitsiniaasarnissat pisariaqassaaq ingammik atuartut angerlarsimaffii pillugit, ingerlanneqartassallutillu Sarfannguani, Itillimi, Atammimmi kiisalu Napasumi: Nunaqarfinnut angalaneq suli ingerlanneqartassaaq: Nunaqarfinnut angalaneq **Katillugu 58.000,-** Assigiinngitsunik atortunik pisineq aammalu aserfallatsaaliinermut suli aallartisarneqarnissaat Maniitsumi.

Ingerlatsinermin aningaasartuutit Maniitsumi atuartut angerlarsimaffiannut qaffanneqassapput 846.000,- kr-ini missaanni: Maniitsumi ingerlatsinermin aningaasartuutit katillugit qaffassapput **Kr. 2.346.000,-**, aasamit 2012-ip aallartinnerani.

Aningaasaliinerit pereerput atuartsitineq eqqarsaatigalugu ingerlanneqarsinnaammat, immikkut qaavatiqut aningaasaliisoqanngikkaluarluni ingammik Atammimmi aammalu Napasumi, 8. klassit ingerlanneqarnissaat eqqarsaatigalugit.

Allaffeqarfiup naliliinera

Ilinniartitaanermi immikkoortoqarfiup nalilerpaa siunnersuutip aningaasaqarneq eqqarsaatigalugu ajunngitsortaartoq aammalu ajornannginnerusumik atuarsiit aaqqissuunneqarnerat piviusunngortinneqarsinnaasoq ukioq atuarsiisoq 2012 / 2013-imut.

Soorunalumi kinguneqassaaq atuarsiit allannguinnermik pilersaarusiortariaqalissagamik allannguinnerisat eqqarsaatigalugit ingammik Itillimi, Sarfannguani, Napasumi aammalu Atammimmi.

1. Atuarsit Itilliminnangaaneersut aammalu Sarfannguaninnangaaneersut Maniitsumut nuutinneqarnerat 9. klassimit aallartittumik.
2. Atuarsit Napasumi aammalu Atammimmi nunaqarfimmiiginnarnissaat 8. klassimit.
3. Maniitsumi atuarsit angerlarsimaffianni atuarsit 9. klassimi nunaqarsiit sisamanit 9. klassimi aallaartittalissasut.
4. Illut pigineqartut Sisimiuni atorluarneqarnissaat allamut. Nalunaarsuineq illuutiniq upernaq 2011-mi saqqummertoq, inassutaat malillugit.

Ilinniartitaanermi immikkoortoqarfiup inassutigissavaa nakkutilliisut aammalu akisussaasoq pisor-taq nunaqarfinnut ukiumut ataasiarlutik angalasassasut, paasisitsiniaallutik angajoqqaanut atu-artunullu 8. klassinut, qanoq ittuuneranik atuarsit angerlarsimaffimmi inooriaaseqarnerisut aamma-lu qanoq angajoqqaanik eqaatsumik suleqateqarnerunissaq anguniarlugu.

Minnerunngitsumik 7. – 8. klassini atuarsit nunaqarfinnerisut Maniitsumut tikeraartittarnissaat piffissamik sivikitsumi, sungiussipallannerunissaq illoqarfimmi Maniitsumi anguniarlugu.

Allaffeqarfiup innersuussutaa

Ilinniartitaanermi immikkoortoqarfiup innersuussutigissavaa siunnersuut, 9. klassit tamarmik nunaqarfinnit Itillimit, Sarfannguamit, Napasumit aammalu Atammimmit atuarsit angerlarsimaffianniittalernissaat Maniitsumi, ukioq atuarsiisoq 2012 / 2013 aallarnerfigalugu, anguniarneqas-saarlu atuarsit angerlarsimaffiini ingerlatsinermi aningaasartuutit annikillisarnissaat, augusti aallarnerfigalugu 2012-i.

Aningaasaqarnermullu ataatsimiisitaliamut suliaq aaliangigassanngorlugu ingerlateqqinneqassaaq.

Ilinniartitaanermut Kulturimut Sunngiffimmullu ataatsimiititaliami suliaq suliarinera

Ilinniartitaanermut Kulturimut Sunngiffimmullu ataatsimiititaliap ferbruaarip 2-ani 2012-imi ataatsimiinnermini innersuussutigineqartoq akuersissutigivaa.

Imm. Aningaasaqarnermik ataatsimiititaliamut ingerlateqqinneqassaaq.

Aningaasaqarnermut ataatsimiititaliami suliaq suliarinera

Aningaasaqarnermut ataatsimiititaliap februaarip 14-ani 2012-imi ataatsimiinnermini suliaq suliarivaa.

Innersuussut

Aningaasaqarnermut ataatsimiititaliap kommunalbestyrelsimut aalajangiiffigisassatut innersuussutigissavaa

9. klassit tamarmik nunaqarfinit Itillimit, Sarfanguamit, Napasumit aammalu Atammimmit atuartut angerlarsimaffianniittalernissaat Maniitsumi, ukioq atuarfiusoq 2012 / 2013 aallarnerfigalugu, anguniarneqassaarlu atuartut angerlarsimaffiini ingerlatsinermi aningaasartuutit annikillisarnissaat, augusti aallarnerfigalugu 2012-i.

Aalajangiineq

Ilanngussat

1. Tulliuttut imarivai

1. Illuutinik nalilersuineq Sisimiut, april 2011-imeersoq.
2. Tusarniummut akissut nunaqarfinni aqutsisunit Itilleq / Sarfanguaniillu, 31.10.2011.
3. Tusarniummut akissut nunaqarfinni aqutsisunit Kangerlussuaq, 1.11.2011.
4. Tusarniummut akissut atuarfimmi siulersuisunit, Kangerlussuaq, 27.10.2011.
5. Tusarniummut akissut atuarfimmi siulersuisunit, Minngortuunnguup Atuarfia, 8.11.2011.
6. Tusarniummut akissut nunaqarfinni aqutsisunit, Atammik / Napasumit. 30.01.2012.
7. Tusarniummut akissut nunaqarfinni aqutsisunit, Kangaamiut. 31.10.2011.

Imm. 31 Imigassamik sassaallisinnaanermut akuersissummik qinnutaat type B - Tuttu Guest House v/Bauer Johansen, Kangerlussuaq

Journalnr. 70.06.00

Tunuliaqutaq

Bauer Johansen oktobarip 31-ani 2011 B-1763 Tuttu Guest House/Hotel Kangerlussuaq-mut imigassamik sassaallisinnaanermut akuersissummik qinnuteqarpoq (nutaanngortillugu)

Maleruagassatigut tungavissat

Imigassamik aalakoornartortalinnik nioqquteqartarneq sassaallertarnerlu pillugit Inatsisartut inatsisaat nr. 11, 11. november 2000-imeersoq.

Inatsimmi kapitali 2 naapertorlugu imigassamik aalakoornartortalinnik kimittuunik kimikitsunilluunniit nioqquteqassagaanni sassaalliissagaanniluunnit akuersissummik pigisaqarnissaq piunasaqaa-taavoq, soorlutaaq inimut ininulluunniit aalajangersimasunut tungatinneqartumik akuersissut kommunalbestyrelsimit tunniunneqartussaasoq.

Pissutsit atuuttut

Bauer Johansen/Hotel Kangerlussuaq imigassamik sassaallisinnaanermut akuersissutinik peqareerpoq ukununga tulliuttunut:

Cafeteria

Fly Catering

Hotel Bar

Kantinen

Konferencecenteret

Reception (mini bar)

Restaurant.

Qeqqata Kommuniani 49-t imigassallersinnaanermut akuersissuteqarput, Kangerlussuarmi 10-t sassaallersinnaanermut akuersissuteqarput, 5-illu nioqquteqarsinnaanermut akuersissuteqarlutik.

Nunaqarfimmi Aqutsisut suliamik suliarinninnerat

Nunaqarfimmi Aqutsisut novembarip 25-ani 2011 ataatsimiinnermini aalajangiuppaat orniginartinnagu, Bar 57 aammalu Aqisseq imminut unammillereermata, qaatigullu unammillerteqarnissaat pinngitsoortikkusullugu.

Innersuussut

Suliaq kommunalbestyrelsimut aalajangigassanngorlugu ingerlatinneqarpoq

a)

Nunaqarfimmi aqutsisunit innersuussutigineqartutut qinnuteqaat itigartinneqassasoq

Imaluunniit

b)

B-1763 Tuttu Guest House/Hotel Kangerlussuaq, imigassamik sassaalliisinnaanermut akuersissummik ukiuni pingasuni atuuttussamik akuersissummik tunineqassasoq.

Aalajangiineq

Ilanngussaq

Ilanngussaqaanngilaq



Imm. 32 Oqaluuserisassatut siunnersuutit – Ukiuunerani piniarnermut qamuterallannik sisamanillu assakaasulinnik atuinerup inerteqqutaanissaa Kangerlussuullu nunataata aqutsivigineqarnissaanik pilersaarutip saqqummiunneqarnissaa

Journalnr. 72.01.00/92.01.01

Tunuliaqutaq

Kommunalbestyrelsimi ilaasortap Alfred Olsenip novembarip 25-ani 2011-mi allakkatigut kommunalbestyrelsimi oqaluuserisassatut siunnersuutit nassiuppai,

1. Ukiuunerani qamuterallannik sisamanillu assakaasulinnik, Kangerlussuup avannaatungaani Sisimiut Kommunerisimasaani piniarsinnaanissaq inerteqqutaassasoq.
2. Kangerlussuup nunataata aqutsivigineqarnissaanik pilersaarutip Qeqqata Kommuniani innuttaasunut saqqummiunneqassasoq.

Pissutsit atuuttut

1-mut. Sisimiut, Kangerlussuup Maniitsullu eqqaanni assartuutit motorinik ingerlatillit atornerareri pillugit Namminersornerullutik Oqartussat nalunaarutaat nr. 5, 25. maj 1999-imeersoq aammalu Kangerlussuup Nunataata aqutsivigineqarnissaanut pilersaarut juni 2010-meersoq malillugit, qamutinik motoorilinnik taamaallaat aqutissiatigut ingerlasoqaqqusaalluni, taamaattumillu Kangerlussuup avannaatungaani qamuterallaat sisamanillu assakaasullit atorneraqqusaanngillat.

2-mut. Kangerlussuup Nunataata aqutsivigineqarnissaanut pilersaarut Namminersorlutik Oqartussat nittartagaani tamanut saqqummiunneqarnikuuvoq uani link-imi:

<http://www.nanoq.gl/Emner/Landsstyre/Departementer/Dep.-d-.for indenrigsanliggender, Natur og Miljø/NaturAfd/Kangerlussuaq%20pillugu%20aqutsinissamut%20pilersaarut.aspx>

aammalu Qeqqata Kommuniata nittartagaani uani link-imi:

<http://www.qeqqata.gl/Politik/Politikkerogplaner/tabid/427/language/da-DK/default.aspx>

Tamakku sanitigut suleqatigiissitaqarpoq, taakkulu Kangerlussuarmi eqqaanilu suut akuerisaanersut pillugit allagartalersuinissaq isumagissavaat. Suleqatigiissitat aamma qanittukkut quppersakkamik saqqummersitsipput. Kangerlussuup eqqaani angallassivissiat qamutinillu motoorilinnik angallaffissiat ilanngussami 2-mi takuneqarsinnaavoq.

Kiisalu imm. 8-mut innersuussisoqassaaq Kangerlussuup Nunataata aqutsivigineqarnissaanut pilersaarut pillugu immikkut oqaluuserisassaniimmat.

Innersuussut

Kommunalbestyrelsimut innersuussutigineqassaaq, suliaq tusaatissatut tiguneqassasoq.

Aalajangiineq

Ilanngussat

1. Alfred Olsenip novembarip 25-ani 2011 allagaa.
2. Pjece: Kangerlussuup eqqaani angallassivissiat qamutinillu motoorilinnik angallaffissiat



Imm. 33 Oqaluuserisassatut siunnersuut – Kommuni ”qorsuk”

Journalnr. 09.30

Tunuliaqutaq

Kommunalbestyrelsimi ilaasortap Karl Lyberthip, Qeqqata Kommuniata maligassiuisunngortillugu tamatigut atortunik mingutsitsinnginnerpaanik sipaarniutaanerpaanillu atortulersorneqarnissaannut pillugu siunnersuut kommunalbestyrelsimi oqaluuserisassatut decembarip 21-ani 2011 allakkatigut nassiuppaa.

Qeqqata Kommuniata illuutai tamarmik, allaffiit, meeqperiviit, atuarfiit, illu iluaqutit, utoqqaat illui allallu misissuiffigineqassasut atortut assigiinngitsut sipaarfigineqarsinnaannginnersut paasiniarneqassasut, Karl Lyberth-p siunnersuutigaa.

Innersuussut

Kommunalbestyrelsimut innersuussutigineqassaaq, suliaq oqallisigineqareerneratigut Qullersaqarfimmut misissuiffigisassanngorlugu ingerlateqqinneqassasoq.

Aalajangiineq

Ilanngussaq

1. Karl Lyberth-p decembarip 21-ani 2011 allagaa.

Imm. 34 Oqaluuserisassatut siunnersuut – Kommunimiit innuttaasunut paasissutissiineq

Journalnr. 12.01.00

Tunuliaqutaq

Kommunalbestyrelsimi ilaasortap Karl Lyberthip, innuttaasunut pitsaanerusumik kommunimiit paasissutissiisarneq amigaatigineqartoq pillugu kommunalbestyrelsimi oqaluuserisassatut januarip 20-ani 2012 allakkatigut nassiuppaa.

Ukiaq 2011 Sisimiuni Maniitsumilu radiukkut tusaatit suleqatigalugit aallakaatitsinermi erseqqissumik paasinarsimmat kommunimi innuttaasunut pitsaanersusumik paasissutissiisarneq amigaatigineqartoq . Taamani isumaqatigiissutit ilagivaat kommunip tungaaniit qanoq ililluni pitsaanerusumik paasissutissiisarnissaq misissorneqassasoq, nalilersorneqassasoq.

Karl Lyberth-p siunnersuutigivaa qaammammut ataasiarluni Sisimiuni Maniitsumilu tusaatit aqcutigalugit paasissutissiisoqartarnissaa aammalu ullut 14-ikkaarlugit radiukkut tusaatit aqcutigalugit innuttaasut kommunalbestyrelsimi ilaasortanut apeqquteqartarnissaannik periarfissillugit.

Pissutsit atuuttut

Qeqqata Kommuniani innuttaasunut paasissutissiisarneq

Kommunimi innuttaasunik paasissutissiisarneq, paasissutissiisarnermik sulialik aqcutigalugu annertuumik ingerlanneqartarpoq. Taamatuttaaq aamma kommunimi immikkoortortaniit toqqaannarnerusumik paasissutissiisarneq ingerlanneqartarluni.

Qeqqata Kommuniani innuttaasunik paasissutissiisarneq imatut ingerlanneqartarpoq:

- Sisimiuni nunaqarfinnilu illoqarfiup aviisiatigut, Sivdleq. (aalajangersimasumik sapaatip akunneri tamaasa ingerlanneqarluni)
- Kommunip quppersagaa/nittartagaa www.qeqqata.gl (sapiingisamik ulloq allortarlugu nutaarsiassanik ikkussisarnissaq anguniarneqarpoq)
- Illoqarfinni nunaqarfinnilu allagarsiivitsigut
- Sumiiffinni radio
- quppersakkat pappialatigullu paasissutissiisutit kommunimi immikkoortortat assigiinngitsut suliaat
- kommunimi paasissutissiivit aqcutigalugit (tassuuna quppersakkanut/nittartakkanut assigiinngitsunut isertoqarsinnaavoq, soorlu kommunip quppersagaanut/nittartagaanut)
- annertuunik pilersaaruteqartoqartillugu innuttaasunik ataatsimiititsinertigut

Tamakku saniatigut borgmesteri kommunalbestyrelsip ataatsimiinnissaa sioqcutitsiarlugu Sisimiuni radio (Maniitsoq ilaasinnasarluni?) aqcutigalugu paasissutissiisararluni, tassa ataatsimiinnermi kommunalbestyrelsip suut eqqartugassarinerai pillugit.

Sumiiffimmi politikerinit sammiveqarnerusumik paasissutissiisarnissamik siunnersuutit

- Kommunalbestyrelsip ataatsimiinnissaa sioqqullugit quppersakkakut/nittartakkakut ataatsimiissutissat pillugit naatsumik paasissutissiisoqartarsinnaavoq.
- Kommunalbestyrelsip ataatsimiinnissaa sioqqutitsiarlugu kinguninngualu Sivdlekt' aqqutigalugu saqqummiussinertigut, imatut qulequtserlugu: "Ataatsimiittarfimmiit nutaarsiassat" assigisaanilluunniit.
- Kommunalbestyrelsimiit qaammatikkaartumik sumiiffimmi radio aqqutigalugu paasissutissiisarnikkut, tamatumani naatsumik suut sammiveqarnerusut eqqartorlugit.
- Innuttaasunik kommunalbestyrelsimilu ilaasortanik radio aqqutigalugu qaammatikkaartumik oqallitsisisarnertigut.

Tamakku saniatigut eqqarsaatigisariaqarpoq, oqaatsit atorlugit "inuinnarnik" paasineqarsinnaasumik qanoq isikkulimmik politikerit paasissutissiisarnissaat. Imatut paasillugu, oqaatsit sapinngisamik ulluinnarni atorneqartartut atorlugit, aammalu politikerit politikki eqqartortillugu assersuusiorsinnaaneq aqqutiginiartarlugu, sapinngisamik assilissamik pilersitsiniarlutik il.il.

Kommunalbestyrelsimiit paasissutissiinerit, sapinngisamik eqqortuunissaat paasissutissiisarnermik suliaqartoq allaluunniit "illup avataaneersoq" aqqutigalugu qulakkeerniarneqartassaaq, oqaatsinik atorneqartunik nalilersuilluarsinnaasoq, allannguutaasinnaasunik iluarsissutaasinnaasunilluunniit innersuussuteqarsinnaasoq.

Tamakku saniatigut pingaaruteqarpoq, politikerit tusagassiutitigut saqqummernissaminut piukkunnarsarnissaat. Tamatumani ilaatigut imaaliortoqarsinnaalluni, sapinngisamik ersarissunik

Innersuussut

Kommunalbestyrelsimut innersuussutigineqassaaq, suliaq oqallisigineqareerneratigut Qullersaqarfimmut ingerlateqqinneqassasoq.

Aalajangiineq

Ilanngussaq

1. Karl Lyberth-p januarip 20-ani 2012 allagaa.

Imm. 35 Oqaluuserisassatut siunnersuut - Kommuunimi aalisarfiit ilaanni eqalussuit ikilisarnissaat

Journalnr.

Tunuliaqutaq

Kommunalbestyrelsimut ilaasortaq Karl Lyberth siunnersuuteqarpoq, Maniitsup eqqaani aalisarfiit ilaanni eqalussuarnik nungusaanissaq kommuunimit aningaasaliiffigineqassasoq.

Paasitineqarsimavoq Ilulissani eqalussuit ikilisarneranni eqalussuup uummataa ataaseq akilerneqartarsimavoq kr. 250,- Siunnersuutaavoq eqalussuit 1000-t pisarineqarnissaannut aningaasaliisoqassasoq. Eqalussuit pisat sumut pineqarnissaat taaneqanngilaq.

Malitsigisaanik Arctic Green Food-mit (AGF) Arne Spicer Lindgren siulersuisuni siulittaasoq Maniitsumeereerluni aalisartunillu oqaloqateqareerluni allappoq aalisarfiit ilai eqalussuaqarmata aalisarfigineerussimasut, aalisagaqarluaraluartoq. Siunnersuutaavoq eqalussuit piniarlugit ikilisinnarneqarsinnaasut. Kommuunip akiligaanik pisarineqassapput, suliarineri AGF-p isumagissagai. Suleqatigiit, AGF, aalisartut, Inuussutissarsiornermi siunnersuisoqatigiit Kommuunilu ajornartorsiut qulaani pineqartoq eqqartarsinnaavaat, anigorneqarpat ajunngitsumik aalisartunut, tunisassiorfimmut sulisartunullu sunniussinnaammat.

Maleruagassatigut tunngavissat

Kommunit inuussutissarsiutini il.il. aningaasaliinermikkut inuussutissarsiutinik ineriartortitseqataannissaminnut periarfissaat pillugit Inatsisartut inatsisissaat nr. 23, 18. december 2003-meersoq

Pissutsit atuuttut

Maniitsumi Inuussutissarsiornermut pisortaq aperineqareerluni 6.2.2012 mail-kut akivoq, eqalussuit pillugit suliaq unitsinneqarallartoq, Kina-mi eksportråde-miit paasitineqarsimagami eqalussuit amii Danmarkimiit Kina-mut eqqunnissaat maannakkuugallartoq akuerisaanngitsoq, uumasunillu illersuiniat pissutaallutik qaqeqqinneqarnissaa kajumiginngikkitsik.

Aalisarnermut Naalakkersuisoqarfimmi immikkoortortami pisortaq Emanuel Rosing 10.2.2012 aperineqareerluni oqarasuaatikkut paasissutissiivoq, inatsisitigut ajornaquteqanngitsoq ikilisaalluni eqalussuarniarneq.

Qaasuitsup Kommuunia suleqatigalugu ukioq kingulleq eqalussuarniartitsisoqarsimavoq, pisarisat uummatai takutiinnarneqartarlutik. Erniinnaartumik nunatta avataaniit tutsiuttoqarpoq, sooq eqalussuit taamatut ”piniapilunneqarnersut”. Paasissutissiissutigaattaaq nunat ilaasa eqalussuit nunguler-sutut nalilertaraat. Pisut qimmilimmi pigallartillugit eqalussuit qimminut nerukkaatissatut tunniunneqartarsimanageri akissummi iluaqutaasimapput. Taamaattumik Kommuunip akiligaanik aalisarneq akuliuffigerusunngilaa, ikilisaaginnarneqassappallu naviasaarutigalugu avataaniit tusanngitsoorna-viannngikkaat, nunarpullu kusananngitsumnik avammut tusartinneqassasoq.

Ilulissani aalisartut peqatigiit siulittaasuat Peter Olsen 11.2.2012 oqarasuaatikkut attavigineqarluni nalunaarpoq Ilulissani eqalussuarniartoqanngitsoq, siusinnerusukkulli tunisassiassanik misiliisoqat-siarsimasoq. Ilulissat eqqaanni aalisarfinni eqalussuuartassat ajornannginnerarpei.

Uummannami aalisartut peqatigiit siulittaasuat Jakob Olsen 13.2.2012 oqarasuaatikkut attavigineqarluni akivoq, ukioq kingulleq annertunngitsumik Qaarsuni eqalussuarniartoqarsimasoq pisat uummatai takutinneqartarlutik, maannakkut eqalussuarnik aalisartoqanngilaq.

Maniitsumi aalisartuq Hans Heilmann 13.2.2012 oqaloqatigaarput. Ilisimaneqarpoq Isortoq saarullilissuusoq siusinnerusukkut aalisarfigineqartaqaluni, ningittakkanik bundgarninik ukiup qanoq ilinera apeqqutaatillugu. Aasaq kingulleq bundgarnit marluk Isortumut misiligutigisimavaat. Ullut aappassaani kusanartunik saarullissimapput aammali eqalussuarnik qulinik pisaqarsimallutik. Eqalussuit suliaqutaavallaaqimmata Isortoq-mi bundgarnesorunnaarsimapput. Eqalussuit Maniitsumi tunisaanialerasoralugit piniutit eqalussuarniutissat pisiarereernikuusimavai, piareersimavorlu eqalussuarniarnissamut, eqalussuilli tunisaalinngisaannarput.

Aalisarfiuleqqitsinnagu eqalussuarnik ikilisaanissamut ikiorneqarusooq, Isortumi saarullippassuit pisineneqarsinnaagaluar mata aamma aalisarfiit allat piissassineranni.

AGF-mit allagaqartoq Arne Spicer Lindgren 14.2.2012 mail-kut allaffeqarfimmit paasiniaaffigineqarpoq, akissuteqarnerminilu suliaq ingerlariaqqissimannitsoq nalunaarutigaa neriupporli eqalussuit ilivitsuutillugit qeritatit tunitsivissarsineqarumaartut, soorlu Kina-mut. – taamaattoq Kina-mut tuniniaaneq ajornarluinnartoq pillugu ilisimatinneqarpoq.

Qulaani inatsit taaneqartoq pillugu Nunamut Namminermit, Pinngortitamut Avatangiisinullu Naalakkersuisoqarfik aperineqareerluni mail-kut 15.2.2012 paasissutissiivoq, inatsit pineqartoq malillugu aningaasaliisoqassappat, unammilleqatigiinnermut Styrelse siunertamut aperineqareerluni akuersissummik /itigartissummik tunisisartuusoq. Uani suliaq ersarimmat aperineqanngilaq.

Aningaasaqarnikkut allaffissornikkullu kingunerisinnaasai

Siunnersuut akuerineqassappat, eqalussuilli 1000 pisineneqarlutik kr. 250.000,- kommuunimit akilerneqassappat. Annertunerusumik allaffissornikkut aningaasartorfiussanngilaq, suliaq sinnera AGF-mit suliariniarneqarmat.

Allaffeqarfiup naliliinera

Eqalussuit kommuunimit akilerlugit igitassat aalisarneqarnissaat avataanit isigineqarnermit kusanannitsumik kommuunimut sunniutteratarsinnaavoq. Illuatungaanili aalisartut isertitaasa amerlinissaannik aamma kinguneqarsinnaalluni, sulisut sulinerulernissaanik, AGF-llu tunisassiorfiata saarullinnik suluppaakkanik pisiaqarnerulernissaanik, eqalussuit akornutaajunnaarsinneqarsinnaappata.

Taamaattoq qulaani inatsit taaneqartoq periarfissinngilaq aningaasanik siunertamut aallerfigineqarnissamut, kommuunimi tunisassiorfiit ingerlanerini unammilleqatigiinnikkut nikisitsisussaammat.

Allaffeqarfimmit nalilerneqarpoq eqalussuarniartoqassappat sumut atorneqarnissaat siunniunneqartariaqartoq eqalussuit aalisalernerneqarnissaanik aalajangiisoqannginnarani.

Innersuussut

Allaffeqarfiup kommunalbestyrelsimut innersuutigissavaa eqalussuarniartoqarsinnaaneranik allaffeqarfiup misissuinini ingerlatissagaa, kingusinnerusukkullu aalajangiisoqassappat aningaasaqarnermut ataatsimiititaliaq aalajangiissasoq.

Aalajangiineq

Ilanngussat

1. Karl Lyberth-mit siunnersuut
2. Arne Spicer Lindgren-mit allakkiaq
3. Maniitsumi erhvervschefip paasissutissiissutaa
4. AGF-i siulittaasup paasissutissiissutaa

Imm. 36 Oqaluuserisassatut siunnersuut – Kuuffissuarnut ikkunnermut aningaasartuutit akilersorneqartarnerata allangortinneqarnissaat.

Journalnr. 25.03

Tunuliaqutaq

Kommunalbestyrelsimi ilaasortap Morten Siegstadip, kuuffissuarnut ikkunnermut aningaasartuutit akilersorneqartarnerata allangortinneqarnissaat. pillugu kommunalbestyrelsimi oqaluuserisassatut siunnersuut februarip 7-ani 2012 allakkatigut nassiuppaa.

Ukiorpaalunnguit matuma siornatigut Kaaliikassaap aqquataa kujammut isua aammalu Qiviarfik kuffissualiorneqarpoq. Taamanikkullu atuisunngorumaartussat amerlasoorujussuussasut naatsorsuutigineqarnikuupput, kisiannili kuuffissuit naammassimmata paasinarsilluni pissusiviusut allarluinnaasut.

Morten Siegstadip siunnersuutigerusuppaa kuuffissuarnut ikkunnermut akiliutaasartoq 30.000 kr. ukiunut arlalinnut akilersorneqarsinnaasunngorlugu Qeqqata Kommunian aalajangersaassasoq Takuuk eqitsit allakkamiittoq.

Eqitsimmiittut periarfissiissutaasinnaasut siunnersuutigivai, taamaalilluni periarfissat oqinnerulersinneqarnerisigut attavilersikkumasut amerlanerulersinnaanerit periarfissarissaarnerulersinnaas-sasoq.

Innersuussut

Kommunalbestyrelsimut innersuussutigineqassaaq, suliaq oqallisigineqareerneratigut **Teknikkimut Avatangiisinullu ataatsimiititaliamut** ingerlateqqinneqassasoq.

Aalajangiineq

Ilanngussaq

1. Morten Siegstadip februarip 7-ani 2012 allagaa.

Imm. 37 qaluuserisassatut siunnersuut – Teknikkimut avatangiisinullu ataatsimiititaliap passisassarsiorluni angalanissaa

Journalnr. 03.13.00

Tunuliaqutaq

Kommunalbestyrelsimi ilaasortap Morten Siegstadip, teknikkimut avatangiisinullu ataatsimiititaliap passisassarsiorluni angalanissaa pillugu kommunalbestyrelsimi oqaluuserisassatut siunnersuut februarip 7-ani 2012 allakkatigut nassiuppaa.

Paasisassarsiorluni angalanissaq Inter Solar 2012 juni 13-niit 15-anut München Tysklandimi pissaaq, saqqummersitsinermi saqqummersinneqassapput seqinermik nukissiornermik atortulersuutit innaallagissiornermut kiassarnermut silaannarissaanermut il.il. atortussat nunarsuarmi sumi tamaani atorpeqartartut.

Siunnersuuteqarnerminut tunngavigivaa, Qeqqata Kommuniani nukissiuutit sanaartukkanut assigiinngitsunut ilanngullugit atorneqarsinnaaneri.

Paasisassarsiorluni angalaneq iluatsillugu aamma aluminiumimik aatsitsivik Hydro-mik ingerlanneqartoq Tysklandimiittoq pulaarneqarsinnaanera periarfissarsiorneqarsinnaavoq, aatsitsivimmik allamik pulaagaqarneq Islandimiittoq kisiat pinnagu, taamaalilluni ilisimasaqarnerulertoqassaaq.

Innersuussut

Kommunalbestyrelsimut innersuussutigineqassaaq, suliaq oqallisigineqareerneratigut **Teknikkimut Avatangiisinullu immikkoortortamut** ingerlateqqinneqassasoq.

Aalajangiineq

Ilanngussaq

1. Morten Siegstadip februarip 7-ani 2012 allagaa.

Imm. 38 Qeqqata Kommuniani avataaneersunik tikisitsinissanut akuersissutit pillugit apeqquteqaat

Journalnr.67.01.03

Tunuliaqutaq

Kommunalbestyrelsimut ilaasortaq Morten Siegstad februaarip 7-ani 2012-imi allakkatigut Qeqqata Kommuniani avataaneersunik tikisitsinissanut akuersissutit pillugit apeqquteqaateqarpoq.

Maleruagassatigut tunngavissat

Kalaallit Nunaanut suliffissarsiortut killilersimaarnissaat pillugu Inatsisartut inatsisaat nr. 27, 30. oktober 1992-imeersoq.

Kalaallit Nunaanni suliffissarsiortut killilersimaarnissaat pillugu Namminersornerullutik Oqartussat Nalunaarutaat nr. 24, 26. august 1993-imeersoq.

Pissutsit atuuttut

Kalaallit Nunaanut suliffissarsiortut killilersimaarnissaat pillugu Inatsisartut inatsisaat nr. 27 30. oktober 1992-imeersup allaffissornikkut qanoq periuseqarluni atuutsinneqarnera pillugu saaffiginnissuteqarneq tunngavigalugu Suliffissarsiuussisarfimmit tulliuttut nassuiaatigineqarput.

Apeqquteqaammi allakkiaq tunngavigalugu Qeqqata Kommuniani atorfiit/suliffissat sorliit qassillu taamatut akuersissuteqarfiunersut nalunaarusiorneqarnissaa kissaatigineqarmat.

Matuma kinguliani 2011-mi akuersissutinik tunniussiviusimasut allassimapput. Akuersissutit amerlanersaat ukiumik ataatsimiit pingasunut sivisussusilerlugit akuersissutaasarpud.

2011	Sisimiut	Maniitsoq	Kangerlussuaq	
Igasoq	1	2	4	7
Tai atorlugu tagiartuisartut pisortaat	1			1
Pisiniarfimmi pisortap tullia		1		1
Pisiniarfimmi pisortaq	1			1
Inuussutissaarniarfimmi pisortaq		1		1
Neqqaarniat pisortaat	1			1
Qallisuisartog			1	1
Saaffiginnittarfimmi assistenti	1			1
Struktør	1			1
Mekaniker			1	1
				0
Tamakkiisut	6	4	6	16

Inuutissarsiornermut Suliffissaqartitsiniarnermullu ataatsimiititaliap kissaatigisimavaa, tamatuma sukateriffiginissaa aammalu aalajangiisimallugu, suliffeqarfiit avataaniit sulisussaminnik tikisitsinissaminnik qinnuteqartut, piumasaqaatit tulliuttut malissagaat, tamatumuuna qulakkeerniarneqarmat:

1. atorfinittut pisinnaatitaaffiisa unioqqutinneqannginnissaat,
2. atorfinnik allagarsiussinerit tamanut ammasumik ingerlanneqartassasut, sapinngisamik qinnuteqarsinnaasut amerlanerpaat periarfissillugit.

Taamaattumik suliffeqarfiit avataaneersumik sulisussarsinissaminnik akuerineqarnissaminnik kissaateqartut qinnuigineqarput, tulliuttut isumagissagaat:

- Atorfik sumiiffimmi, taamatullu nuna tamakkerlugu aviisitigut allagarsiunneqassasoq, qinnuteqarfissami piffissaq ilanngullugu.
- Atorfinititinermini uppersaatitut allagartaq suliarineqassaaq, tassani atorfiup imarisaa akissarsianullu tunngasut ersarissumik ilanngullugit. Akissarsiat pineqartumi isumaqatigiissutitut naapertuutissapput, tapisiat aamma.
- Najugaqarnissamat tunngasut attartornermut allagartamik uppersarneqassaaq, tassanilu inigisassap angissusia akiliutissarlu ilaassallutik.

Akuersissut pineqarpat, suliffissarsiuussisarfiup sumiiffimmi SIK-p immikkoortortaa akuersissuteqarnermik ilisimatissavaa. Taamaattumik suliffissarsiuussisarfiup neriutitigivaa, SIK-p immikkoortortaa tamatumani suliffissatigut malinnaalluarumaartoq.

Ilanngullugulu aamma apequtigineqarpoq, kommuni qanoq periuseqarnersoq, tassa inatsisip kommunimi suliffeqarfinnik malitsitsinniarnaq eqqarsaatigalugu. Inatsisip malitsinniarnera qulakkeerniarlugu, suliffissarsiuussisarfiup kommunimi suliffeqarfiit assigiinngitsut inatsimmik paasisitsiniaaffigalugit alakkartertarpai. Sisimiuni suliffissarsiuussisarfik 2012-mi februaarip 1-aniit tamakkiisumik sulisoqalerpoq, taamalu suliffeqarfiit assigiinngitsut alakkarteriffigisaqattaarlugit allartissimalerluni.

Suliffissarsiuussisarfiup sapinngisamik qulakkeerniarpaq, suliffeqarfinnik assigiinngitsunik attaveqarluarnikkut inatsit malinneqassasoq.

Innersuussut

Allaffeqarffimmiit kommunalbestyrelsimut innersuussutigineqassaaq, nassuiaat tusaatissatut tiguneqassasoq.

Aalajangiineq

Ilanngussaq

1. Morten Siegstadip allagaa februaarip 7-ani 2012-imeersoq.



Imm. 39 Qeqqata Kommuniani pensionisialinnut ineqartitsineq pillugu apeqquteqaat

Journalnr. 32.01.09

Tunualiaqutaq

Kommunalbestyrelsimut ilaasortaq Karl Lyberth januaarip 9-ani 2012-imi allakkatigut Qeqqata Kommuniani pensionisialinnut ineqartitsineq pillugu apeqquteqaateqarpoq.

Karl Lyberthip paaseruppaa:

- 1) utoqqaat qassit ineqarnerminnut akiitsoqarnersut, taamaalillunilu qanoq annertutigisumik akiitsoqarnersut, akiitsoqarnertillu patsisigalugu anisitaasartut,
- 2) taakkununga tunngassuteqartunut kommunip maleruagassaataanik nassuiaasoqarnissaa
- 3) inigisaminnit anisitaasussanut tunngatillugu kommunip iliuusissatut pilersaarusiortarneranik nassuiaat.

Tamatuma saniatigut apeqquteqaammi anisitaasimasunut tunngatillugu tulliuttut eqqartorneqarput:

1. Maniitsumi pensionisiallit marluk inigisaminnut akiitsoqarnerat patsisaalluni 2011-p ukiaani inigisaminnik anisitaapput. Qanoq annertutigisumik akiitsoqarsimanersut allassimanngilaq. Akiligassaminnik sooq akiliisimannginnersut aamma allassimanngilaq.
2. Innuttaasut taakku marluk anisitaammata, kommuni ukiap ingerlanerani eqqarsaatersuuteqarnerani innuttaasut taakku marluk assigiinngitsunut inissinneqarsimapput.
3. Utoqqarnut taakkununga marlunnut nooqattaartariaqarsimanerat Karl Lyberthip naammagisimaannigilaa. Tamatumalu sanitigut isumaqarluni, akiitsoqarlutik anisitaasimasunut tunngatillugu suliap suliarineqarnerani anisitaasimasut nuuttaqattaarnissaat pinngitsoortinniarlugu akiitsulinnut pitsaanerusumik atugassaqartitsinissaminut kommuni pisussaaffeqartoq.

Maleruagassatigut tunngavissat

A/S Inissiaatileqatigiiffik INI-mit allakkiaq naapertorlugu inigisimaninnit anisitaasut inissaqartinneqarnissaat inissiaatileqatigiiffiup pisussaaffigaa.

Pissutsit atuuttut

Utoqqaat akiitsullit pillugit takussutissiamut tunngatillugu apeqquteqaateqarluni Qeqqata Kommuniana A/S Inissiaatileqatigiiffik INI-mut saaffiginissuteqarpoq. Ilaqutariinnermut ataatsimiititaliap februaarip 8-ni 2012-mi ataatsimiinnissaanut kisitsisit tiguneqarsimanngillat. Utoqqaat 65-ileereersimasut qassit A/S Inissiaatileqatigiiffik INI-mut akiitsoqarnersut ersarissumik paasissutissanik maannangaaq pissarsisinnaasimannigilagut.

Tamatuma kingorna akissut februaarip 10-ani 2012-mi allaffeqarfimmi tiguneqarpoq.

Qeqqata Kommuniani ineqarnermut akiitsullit pillugit A/S INI-mit paasissutissat

Illoqarfik	Kommunimi nunaqarfiit ilanngullugit attartukkat amerlassusaat	Inuit akiitsullit nutaamik attartorsinnaanngitsut amerlassusaat	Inuit 65-it sinnerlugit ukiullit akiitsullit
Maniitsoq	818	270	8
Sisimiut	1322	465	18

2012-imi febr. aallaqqaataani inigisanut akiitsut annertussusaat	Koruuninngorlugit
Attartortuusut (maannakkut najugaqartut) akiitsui	2.425.384,16 kr.
Nooreernikut akiitsui	16.173.102,55 kr.
Akiitsorineqartut katillugit	18.598.486,71 kr.

2011-mi Kommunalbestyrelsimut nassuiaammi tullinnguuttut nassuiaatigineqarput:

- 2011-mi februaarimi Maniitsumi ilaqtariit 50-it inigisaminnit anisitaasussanngorput. Sisimiuni 20-t anisitaasussanngorput.
- Inuit/ilaqtariit akiitsoqarnertik patsisigalugu inigisaminnit anisitaasunut A/S Inissiaatileqatigiiffik INI inissiiinissamik neqerooruteqarnissaminik pisussaaffeqarpoq.
- Anisitat inaannut inissiiinissamik neqerooruteqartarnermini A/S Inissiaatileqatigiiffik INI mianersortorujussuusarpoq. Soorunalimi akuttunngitsumik inissaqartitsiniarnikkut ajornartorsiuteqartarput, soorlutaaq neqeroorfigineqartut tamarmik neqeroorfigineqarnerminnut akuersineq ajortut.
- Pissutsinut taakkununga atatillugu Maniitsumi INI suleqatigilluarneqarpoq.
- A/S Inissiaatileqatigiiffik INI qaammammut ataasiarluni politiinik ataatsimeeqateqartarpoq. Innuttaasut akiitsuminnik akileeqqullugit pingajussaanik allaffigitissimallutik, politiit suliamik suliarinnereernerisa kingorna inigisaminnik anisitaaratarsinnaasut ataatsimiinnerni misissuataarneqartarput. Inigisaminnit anisitaasut, maleruagassat naapertorlugit allamut inissinneqarnissaannik neqeroorfigineqarnissaannut INI politiillu qulakkeerinnittarput.
- Anisitaaratarsinnaasut pillugit allattorsimaffik Maniitsumi Ilaqtariinnermut Immikkoortortamit misissorneqarlunilu kukkuneqannginnersoq misissorneqarniassammat Immikkoortortamut nassiunneqartarpoq. Tamatuma saniatigut ineqarnermut akiitsunik matussusiinissamut, Ilaqtariinnermut Immikkoortortamut qinnuteqaateqartoqarsimanersoq misissorneqartarpoq, qinnuteqartoqarsimagaangallu A/S Inissiaatileqatigiiffik INI tamatuminnga ilisimatinneqartarpoq, taamaalilluni suliap naammassineqarnissaata tungaanut anisitaasussat anisitaannginniassammata.

2011-mi marsip qaammataani suliaq patsisigalugu immikkoortoq tamaat misissuiffigineqartariaqarnera pillugu Qeqqata Kommunia, KANUKOKA-mut assilineranik nassitsilluni Naalakkersuisut siulittaasuanut kiisalu Inatsisartut siulittaasuanut allakkamik nassitsivoq. Matumani inatsisit maannakkut atuuttut misissuiffigineqassasut kiisalu maleruagassat atuuttut ilaatigut naapertuuttunngorsarneqassasut.

Aningaasaqarnikkut allaffissornikkullu kingunerisinnaasai
Kinguneqaatissaqanngilaq.

Allaffeqarfiup naliliinera

Allaffeqarfiup nalilerpaa, inissaalatsineq ineqarnermullu akiitsut nuna tamakkerlugu ajornartorsiutaasut, tamannalu kommunip kisimiilluni aaqqiiffigisinnaanagulu kisimi aaqqiiffigissanngikkaluaraa.

Inunnut ataasiakkaanut sulianut tunngatillugu inatsisit naapertorlugit suliarineqartarput.

Allaffeqarfiup innersuussutaa

Immikkoortortaqarfiup Ilaqutariinnermut ataatsimiititaliamut Kommunalbestyrelsimullu innersuussutigissavaa, paasissutissiissut tusaatissatut tiguneqassasoq.

Ilaqutariinnermut ataatsimiititaliami suliap suliarinera

Ilaqutariinnermut ataatsimiititaliap februaarip 8-ni 2012-imi ataatsimiinnermini suliaq suliarivaa. Ataatsimiititaliap utoqqalinersiallit akiitsoqalinnginnissaannut suleriaaseq iluarisimaarpaa, aammalu pitsaangorsaataasinnaasunut ammalluni, saniatigullu Kommunalbestyrelsi saaffigineqassaaq Naalakkersuisut siulittaasuannut allakkiaq 4. marts 2011-meersoq qanoq kinguneqarsimanersoq.

Innersuussut

Innersuussutigineqassaaq Ilaqutariinnermut ataatsimiititaliap nassuiaataa kommunalbestyrelsimi tusaatissatut tiguneqassasoq.

Aalajangiineq

Ilanngussat

1. Karl Lyberthip allagaa januaarip 9-ani 2012-immersoq
2. Kommunalbestyrelsip Naalakkersuisut siulittaasuannut allagai marsip 4-ni 2011-imeersut

Imm. 40 Ilaqutariinnermut immikkoortortamit paasissutissat aamma Aningaaserivinnut paasiniaanermi inatsisitigut maleruagassat pillugit apeqquteqaat

Journalnr. 12.01.00

Tunuliaqutaq

Kommunalbestyrelsimut ilaasortaq Godmand Rasmussenip januaarip 20-ani 2012-imi e-mailikkut apeqquteqaatigai

- 1) Sisimiuni innuttaasut Ilaqutariinnermut Immikkoortortamut saaffiginninnissaanni periusissaat pillugu Sivdlek'-mi qupperneq ataaseq tamaat atorlugu paasissutissiiffiqeqassasut pillugu juulip 27-nai 2011-mi Kommunalbestyrelsimut saaffiginnissutini sumut killinnersoq
- 2) Aningaaserivimmi uninngasuutit pillugit sullissup uppernarsaatinik piumasaqarsinnaanera pillugu inatsimmi sumi allassimansoq.

Maleruagassatigut tunngavissat

Kommunimit paasissutissiisarneq qanoq annertutigissanersoq kommunip nammineq aalajangigassaraa.

Pissutsit atuuttut

Apeqquteqaammut 1)-imut

Sisimiuni Ilaqutariinnermut Immikkoortortap paasissutissaq tullinnguuttoq, 2011-mi sapaatip akunnera 45-mi, imaappoq 2011-mi pingasunngornermi septembarip 9-ani paasissutissiissutigaa. Paasissutissiissut tamakkerlugu issuarneqassaaq:

”Sisimiuni Ilaqutariinnermut immikkoortortamit paasissutissat Sisimiuni Ilaqutariinnermut immikkoortortami suliasoqarniarnikkut peqquteqartumik, ajornartorsiuteqaviulluni nammineq ornigulluni saaffiginnissutit tiguneqarsinnaapput.

Utaqqisinnaangitsumik nammineq ornigulluni saaffiginninnermi Kommunip ammasarfuisa nalaanni ataasinngornikkut, marlunngornikkut, sisamannngornikkut taalimannngornikkullu nal. 10-miit 13.30-imut saaffiginnissinnaavutit, tulliuuttut nalaasimagukkit:

- *Meeqqatit sumiginnagaasimappata*
- *Peruluttoqartillugu toqukkulluunniit qimaguttoqartillugu*
- *Ikuallattoqarsimappat*
- *Aningaasaqarnikkut tassangaannartumik pisariaqartitsinikkut*

Ilaqutariinnermut immikkoortortamut oqarasuaatikkut saaffiginninneq Ilaqutariinnermut immikkoortortamut oqarasuaatikkut 86 74 22-ikkut saaffiginnissinnaavutit, ataasinngornikkut marlunngornikkut tallimannngornikkullu nal. 10-miit 11-ip tungaanut, inuttut atukkatigut matuma siuliani taasat sanaitigut nalaataqarsimaguit.

Sullissisunnut oqarasuaatikkut saaffiginninnerit

Ataasinngornikkut, marlunngornikkut tallimannngornikkullu nal. 15-ip 16-illu akornanni toqqaannartumik sullissisunnut saaffiginnissinnaavutit, tassa arlaatigut apeqqutissaqaruit imaluunniit siunnersortikkusukkuit ilitersuutsikkusukkuilluunniit. Ilaqutariinnermut immikkoortortami siullermeertumik saaffiginnikkuit sullissisuit oqarasuaatikkut normuni toqqaannartog tunniutissavaa.

Sulisogarniarnikkut pissutsit aaqqinniariarpata, tamanna nalunaarutigineqarumaarpoq.

Ikinngutinnersumik inuulluaqqusilluta Sisimiuni Ilaqutariinnermut immikkoortortaq”

Apeqquteqaammut 2)-mut

Aningaaserivimmi uninngasuutit pillugit apeqqutigineqartumut tunngatillugu inatsisitigut maleruagassat pillugit tullinnguuttut paasissutissiissutigineqassapput:

Pisortanit ikiorsiissutit pillugit Inatsisartut peqqussutaat nr. 15, 2006-imi novembarip 20-aneersoq naapertorlugu qinnuteqartup aningaasaqarnera naapertorlugu naatsorsuisoqartussaavoq.

Isertitat aningaasartuutillu saniatigut qinnuteqartup pigisai nalillit aamma misissuiffigineqartussaapput.

Peqqussummi nr. 15-imi § 19 naapertorlugu qinnuteqartoq aappaalu aningaasatigut pisariaqartitaannik matussusiiinnaasunik nalilinnik pigisaqarpata, qinnuteqartoq aappaasorluunniit pisortanit ikiorsiiffigineqarsinnaanngillat.

Peqqussummi nr. 15-imi § 25 naapertorlugu paasissutissanik pisariaqartinneqartunik pissarsinissamut qinnuteqartoq peqataasussaavoq.

Ikiorsiissutissat eqqortumik naatsorsorneqarnissaannut pissutsit tamakkerlugit paasissutissat, matumani aningaaserivimmi kontop nikerarnera pillugit uppernarsaat ilanngullugu tunniunneqartussaataapput. Taamaalilluni pigisat, kingullermillu akissarsiat kiisalu kontomut ikineqarsimasinnaasut allat nalilersorneqarsinnaassapput.

Kontop nikerarnera pillugu uppernarsaammut aningaaseriviup akiliisitsisarnera ajuusaarnarpoq, qinnuteqartorli aningaasaqartinnagu, pisortaniillu ikiorserneqartillugu, kontop nikerarnera pillugu uppernarsaammut aningaasartuutit kommunip matussuser tarpai.

Allaffeqarfiup naliliinera

Sisimiuni Ilaqutariinnermut ataatsimiititaliap nalilerpaa, isumaginninnikkut kiffartuussineq pillugu paasissutissiisarneq annertusarneqaruni iluaqutaassasoq. Ilaqutariinnermut Immikkoortortaq kiisalu ilaqutariinnut Kiffartuussiviup kiffartuussisarnerisa ersarinnerusumik paasissutissiissutigineqartarnissaat anguniagaavoq. Ilaqutariinnermut pisortap paasissutissiinnermut suleqataasoq peqatigalugu taakku 2012-ip upernaani suliarissavaat.

Allaffeqarfiup innersuussutaa

Immikkoortortap innersuussutigaa, Ilaqutariinnermut ataatsimiititaliap akissuteqaat Kommunalbestyrelsimut innersuussutigissagaa.

Ilaqutariinnermut ataatsimiititaliami suliap suliarinera

Ilaqutariinnermut ataatsimiititaliap februaarip 8-ni 2012-imi ataatsimiinnermini innersuussut tusaatissatut tiguaa.

Innersuussut

Innersuussutigineqassaaq Ilaqutariinnermut ataatsimiititaliap akissuteqaataa kommunalbestyrelsimi tusaatissatut tiguneqassasoq.

Aalajangiineq

Ilanngussaq

1. Godmand Rasmussenip e-mailerutaa januaarip 20-ani 2012-imeersoq.

Imm. 41 Tamalaat